

(शुक्रवारी साहित्यिक मैगजीन)
जनवरी 2007

बार



OMKAR NEST PVT. LTD.

A-13, S-1, Dilshad Garden, Delhi - 95

Mob. : 98101876111, 9811236239, 9810203011

We have completed around
20 projects in
NCR now we have a proud
to announce
group housing society in
posh areas
of Jammu with all facilities
under one roof.

Booking open for :

● 2 Bed Room

● 3 Bed Room

● and exclusive Floor

AT INDIRAPURAM AND VAISHALI

वाख-5

(त्रुयतवार साहित्यिक मैग्ज़ीन)

जनवरी 2007

संपादक

रतनलाल शान्त

सहायक संपादन

प्रेमनाथ शाद

प्रबंध संपादन

रूपकृष्ण भट्ट

व्यापार-प्रचार

राकेश पंडिता

वाख- 5

त्रुयतवार साहित्यिक मैग्जीन
जनवरी 2007

प्रकाशक

आल इंडिया कश्मीरी समाज

(एआईकेएस)

डी-90, सरोजिनी नगर,

नैव दिल — 110 023

ई-मेल : aiksnd@rediffmail.com

संपादकीय पताह

904—सुभाषनगर,

जम्मू—180005

फोन : 094196 - 84844

0191 - 2586033

© सर्वाधिकार सुरक्षित

यथ पत्रिकायि मंजु प्रकाशित लेख वगैरु इतिमाल करनु ब्रोंठ गछि लेखक, अनुवादक तु एआईकेएसक इजाजत जरूर हयनु युन।

कुनि ति (प्रकाशित) लेखस मंजु जॉहिर करनु आमचि रायि सुत्य एआईकेएस या संपादक मुद सहमत आमुन छुन जरूरी।

कवर डिजाइन तु अँदरिम्य स्केच : गोकल डेंबी

म्वल :	1) अख अंक	: 30 रु०
(देश)	2) सालानु	: 100 रु०
(विदेश)	1) अख अंक	: 4 डालर
	2) सालानु	: 15 डालर

इश्तिहार :	कवर सफु	: 10,000 रु०
	अँदर्युम कवर	: 8,000 रु०
	पूउ सफु	: 5,000 रु०
	ओड सफु	: 3,000 रु०
	चवबाग सफु	: 2,000 रु०

चंडु सोजनुक तु विग्यापनु खाँतु पताह :-

एआईकेएस

डी-90, सरोजिनी नगर, नई दिल्ली-110 023

(दिलि नेवुगियन चेकन गछन 40 रु० अलाव आमुनि,

डी.टी.पी : IILS D.T.P. Centre

रिंकू कौल # 94191-36369, 2598633

वाख-5

(त्रुयतवार साहित्यिक पत्रिका)

जनवरी, 2007

यथ अंकस मज्ज

ग्यानुमारुग छुय हाक्वॉर : (लेख)

फिलास्फर बतोरि शॉयिर उत्पलदेव सुंजि

‘शिवस्तोत्रवाली’ प्यठ कैंह नोट : डॉ. अमरनाथ दर : 24

शारदा लिपी : अख म्बखसर ज्ञान : डॉ. बद्रीनाथ कल्ला : 29

कॉशुर तु बैयन ज़बानन हुंद लफ़्ज़ु राश : डॉ. अमर मालमोही : 35

च्यतु त्वरुग : (कविता)

सोंतस अँछदर बुछिने आय : अर्जुन देव मजबूर : 40

बुन्युल : सैयद रसूल पोंपुर : 42

गज़ल : जवाहर लाल ‘सरूर’ : 45

गज़ल : मजरूह रशीद : 46

गज़ल-1, 2 : प्रेमी रोमानी : 47, 48

आगु व्योदुय : (अनुवाद)

1) पटरि : प्रो. क.ल. तिवक् : 49

2) पोशि कुज : 50

3) दगा : 51

कथा यि कॅरुम त्वपॉर्य सथ : (कहानियि)

तेह : हृदय कौल भारती : 53

खाब : अवतार पंडिता (हवगामी) : 59

शिवस सोरि नु अतु गथ : (क्लासिकल साहित्य)

ललवाख — नोट तु व्याख्या ह्यथ : 63

शिव छुय थलि थलि रव जान : (सूफी शायरी)

1) वैन्य दिमाँयो : करम बुलंद : 67

2) सोरुय चुय : 68

कथा यि हॉवम सतुच वथ : (महा काव्य)

प्रकाश रामायनु मंज शोरूवॉती अंश : 69

ग्वरु सुद वनुन

ब्याख बंसी निर्दोष जन्मस आमुत : डॉ. शिवनकृष्ण रैणा : 78
मसरूफ अख वखरु शॉयिर : डॉ. अमर मालमोही : 81

मे ति कल गनेयि : (साहित्यिक विवाद)

फनकार किनु कारबार? : डॉ. र.ल. भट्ट : 19

रवस सोरि नु अतगथ (सोन पतु बजर)

अँसी ऑस्य तु अँसी आसव : अर्जुन देव मजबूर : 74

स्वखन डूस

हरीकृष्ण! करखा ना चुय सँबीला? : पं. स्वखानंद : 86

सॉरी समुहव यथ रजि लमहव : (चिठि पँतुर)

एम.के. रैणा, चंद्रमोहिनी कौल, द्वारिकानाथ हंडू, संचित रैना, त्रिलोकी नाथ तिकू, कृष्ण
'केवल' : 6


वाख तु वचुन : (एडीटोरियल)

दूरि छु मरुच ति मेठान मगर कोताह दूरि? : 13

कवर पेंटिंग

महामत्स्य सुंद आख्यान (लीजंड)

कैनवासस प्यठ आइल पेंट (24"x32") प्राइवेट संग्रह।



ऊपर हिम था नीचे जल था
एक तरल था एक सघन
एक तत्त्व की ही प्रधानता
कहो उसे जड़ या चेतन

(प्रसाद)

यि स्रेश्टी गयेयि पानि प्यठु शोरू। खबर पोन्थ छा जड किनु
चेतन, किनु द्वशवय किनु द्वशवुन्य अपोर क्याहताम। व्वंगव सॉन्य यि
स्रेश्टी छे गरा जड तु गरा चेतन आसान या बासान तु अम्युक आरंब
गव जल (पानि) प्यठय। जल छु आगरुक तत्त्व।

तत्त्वमसि। (तत याने सु छुख चुय)

तत् याने येमि सानि स्रेश्टी हुंद आदि (ग्वड) कारन (प्राइमल काज) आव जलरूपस मंज वोजूदस ति क्याजि सु छु न खॉली बल्कि प्रकाश ति, थेती (स्रेश्टी) तु थेती हुंद कारन, द्रशवय छु सुय। ग्वडुक खँटिथ कारन ति तु तम्युक प्रोखुट रूप ति सुय। ग्वडन्युक प्रोखुट रूप ओस जल।

प्रकाश ति तु विमर्श ति।

गरा गाड बॅनिथ गरा कॅछवु तु गरा सोर। (यिमय जानवर पेयि तस सॉनिस जद रेशिस तमि विजि याद। अदु कल्पनायि छा थख? पुरानन हुंज छा कमी?)

स्रेश्टी हुंद सफर गव पानि प्यठ शोरू यथ डंबस गाड लॅज। नरसिंह, वामन, परशुराम कृष्ण तु बुद्ध छि शरीर मन तु ब्वद लगातार विकसित गछनुचि कल्पनायि हुंभं पडाव। ऑखरी याने गाभी अवतार छु पकान।

येमि पेंटिंगि हुंदिस महामत्स्यस्नेरि प्रलयिं विजि ह्यंग यथ थफ कॅरिथ मनु पननि चाकवारि तार दियि तु हिमालुकिस 'नौबंधन' थॅगिस नाव गंडि। वुनि छु कुल कोट पॉनिस मंजुय युस शोहल्यन रंगन अंदर स्वंदर बासान छु। हिमालु पबंथ छु वुनि नोन तु छोन मगर व्वजुजार सान तु खश्मुहोत। असमान छु दुलमुनं, नीजर फेरि अथ प्रलयुक तूफान हमनु पतय। तालि प्यठ छुस वुनि अकोय ओबरु लंग यथ फॉलुन तु सारी बुतरॉच नाल वलुन छु। आटिस्टन छे स्रेश्टी ब्रूँमि शोहजार तु शांती हुंजि पौत कलि मंज पननि जमानुक नार शोहलावनुच व्वमेद ह्यथ यि पेंटिंग बनाँमुच। (रलश)

(यथ कालमस मंज छि अँस्य करान पनुन्यन परनवात्यन तु लेखन वात्यन हुंजु चिठि शॉमिल। चिठि गछन 'वाखु' किस कुनि ति पहलूहस मसलन अमि किस स्टैंडॉडस, अथ मंज शॉमिल लेखन अंदर प्रकट करनु आमुचि रायि या वेयि कुनि तजवीजस मुतलिक आसुनि। चिठि गछन वेदयन अछरन मंज लेखिथ या टाइप कँरिथ आसुनि तु सँही निशानन हुंद इस्तिमाल गछि करनु युन। व्वं गव अँस्य ह्यकव पनुन्यन वँहँलिपायि लेखकन हुंजु चिठि उर्दू हिंदी या अंगरीजि प्यटु अनुवाद कँरिथ ति शॉमिल कँरिथ-सं.)

‘वाख’ — अख मॉर्यमोंद कॉशुर अदबी मैगज़ीन

कॉशिरि ज़बॉन्य मंज अख अदबी मैगज़ीन कडुन छनु कांह सँहँल कथाह कँह। अमि खॉतरु गछि पँज्य पॉट्य जिगरु आसुन। असि मंज छि कौत्याह लिखॉर्य कॉशिरि ज़बॉन्य मंज लेखान, तु बे—वायि लेखान, यि जॉनिथ जि कॉशिर्य बॉय बेनि (शुर्यन हुंद छुनु सवाल्य तु त्युहुंद नावय कथ छु ह्योन?) गछन पनुनि ज़बॉन्य मंजुय लेख परिथ सयठाह ख्वश, तु शायद मा यियख न पछ्य जि पँज्य पॉट्य छा कांह कॉशिरि ज़बॉन्य मंज लेखन वोल् वुनि ति मूजूद। मगर हरगाह अँस्य वारु पॉट्य सनव, असि तरि फिकरी जि कॉशुर परनवोल् छु तोमल् मंजु कनु फोल्। यि छे सॉन्य, या यिथु पॉट्य दँप्यतव, सानि कोमुच बद—कृस्मती जि कॉशुर परन वोल् छु स्यठाह नायाब। परनुच कथ त्रॉव्यतव, कॉशिर्य पॉट्य कथु करुन्य ति छु असि नागवार सपदान। येलि न मोल् मॉजुय तयार छि शुर्यन सुत्य पनुनि ज़बॉन्य मंज कथ करुनस, शुर्यन क्याह राह खारव? असि छु स्यक् पॉट्य यि इराटु कोरमुत जि कॉशिरिस छुनु ‘फ्यूचर’ कँह। बॉल्य कथ छु वख रावुरावुन? अमी छु कॉशुर लिखॉर्य लेखान तु यि दँप्यजि

ति, फुटुज कॅरिथ संदूकस मंज शीरिथ थवान। अगर किताब छापनि नेरि, चंदुक पाँसु लॉगिथ ति आस्यस नु मुफतस मंज कांह निनु खॉतरु तयार। करि क्याह? नारस दिया नरि?

यिम हालात मदि नज़र थॅविथ गोछ आसुन कॉशिर्यव लिखॉर्यव अथ ज़बॉन्य मंज लेखुन करताम त्रोवमुत, मगर माजि दीवी हुंजि दयायि सुत्य सपुद न यि कॅह। कॉशिरिस मंज लेखनस लोग माइग्रेशन पतु जादय पहान चलेजाव। क्वदरतन कॅर ब्याख यॉरी ति। कॅचव चुक्य दारव हुंदि मेहनतु सुत्य सपुज देवनागरी—कश्मीरी लिपि 'स्टेंडाडाइज़ेशन' तु लेखुन सपुद सॅहल तु प्रथ काँसि समुज यिनु वोल्। नतु ओस प्रथ कांह लिखॉर्य पनुनी लिपि, यथ मंज कुसुम कुसमुक्य चॅद्र तु तारख बनॉविथ ऑस्य आसान, मंज लेखान तु परन वॉलिस (हरगाह कुनि कांह पाँदु गॅयोव) हॉरान तु परेशान करान। दान दिन्य लायक कथ ऑस यि जि प्रथ कांह लेखन वोल् ओस पनुनी ईजाद करिमचि लिपियि सॅही तु सॅहल करार दिवान।

नॅव देवनागरी कश्मीरी लिपी बारसस यिथ सपुद लिखार्यन मंज ति नोव जोश तु वलवल्लु पाँदु। हतु बद्यव ह्योत लेखुन तु लूकन ब्रॉह कुन अननु खॉतर कुनि नतु कुनि तॅरीक बरादॅरी हुंघन मैगज़ीनन मंज छपावनुच कूशिश करुन्य। मगर अति बेयि ति सॉन्य बद—कुस्मती। सान्यन बरादॅरी हुंघन मैगज़ीनन छि हतु मंज 90 सफु अंग्रीजि खॉतरु मुकरर। बाक्य दॅहव मंज छि कॉशिरि खॉतरु त्रै चोर सफु आयतन थवनु यिवान। व्वन्य कसुंद छेपि तु कसुंद पेयि? यि सवाल येति लिखॉरिस छु परेशान करान, तॅती छु यि संपादक सॉबस ति कल्लु दग तुलान। यि कथ छेनु जि मैगज़ीनक्य करता दरता क्या छि कॉशिरिस खलाफ। शायद छि तिम ति अमी दगि वॅल्यमुत्य जि कॉशरुय योत हरगाह छापव, तु मैगज़ीन कुस हैयि?

अँथ्य माहोलस मंज सपुद 'वाखुक' ज़न्म। दपान 'वाख' ओस स्यठाह काल ब्रॉह तयार, मगर छापनु खॉतरु ओस नु सरमायि सपदान

मयसर। व्वन्य कति आव सरमायि तु कॅम्य छोप, तथ प्यठ छुनु असि बहस। असि छु अमि कथि सुत्य अख सोकून मेलान जि पॅज्य पॉट्य छि सानि बरादॅरी मंज तिम नफर ति मूजूद यिम छराह कॉशिरि ज़बाँन्य मंज अख मैग्जीन कडनु खॉतरु द्वह राथ कॉम छि करान तु चुकि सान छि करान। कुनि मैग्जीनुक दॅहन पंदाहन सफन हुंद कॉशुर बोग तयार करुन ति छेनु सॅहल कथाह, सु ति येलि नु सॉरी लिखॉर्य नवि लिपी हुंद इस्तेमाल बे—वायि करान छि कॅह। कांह कांह छु वुनि ति प्रान्यन लिपियन मंजुय लेखान। कम्प्यूटर छुनु सारिनुय। अथु सुत्य ल्यूखमुत कॉशुर छु ओड परनु यिवान तु ओड छु सॅर्य पेट्य गछान। यिथ्यन हालातन मंज हरगाह हति पेट्य सफन हुंद कॉशुर मैग्जीन काँसि तयार कोर, सु छु पॅज्य पॉट्य यज्जतु अफजॉयी लायक। सानि खॉतरु छि यि तसकीनुच कथ जि सानि बरादॅरी मंज छु शांत सॉबस ह्यू मेहनथ—कश मूजूद। अमि खॉतरु छु म्यानि तरफु तस हथ हथ मुबारक।

मे निश छि 'वाख' मैग्जीनकय ज़ु शुमार। अख छु ओक्टूबर 2005 तु ब्याख अप्रैल 2006 शुमार। येति ग्वडन्युक शुमार लवकुटि साइजुक तु सिर्फ 72 थन सफन हुंद छु, तॅती छु नोव शुमार बडि (तु शूबिदार) साइजुक तु हतु पेट्य सफन हुंद। यि छे अख ख्वश आंयटु कथ। दोयिमिस शुमारस मंज लूकन हुंज चिठि पॅरिथ छु स्यकु सपदान जि लूख छि कॉशुर परान, या परनुच कूशिश करान तु तमि पतु पनुन्य राय ति दिवान। यि छु मुबारकस लायक। लेखनु हुंज चॉर ति छे मैयाँरी। ब्योन ब्योन मोजू छि रुति आयि तरतीब दिनु आमुत्य। बासान छु, लिखार्यन तु आला—पायिक्कन लेखन हुंज छुनु कॅमी कॅह। खबर अँसी मा ऑस्य बेसब्र।

मैग्जीनुक कवर छु शूबिदार मगर प्रिंट छु स्यठाह न्युक। यि हैकि व्योठ करनु यिथ। अमि सुत्य गछि तिमन बुजर्गन परनस मंज सहूलिथ, यिमन वुनि ति कॉशुर परनुक शोक छु। मे छु यकीन जि शांत सॉबनि तु

भट्ट सॉबनि मेहनतु सुत्य लबि जल्दुय सोन यि टोठ मैग्जीन अख बुलंद जाय। सानि खॉतरु छु प्रथ कांह सु कदम तॉरीफन लायक येमि सुत्य ज़बॉन्य आबयॉरी सपदि। व्वमेद गछि करनु यिन्य जि बरादेंरी हुंध बाँय बेनि ति करन पनुनि हिसाबु अथ ज़बॉन्य पोछर दिनस मंज़ पनुन रोल् अदा, तु सुती करन 'वाख' मैग्जीनस ति खेंरीदार बॅनिथ मॉली मदद। द्यवु दय बोज़ि, सॉन्य ज़बान लबि बेयि पोछर।

एम.के.रैना

909—अ, पुष्प विहार, शास्त्री नगर,
वसई रोड वेसट, मुम्ई 409202।

कथा सतीसर छि सानि इतिहासुच किताब

बु छस यि बूज़िथ स्यठाह ख्वश गॉमुच जि सॉन्य अख कूर (चंद्रकांता) छि बोड हिंदी पुरस्कार (व्यास सम्मान) प्राँविथ। तस सुत्य सवाल जवाब पौर मै द्वन वाखन (जुलय तु ओक्टूबर) मंज़। अमि किथु कॅन्य छु यि मकाम प्रोवमुथ, यि छु असि सारिनुय खॉतरु मुबारख। अँमिस मुतलिक छु बड्यव बड्यव लेखकव तु लेखिकायव स्यठाह जान वोनमुत — यि छनु मोमूली कथ। बु ति छस यछान 'कथा सतीसर' परुन। पॅज्य पाँट्य यि किताब (नावल) आसि सानि इतिहासुच किताब हिश। अथ प्यठ छु असि फखुर। (मे छनु काँशुर लेखुन तगान, तमि खॉतरु दिज्यव मे माँफी।)

चंद्रमोहिनी कौल

ब्लाक ई—775, नानकपुरा, नई दिल्ली।

शिव लॅग्न ति दीतव

बु छुस त्वहि 'वाख' ह्यू कॉशुर रिसालु कडनस प्यठ वळि वॉलिंजि मुबारख करान। यि छुनु सिरिफ अदबी रिसालु बॅल्कि अथ मंज छि तॉरीख, कल्चर, ज़बान तु बेयन मज़मूनन प्यठ ति आटिकुल आसान यिम मेहनतु सान लेखनु आसान आमुत्य। अमिच पालसी छे जि कॉशिर ज़बान गॅछ मयॉरी बनून्य तु यि गॅछनु कॅशीरि नीरिथ खतुम गछून्य। अथ कामि मंज पज़ि असि सारिनुय त्वहि मदद करुन।

बु छुस खासकर अर्जुनदेव मजबूर सॉबुन 'अॅसी अॅस्य' आटिकुल परान। बड़ कॉम छि यिम करान येमि खॉतरु तिमन पज़ि शुकरिया करुन। पॅतिमिस अंकस मंज छु तिमव ज़रहोम, ल्यतपोर वगैरा नवन खुदायन मंज द्रामुत्यन चीज़न हुंद बड़ असल बयान द्युतमुत। मगर द्वन जायन मुतलिक छे कथ अॅड्य रूज़मुच। हुटुमरिस मुतलक रिपोर्टस मुतलिक तु ल्यदर वादी मुतलक क्याह कॉम कॅर पीटरसनन तु डिटेराहन। बु छुस तिमन गुज़ॉरिश करान जि आयंदु करन तिम यिमन द्वन अहम जायन मुतलिक बेयि मोलूमात हॉसिल तु कथन कडन गेन्य।

यि छे जान कथ जि 'वाख'—स मंज छि ललवाख ति कुस्तन मंज छपान तु रामायन ति। प्रोन इतिहास ज़ानुन ति छु ज़रूरी। अॅथ्य स्यूत्य छुस बु यछान जि परमानंद सुंद 'शिवलॅग्न' ति दीतव रछाह रछाह। मगर पनुनि कमेंटरी सान।

द्वारिकानाथ हंडू

1237, माडल टाउन, रिंग रोड,

दिल्ली - 110006।

(ग्वडून्यथ ह्यमव अॅस्य त्वहि मॉफी जि जायि छ्वचर म्वखु प्यव असि तुहुंजि जेछि जिठि मंज वारियाह त्रावुन (यथ मंज सिरिफ सॉन्य तॉरीफ अॅस्य)। अॅस्य छि त्वहि हिंव्यन संजीदु परन वाल्यन हुंद स्यठाह आबॉरी।

मजबूर सॉबस तॉन्य वातुनावव अँस्य तुहुंज कथ। तिम छि सॉन्य अख स्यठाह आदरनीय लिखॉर्य यिम जुव ना ठीख आसनु बावजूद यीच मेहनथ करान छि। 'शिव लॅगुन' यियि ज़रूर 'वाख'—स मंज दिनु मगर पनुनि वारि प्यठ। त्वतान्य पेयि त्वहि प्रारुन। तमि बापथ मॉफी।—सं०।)

बेयन कॅरिव हंटव्यू

'वाख' (जुलय 2006) मंज छु मशहूर हिंदी उपन्यासकार चंद्रकांता जी सुंद इंटरव्यू बड़ जान पॉठ्य आमुत। यि इंअव्यू छु अथ थदि पायि सहित्यिक पत्रिका बनावान। व्वमेद छे बेयन नावदार लेखकन (हिंदी, उर्दू, अंगरीज्य) सुत्य ति कॅरिव तोह्य इंटरव्यू। अँस्य छि यछान तुहुंज यि पत्रिका गछि द्रह ख्वतु द्रह थदुन्य तु बड़ुन्य। (हिंदी प्यठु तर्जमु)

संचित रैना

जवाहर नगर, अंबाला।

('वाख' छु तिमन कॉशिर्यन लेखकन हुंजु रचनायि कॉशिरिस अनुवादस मंज दिवान यिम नु कॉशिर्य पॉठ्य लेखान छि। मकसद छु जि तिम ति गँछ्य कॉशिरस मंज लेखुन्य युथ सॉन्य ज़बान वुसथ प्राविहे —सं०।)

सॉन्य नवजवान पीर

'असि क्याह कखन लिटरेचर पॅरिथ' ओस त्वहि वाख किस जुलय अंकस द्युतमुत। यि छु तति 'वाख तु वचुन' कालम। शायद तुहुंद एडिटोरियल। अथ मंज छुव त्वहि सानि नवजवान जनरेशनि स्यठाह क्रिटिसिज़्म कोरमुत। बु छुस त्वहि सुत्य इत्तिफाक करान। यस नवजवान जनरेशनि खॉतरु असि यीच खॉरी तुज, स्वय छनु पननिस कल्चरस तु

पनुनिस काँशरिस कदुर करान। नोकरी छि यिम करान, पाँसु ति ज़ेनान,
मगर तथ क्याह हसर अगर साँन्य आयडंटिटी राँव। स्ख छै सिरिफ
लैंग्वेज, बेयि नु किंही। बु छुस त्वहि यि बहादुर कदम तुलनस मुबारख
करान।

—त्रिलोकी नाथ तिकू
सुभाषनगर, सरवाल लेन, जम्मू।

मॉल्य माँज छि ज़िमुवार

वाखुक्य एडिटोरियल लेख छि पोतुस पथ, अकि नतु बेयि तरीकू
काँशिरि खाँतरु लेखनु यिवान, युथ अँस्य काँशिर्य पननि माजि ज़ेवि राँछ
करुहाँव। बु छुस तुहंद अख परनवोल, कम ज़्यादु छुस पानु ति लेखान
अंगरीज़्य पाँट्य। काँशुर छुस यछान लेखुन तिक्याज़ि यि छै पँज्य पाँट्य
साँन्य पछान। जोम यिथ हेचुन यि ज़बान असि रावुन्य। मगर अमि खाँतरु
छि अँस्य पानु ज़िमुवार। त्वहि छुवु ठीक वोनमुत ज़ि अमि खाँतरु छि
मॉल्य माजि ज़िमुवार। काश अँस्य साँरी काँशिर्य परव 'वाख' लगातार
तु समजव ज़ि यि ज़बान काँचाह ज़रूरी छै सानि खाँतरु। यि मैग्ज़ीन गोछ
सारिनुय जायन सोज़नु युन। त्वहि आँही सान।
(अंगरीज़्य प्यठु तर्जमु)

—कृष्ण 'केवल'
718, आदर्श नगर, बनतालाब,
बरनाई रोड, जम्मू।

दूरि छु मरुच ति मेठान मगर कोताह दूरि?

काँशिर कहावत छै : दूरि दूरि छु मरुच मेठान तु नज़दीक आँसिथ
छु नाबद द्यठान। कहावतन छि बिसियार माने नेरान तु यिमु छे आम
पौट्य इस्तिमाल सपदान। योहोय आम इस्तिमालस युग्य आसुन छु
यिहुदि जिंदु रोजनुच जमानथ।

प्रथ कहावँच छु पनुन अख लॉजिक आसान येमि किन्य स्व
वारियाहन हालातन हुंज वखनुय छे करान। यथ कहावँच मंज छु द्रन,
अख अँकिस विरोदी चीज़न हुंद जिकिर। तिम गँयि मरुच तु नाबद। अख
छु द्योठ तु ब्योख मोदुर। यिम छि अख अँकिस मुखॉलिफ पज़र सॉबित
करनु खॉतरु इस्तिमाल करनु यिवान। ललि वन्येयोव (दपान तमि छु
वोनमुत, पोज़ क्या, अपुज़ क्या दफ कृत्यन ग्यवान वाल्यन छु यि बड़
बकार यिवान):

सबुर छु ज्युर मरुच तु नूनय

ख्यनु छुय द्योठ तु खेयस कुस...

बेयिस जायि वोन तमी :

नाबुदय बारस अटु गंड इयोल गोम

देह काड होल गोंम ह्यकु कँहयू...

मरुचुक टेछर तु नाबदुक मेछर छे स्व पनुन्य पौट्य वखनान,
अलग जायन अलग वाखन मंज। व्वंगव सॉन्य आदुनिक शॉयिर नॉदिम
सॉबन थोव पनुनि कवितायी नाव : “नाबद तु द्यठ व्यन”, मरुच वोननु
तु तिक्याजि मरुच छु द्योठ आँसिथ ति बाजे नाबदस सुत्य सुत्य
इस्तिमाल करनु यिवान अमापोज़ द्यठ व्यनु तु नाबद छिनु अख अँकिस

लरि लोर इस्तिमाल करनुच
र्यवायथ।

यकजा इस्तिमालुच रीथ छे
शाँयिरव कँडमुच युथ तिम पनुनिस
कथ्यस (विशयस या मौजूहस) पनुन
कांह माने दिन। यि कहावत थुरन
वाँल्य (या वाल्यव) ति छु यिमन
द्वन अँकिसुय जायि अँकिसुय
बयानस मंज इस्तिमाल कँरिथ पनुन
सु मतलब कोडमुत येमि किन्य यि
जुमलु कहावत बँनिथ गोमुत छु।
अँकिस जायि अननु सुत्य छु तिमव
सानि सँमिथ रोजनुचि कूशिश या
नियँच या यछायि मुतलक अख
कम्यंट कोरमुत। नजदीकी तु दूर्यरुच
फरुख हावुन्य तु तमि सुत्य इनसाँनी
सोंचन त्राय या व्यवहार बदलुन
व्यछनावुन छु तिहुंद मकसद। व्वन्य
येलि अकि पूर जमाँच, बरादरी,
कोम या जाती हुँदि नजदीकी या
दूर्यरुक सवाल आसि, यि कहावत
लागू करनुक्य इमकान छि बडान।
तथ प्यठ येलि नजदीकीहुय दूर्यर
बनेमुच आसि तेलि छे कथि तेह
हुरान तु माने छु वाहरावनु यिवान।

अँस्य काँशिर्य गँयि अख

अँकिस निशि दूर। मुल्कस मंज आयि
दूर दूर जायन छकनु तु वाहरावानु।
विदेशन मंज ति वाँत्य। मजारिटी छे
जोमिस मंज तु पतु दिलि मंज।
मगर बाक्य त्वकट्यन क्यो बड्यन
शहरन मंज ति गँयि तु बसेयि ति।
वुनि वुनि छु अख अँकिस सुत्य
संबंद मगर यूत यूत वख गुज्रान
गछि तु प्राणि पीरि बगवानस टाछि
गछन, त्यूत गछन साँन्य यिम
छँकरावनु आमुच जुस्य पोथुर छ्यनु।
वुनि छुनु यिमन यि दूरिरुक एहिसास
तिक्काजि मोलमाँज या बोय बेनि
छि वँरियस मंज अकि द्वयि फिरि
समखानुय। गरा हेरथ यकजा
मनावनुकि बहानु, गरा बेयि कुनि
त्वकटि बडि द्वह किस मोकस
प्यठ छु वुनि बासान वख पजि
कडुन तु मेलनि गछुन। रूज्जी तु
रोजगार छि जिंदु रोजनु खाँतरु ग्वडु
अनवाँर्य निवान तु सु कुस वनि
यिमन जि काँमकार त्राँविथ कोनु
छिवु अँकिसुय जायि रोजान।
नोकरियन प्यठ आँस्य ब्रोंठ ति गछन
तु अख अँकिस निशि दूरान। मगर
अख मरकज ओस। यि छे वखरु

कथ जि वारु वारु गछिहे सु मरकज
ति छ्यनु तु मॅशिय थिथु कॅन्य सान्यन
हथ जु हथ वॅरी ब्रोंह गरि द्रामुत्यन
बंदनु बायन बाँश गॅयि। नतु क्याह
जवलाल नॅहरिस, तेज काख सफरिस
तु रॅतन नाथ दर साँबस आसुहन ना
कॅशीरि अंग ऑशानाव? वुनि ति
छि कॅह काँशिर्य बटु याद करान
जि साँनिस कस जदस कुस रिशतु
ओस यिमन प्रान्यन गरि चॅल्यमुत्यन
सुत्य। मगर यि छ्यन गव युथ जि
तॅमिस जद सुंद वंश कुल फौल
अलग थलग, बदल आकार पनु
वॅथरुन तु पोशन म्यवन मंज कॅशीरि
तु बदल रंगन मंज दिलि लखनवु
तु भोपालु। यि दूर्यर गव युथ
बलवान जि गरि दूरेमुत्यन रूदुय नु
याद अमा अँस्य कर तु क्याजि
चलेयि। याद थोव सिरिफ तिमव
यिम कॅशीरि रूदुय।

अँस्य रूदुय कॅशीरि तु असि
रूदुय तल—च्यतस (सब—
कानशासस) मंज पनुन इतिहास तु
इतिहासुक्य जुलुम याद। न्यँबुरिम्यन
रूद नु इतिहास या जुलमुक कांह
ति रंग याद तिक्याजि तिम गॅयि

रूजी तु रोजगारस मंज मसरूफ।
बल्कि मशगूल। याने शोगुल गव
ब्राँदिथ तु पान मोठ। यि छुनु तिमन
कांह कसूर तिक्याजि यी ओस
सपदुन। यी सपद्यव।

सपदुन क्याजि ओस?
तिक्याजि न्यबर नीरिथ गॅयि तिमन
जबान अथु। व्वंगव जबान नियि
तिमन जाँलिम वक्तन अथु मूरिथ,
तिमव त्रॉव न पानय। अम्युक सबूथ
छु असि मेलान। यि हेकि अकि
अद्यनुक (स्टडी हुंद) मौजू बॅनिथ
जि प्रान्यव काँशिर्यव कोत ताम
रॅछ पनुन्य ज्यव येलि तिम गरि
कँडिख तु सफरस प्यठ द्राय। यैत्यन
दिमु बु सिरिफ अकाँय मिसाल:
य्वसु असि याद थावुन्य पजि रतन
नाथ 'सरशार' (फसाना —ए—
आजादुक मशहूर उर्दू लेखक) साँबन
लीछ बटु कोम संगठित करनु खाँतरु
'तोहफा—ए—सरशार' मसनवी यथ
मंज 392 शार छि। यिमन मंज कॅर्य
तॅम्य कॅह काँशिर जुमलु ति
इसितमाल। आम विश्वास छु जि
यिमव काँशिर्यव उर्दू अदीबव आँस
माजि ज्यव पूरु पाँद्य मनसाँवमुद्य

तु उर्दूहस मंजुय कौरुख कमाल
हॉसिल। 'सरशारस' मुतलिक छुनु
अजताम कुनि जायि ति जिकिर मूजूद
जि सु क्या ओस कौशुर बोलान।

कहते थे ब—लहजा—ए तकश्मुर
लंदन गोमुत छु मुनसिफुन शुर
बुड छि हरुहरु करान बेकार
सौरी छि ल्वकुट्य हबा तैमिस यार
बिगड़ा रहा नील का जो यों माठ
अँड्य साठ कुन तु अँड्य कुन माठ
लंदनस अंदर छा शारदा पीठ
बाहम वहउड़ने लगे यि जीठ

तिमन द्वहन ओस नु माजि
जैवि तु मौल्य मीरास कल्चरुक त्यूत
ह्यस ति आसान, ल्याहाजा लदव
नु तिमन अँस्य त्यूत राह जि ज़बान
रछनु खौतरु कोनु कौरुख तगु दव।
राह छि अँस्य अजकल पनुन्यन
बंदन बांदवन लदान। अँस्य छि तिमव
ख्वतु हतुबँद्य वरी ब्रौठ तु ज़्यादु
समुजदार ज़मानस मंजु तु अँस्य छि
जौनिथ मौनिथ पनुन्य ज़बान त्रावान।
तिमन ओस अख ज़बर्दस लालच
या तथ ह्यकव सिरिफ कौशिश ति
वैनिथ। तिम अँस्य कौशीरि अंदर

बडशाह तु सुलतानन हुंदि प्यठुय
दरबारन तु दफ्तरन अंदर कौम करान।
फारसी तु अरबी ओसुख येति ति
जिंदु रोज़नुक सबील। योहोय ओस
सु फन तु कार युस तिमन तगान
ओस तु युस तिमन नोकरी द्याविहे।
तिमव कोर यिमन ज़बानन तु पतु
उर्दूहस मंजु कमाल तु गौयि दरबारन,
अदालतन तु दफ्तरन मंजु मुनुश्य
बैनिथ। सुती कौरुख शौयरी तु
स्वखनगरी मंजु महारथ हॉसिल तु
चमकेयि। हालांकि यि ति छु पज़र
जि अमि बावजूद ह्यकुहन तिम
माजि ज़्यव रँछिथ, कमजुकम गरन
मंजु, यिज़न तिमन सुत्य सुत्य
बंगाल्यव, मद्रास्यव गुजरात्यव
करेयोव। व्वंगव बंगाल्यन वगौरु ओस
गरु तु गरिच ज़बान क्यो कल्चर
सोबूथ, यिमन सान्यन बदनसीब
बायन ओस गरु बराबर लुहरावनु
यिवान। 14 हुमि सौंदियि प्यठय ओस
तति यिहुंद मूल प्राटनु यिवान, युथ
20 हुमि सौंदियि मंजु यिम म्वचान
म्वचान 5-10 फीसदी रूद्य। खौर
यिति छु अलग बहस।

सान्यन यिमन प्रान्यन लंगन

ऑस नु असि याने कॅशीरि अंदरुय पथकुन रूदिमुत्यन सुत्य कांह मुच्चॅकरी। अॅस्य अॅस्य नु अख अॅकिस खॉतरु मरुच्च। शायद मेठेयि नु अॅस्य दूरान दूरान तवय, बॅल्कि वुल्टय गव सोरुय। असि सुत्य छैन्य तिमन संबंदुय। हालांकि तिमव थॅव्य पानु वॉन्य संबंद बरकार मगर खालुय काॅसि कॅशीरि वॉलिस सुत्य वोटुख संबंद। द्वशवुय रूद्य अख अॅकिस प्रेमी अजनब्यन हुंघ पॉद्य वुछान। काॅशिर्यन हुंदि खॉतरु छु अख अॅकिस सुत्य अजनॅब्य व्यवहार करुन ज़्यादु फितरती, पंजाब्यन हुंघ पॉद्य अजनॅबियतस मंज ति ज्ञान मिलुनावुन्य छै सानि बापथ रछाह अननैचुरल। मिसाल: 1990 तस मंज चोल बोय बाॅयिस प्रछुनुय। खॉर...

अथ सॉनिस अजनॅबियतस ओस अख टाकारु वजह। ज़बान। तिमन गॅयि स्व रावान रावान खतुम मगर असि रूज स्व कॅशीरि अंदर नखि तु डखि।

मगर व्वन्य ह्यचुन असि ति स्वय बाॅश गछुन्य। असि ति ह्यचुन

स्व रावुन्य। फरुख छै सिरिफ अकाॅय। तिमन रॉव मजबूरी सबबु तु तथ ज़मानस मंज येलि काॅशिरि बटु कोमुक अस्तित्व खतरस मंज ओस नु। तिहुंदि ज़बान रावनु सुत्य पेयिहे नु कुल काॅशुर बोल्यान वाल्यन बटन हुंदिस प्रज़नतस कांह असर। तिम अॅस्य कॅह सासुय तु बाकुय लछि बॅघ अॅस्य कॅशीरि मंजुय। व्वन्य छै हालथ नोजुक। अॅस्य चॅल्यमुत्य विस्थापित छि लछन अंदर तु असि त्रोव नु पथ कुन कांह युस सॉन्य प्रज़नथ रॅछिथ थवि। यिम जु त्रे सास बटु कॅशीरि अंदरुय छि तिमन ति छै अख दग। नतु छै तिमन खबरुय जि हुम थवनावनख सुलि चौर्य कुनि विज़ि याने जि तिम तु अॅस्य दग। छि कुनी कथाह। सॉन्य प्रज़नथ छै अॅकिसुय दावस लॅजमुच तु अकी ट्रेजेडी हुंज शिकार। अॅस्य छिनु अख अॅकिस निशि ब्योन।

ब्योन अगरय अॅस्य छि तु पनुन्यन तिमन लंगन लंजन निशि यिम समंदर अपारि रोज़नि गॅयि। तिम छि बेशक असि निशि दूर। अदय छि तिम पनुन्य प्रज़नुथ रछनस

कुन ज़्यादा बाह्यस बासान। केंचन
तिमन परिवारन हुंज ज्ञानकॉरी छि
असि यिहुंघ शुर्य कॉशुर्य बोल
नावान आमुत्य छि। (मरहबा छु तिमन
यिम अंगरीज्यकि ज़बर्दस माहोलु
बावजूद शुर्यन कॉशुर बोलनावान
छि। असि पज़ि तिहुंज मिसाल याद
थवन्य। तिम छि पज़ी सानि खांतुर
आदर्श।) असि छि अख ज़ु नाव
पताह तु तिमन हुंद ज़िकिर करुन
छु सोन फरुज। बॅल्कि अॅस्य करव
पनुन्यन परनवाल्यान व्यनती ज़ि
तिमन यिमन ति कॉशुर जॉरी थवन
वाल्यान विदेशी परिवारन हुंज
ज्ञानकॉरी छै स्व सूज़िन असि, डिटेल
हयथ। अॅस्य करव तिम यथ
मैग्ज़ीनस मंज़ बडि फखरु सान
शॉमिल। बहरहाल छि यिम ज़ु
सज्जन स्यठुहुय कॉबिलि तॉरीफ
ज़ि यिमव छु शुर्यन कॉशुर
बोलनावुन जॉरी थोवमुत :

1. डॉ. कुमार कृष्ण

इंजीनियर, नासा (NASA)

2. डॉ. चंद्रशेखर पंडित

डाक्टर, मियामी (MIAMI)

यिमन द्रशवन्य हुंजन ख्वशानसीब
तु बागिबॅरुचन कोर्यन हुंद कॉशुर
(कथ बाथ तु संगीत) बूज़िथ छु
वछि वॉलिंजि यिहुंदि खांतुर
ऑशीर्वाद नेरान ज़ि लॅसिव तु बॅसिव।
बॅल्कि अॅस्य छि यिहुंघ शुकुरगुज़ार
ति ज़ि यिमव कॅर मिसाल कॉयिम।
यिथय कॅन्य छै सानि कॅंह संस्थापि
(मसलन IAKF, ACKF, IEK Forum)
अथ कथि पॉश पॉश करान तु
पनुन्यन मॅबरन वनान ज़ि कॉशुर मु
त्रॉविव। यिम छि असि निशि दूर,
पज़ी दूर। अवय मा छु यिहुंद शऊर
(माजि ज़ैवि मुतलक सोंच समज)
बदल्योमुत तु यिहुंद व्यवहार
मेढ्योमुत पॅज्य पॉढ्य छु मरुच ति
दूरि मेढ्योमुत। सोन पनुन नाबद
कर सना टैठि न? अॅस्य कर सना
व्वथव तु ललदेदि हुंज चेनुवन
समजव? विस्थापित ज़िंदुगियि हुंद
नाबद बार कर ग्वबि नु असि युथ
सोन देहकाड स्योदुय रोज़ि। असि
ति तु सान्यन शुर्यन ति।

—रलश

ने ति कल गनेयि
ने ति कल गनेयि

साहित्यस मंज छि विजि विजि तिथ्य बहस व्यथान यिमन सॉनिस सॉचनस सरनस तु जिंदगियि सुत्य नजदीकी संबंद आसान छु। यथ कालमस मंज छि अँस्य यिथिन्य दिवादन प्यठ लिखार्यन हुँद्य न्वकतय नजर दिवान। वाख-1 अंकस मंज ओस देवनागरी रस्मि खत कौशिरि खॉतरु वरतावनस प्यठ बहस तुलमुत। वाख-2 अंकस मंज ओस कँशीरि मंज लुकु वरतावुचि जबॉन्य मुतलक अख नजरिया पेश करनु आमुत। यिथय पॉटय वाख-3 तु 4 रस मंज ति आयि मुखलिफ साहित्यक मसलु डॉ. र.ल. भट्ट सुंदिस तजरुबुकार कलमस तल। डॉ. भट्ट छि तु मूल तल अंगरीजिक्य कालमनँवीस मगर वाखु खॉतरु छि यिम कौशिर्य पॉटी लेखान। वुछिव कमि अंदाजु छि बहस तुलान तु कथ व्यछनावान।

अथ प्यठ ति छि अँस्य तुहुंज राय वातनस प्ररान। अँस्य छि हमेशि तुहुंजि राय त्रायि कदुर करान। यथ अंकस मंज छु युथुय व्याख मसलु। यि मसलु छु बिजॉती समॉजी मसलु, वंगव अथ छि वारियाह साहित्यिक आयाम (डाइमेंशन)।

फनकार किनु कारबार?

—डॉ. र.ल. भट्ट

येलि इकबालन ख्वदा सॉबस वन्योव 'कारे जहां दराजु है, अब मेरा हंतजार कर' तॉमिस ओस नु शायद कारबारस ती माने यि करुनि अंगरेज हिंदोस्तान आमुत्य अँस्य। यि ओस कारे जहां बल्कि दुनियाह स्यँजरावुन। दुनियाचन काम्यन थजर छुन तु इनसान अँकिस थँदिस मकामस वातनावुन। पानु इकबालन क्याह कोर। तॉम्य अमलोवा थजर किनु नु, स्व छे वखरु कथ। किनु सॉन्य कथ छे अँथ्य वनुनस तु करुनस

सुत्थ वॉबिस्तु येमिच मिसालु असि उपमहाद्वीप (बरे सगीर, सबकांटीनेंट) किस अँकिस बँहलि पायि शाँयिरस निश छे मेलान। 'अलामा' इकबाल ओस अख बहलि पायि शाँयिर। अथ कथि छुनु कांह शख। सु ओस सफि अवलुक फनकार। लफज़ु किस फनस मंज़। तँम्य ह्योक लफज़न हुंद अख 'नया शिवाला' ति बनॉविथ। 'सारे जहां' ति लीखिथ तु पतु अथ सुधार ति करिथ। ति ओस तसुंद फन। अथ फनस आव रूहाँनियत प्यठु ख्वदॉयियत ति वननु। इलहाम (ईश्वरी प्रेरना) वोन गॉलिबन ताम — 'तुझे हम वली समझते जो न बादारख्बार होता' मगर येलि अतर्यन तु गलतियन कुन गछव 'बादा ख्वारी' छे स्यठाह मोमूली कथ। फलसफय खोदी ह्यू दकीक

पँतिम्य दून हथ वँरी वोत इतिहासकारन तु विश्लेशकन यथ कथि फुट कडान जि मुस्लिम लीगी इजलासन मंज़ क्या तु कोताह वोन इकबालन। योतताम जि छेकरस छे कथ यथ प्यठ वॉचमुच जि नु छुहना इकबाल अँजीम (महान) शाँयिर मानान किनु नु?

(बॉरीक) दारनायि वोल इकबाल कति फस्यव इलाहाबाद किस खोतबस (संबोदनुक बाशन) मंज़? बँल्कि क्याजि? पँतिम्य दून हथ वँरी वोत इतिहासकारन तु विश्लेशकन यथ कथि फुट कडान जि मुस्लिम लीगी इजलासन मंज़ क्या तु कोताह वोन इकबालन। योतताम जि छेकरस छे कथ यथ प्यठ वॉचमुच जि नु छुहना इकबाल अँजीम (महान) शाँयिर मानान किनु नु? अगर मानान छुहन तेलि वोन नु तँम्य इलाहाबादु किंही। अगर नु तेलि छु सही याने तेलि वोन तँम्य अद्यक्षी बाशनस मंज़ ती यि तँम्य वोन! अति अगर कांह यि वेनि जि यि ओसा सु 'कारे जहां दराज़' येमि बापथ तँम्य ख्वदा सॉबस वोन 'ठँहर सॉ बाया कॉम छे'? ऑखर छु प्रथ कांह खाह सु फनकार ऑस्यतन या आम हनसान,

कारुबारस वसान। अगर यि कारुबार
फनकारस तु अवामस ब्यन हैकि
नु कॅरिथ तेलि छु नु शायद फनकॉरी
प्यठ कांह सवाल व्वथान। वलेकिन
कलायि हुंज महानतायि सुत्य य्वसु
व्यापक नज़र वॉबिस्तु छे तथ प्यठ
छे वारियाह शंकायि पॉदु गछान।

असि निश छु कलाकार
अख आदर्श ह्यू, युस सामॉन्यी
जब्बातव निशि मुछि न सही, तिहुंद
ग्वलाम ति छुनु बासान। यि छु
पोज़ जि अँजिक्य दोरन कोर
फनकार वारियिहव बँदिशव निशि
आज़ाद। श्रोता पाठक छु अज़
ज़ानान जि फनकार ति छि अँकिस
बैकिस हिव्य इनसान। कमज़ोर,
मनशि कॅमियव सुत्य बँरिथ। ति
कॅरिथ ति छु कलाकारस अख बिदून
मकाम, युस सिरिफ फनीकमालस
सुती योत गँडिथ छुनु। अख
कामयाब फनकार तु अख कामयाब
सनतकार (उद्योगपती) छिनु अँकिसुय
मकामस। यिमेन छे फरुख। स्व छुनु
नज़रि हुंज फरुख। बल्कि यि छे
द्रेश्टी, आगही। वारियाहस हदस
ताम छे यि आगाह म्वकुल आसनुस

सुत्य यिथु कॅन्य वनान छि जि
शुरिस छु आगाह (दिव्यद्रष्टी)
म्वकुल आसान। शुरिस छे यि
मॉसूमियँच किन्य फनकारस वसीह
नज़री (व्यापक द्रष्टी) किन्य। स्व
यि नज़र य्वसु कायनातस (विश्वस)
विहातु छे करान। येलि यि नज़र
छ्वकान गछि, पथ रोज़ि कारबॉरी
कामयाबी। कूत सॉ कमोवुन। असर
रसूखा छु सा? इकबालस छु असि
कॉशिर्यन सुत्य ब्याख तोलुख ति।
सु ओस कॉशिर्यन हुंद दरद ज़ानान।
तस ऑस येति शख्सी हकूमतुच
पताह अमापोज़ भोपालुच शख्सी
हकूमथ ऑस ना युथुय कॅहँर तति
क्यन लूकन प्यठ करान। शायद
ऑस कॅशीरि हुंज दग तसुंदि कॉशुर
आसनु किन्य। शायद!

शायद वोन अँथ्य प्यठ
'जोश' मलीहाबादीयन जि
इकबालस ओस ख्वदा सॉबन समंदर
ह्यू दिल द्युतमुत, मगर तॅम्य कोर
पानु कूज़स (प्यालस) मंज़ बंद।
पोज़ वोननस मगर कर तु कॅम्य?
शॉयिरि इनकलाब जोशान येम्य
अंगरेज़न सोदागर वॅन्य वॅन्य गँद्य

कूर्य वोन यि पज़र इकबालस पतु हुंद सफर। रसूलमीरस नोव ज़नुम
पंचाहि वॅहॅर्य; पनुनिस ऑखरी दिनुक सफर। अमापोज़ महायुदचि
इंटव्यूहस मंज़ यथ मसनवी प्यठ

शरुत ओस ज़ि यि
यियि तसुंदि मरनु
पतु नशर
(प्रसारित) करनु।
तॅम्य जोशन युस
पनुनि वननु 'यादों
की बरात'
मुताबिक महज़
अकि पुलाट तु
सिनेमाहाल किस
वादस प्यठ
हिंदोस्तान त्राँविथ
पाँकिस्तान च़ोल।

शायिरि इनकलाब जोशन येम्य
अंगरेज़न सोदागर वॅन्य वॅन्य गॅद्व्य
कूर्य वोन यि पज़र इकबालस
पतु पंचाहि वॅहॅर्य; पनुनिस
ऑखरी इंटव्यूहस मंज़ यथ शरुत
ओस ज़ि यि यियि तसुंदि मरनु
पतु नशर (प्रसारित) करनु। तॅम्य
जोशन युस पनुनि वननु 'यादों
की बरात' मुताबिक महज़ अकि
पुलाट तु सिनेमाहाल किस वादस
प्यठ हिंदोस्तान त्राँविथ पाँकिस्तान
च़ोल।

आज़ादी हुंज़ि नज़्मि
तान्य छा तॅम्य
द्रेशटी हुंद सफर ति
कोरमुत? महज़ूरस
सुत्य छे 'जुव जान
वंदुहा हिंदोस्तानस.
..' हिश नज़्म ति
मनसूब। तु यि छे
तिमन वारियाहन
रचनायन सुत्य मेल
ख्यवान यिमन मंज़
'हज़रतबल माहदु'
(संदी, ऐग्रीमेंट) ति

पनुन्य शरीकि हयात ह्यथ, यस
तॅम्य कर तान्य चेतावनी दिचाँय
'क्यों मेरी बेगरज़ मय नोशी पे
रोती है तू...'

नीतोन महज़ूर सॉब। युथुय
(रछ खंड कम पहान) फनकार।
ग्वडुनिकि महायुदचि मसनवी प्यठ
'आज़ादी' नज़्मि तान्य कोर महज़ूरन
वारियाह सफर तय। फनुक सफर।
शोहरती सफर। ज़ाँनी हुंद तु माँनी

शामिल छे। कुल कायनातु प्यठ
फर्काती द्रेशटी तान्य ति छु ज़्यूठ
फाँसलु, व लेकिन यि छु पॅत्यवाँनी
सफर। कलाकार छु कला हावान
बामे सु फन द्वद तु शकर मिलनावि
या आबस जुज़ (तत्व) अलग करि।
फन छु द्वशवुनी शायन व्वतलान।
मगर यिछा वैश्विक (यूनिवर्सल)
बनान किनु न तमि सुत्य हैकि
फनकार सुंज़ द्रेशटी मुतलक इमेज

जरूर प्रभावित सपदिथ। अगर होछी आदुनिकता बल्कि उत्तर फनकारस मुतलिक यि कथ वननु आदुनिकता वननु सुत्य चलि। यि यियि 'हया यि ति हा लॅट तुलिथ कॉम जूमाने (हुमानेदार) शारव सुत्य गॅब' सु रोजि तोति फनकार, पकि ति ति बेहतर। बेयि छु यि ति

अमापोज स्व

पवित्रता मेल्यस नु

य्वस फनस सुत्य

वॉबिस्तु छे। सु गव

वैश्वकतायि हुंद

कन्सेप्ट। यि दारना

जि कलमकार छु

बाक्य कार बारयन

निशि ब्योन, अलग

मिसाल, आम लूकव हुंद आदर्श।

किनु यिति छे अख

खामखयॉली? अगर बोजव फनकार

कर ओस कारुबारु निशि दूर।

बादशाही दोरस मंज ओस नु सु

कसीडु (प्रशंसागीत) लेखान लेखान

थकानुय। नवाबन तु कुटुराज्ज न ताम

नियन सहुर गँडिथ। अज छु यिति

हुति। छॅल्य बॅल्य तॅल्य पनुन पान

ब्रॉह पकुनावान चाहे अँकिस या

बेकिस तॉरीफव सुत्य अंदि, या

येलि दुस दुनियाह टुंक्यन पतु लारि, कलमकारस क्याजि करव लार, हता च़ु कोनु खोतुख दारस? वन्य गव अति छु यिथॉय कथि प्यूताह व्वथान। अगरय दुनिया वहशतस कुन दोरि अथ कुस रटि पथ।

जि फनकार योतुय

मा वोत मारुन।

येलि दुस दुनियाह

टुंक्यन पतु लारि,

क ल म क ा र स

क्याजि करव लार,

हता च़ु कोनु

खोतुख दारस?

वन्य गव अति छु

यिथॉय कथि प्यूताह व्वथान। अगरय

दुनिया वहशतस कुन दोरि अथ

कुस रटि पथ। हरगाह प्रथ कांह

गछि यीरु सुम कुस रटि? पस्ती

कुस करि, थज़र कुस हावि। यी

ओस शायद फनकार सुंद 'कारे

जहां दराज' येमि खॉतरु य्वदवय

ख्वदा सॉबस च्यडुय पेयि करुन्य,

आर ओस न। तार मा लगिहेस।

मगर यीरु गोमुत कस दियि तार?

ग्यानु मारुग छुय हाक् वार

ग्यानु मारुग छुय हाक् वार

(डॉ. अमरनाथ दर छि तु विज्ञाँती प्रोफेसर, अगरीज्य ज़बॉन्य हंछ ब्वस्ताद, मगर चकि छुख बावनायि बोरुत शॉयिरु सुंद दिल, अवय येलि तिम कलम तुलान छि तिहुंद शॉयिर छु बेफ़ोक जॉहिर गछान। अवय तु द्रायि यिहुंदि कलमु 'दर्शुन' हिश किताब यथ मंज दयि लोल गीत तु संगीत क्यन तारन प्यठ वज़ान छु। दयि लोलुय छु यिहुंजि बाक्य रचनायि (मसलन लेख या क्रिटिसिज्यस मंज) यिहुंद वतहावुक बनान तु यिम छि शॉयरी मंज शॉयिर सुंदन रहस्यात्मक तजरुवन साम हयवान। यिहुंज अंगरीज्य किताब 'मिस्टिसिजुम एक्रास कल्चर्स' आयि परसकि कल्चरल एकैडेमी अवाड खॉतरु चारनु तिक्याजि अमि किताबि कैर्य देशस तु विदेशस मंज मशहूरी हंछ कुत्य थंग्य सर। दर सॉब छि पानु ति फिलास्फर नॅहजि शॉयिर तु उत्पलदेवस अमी आयि वुछुनि छु यिहुंदि खॉतरु अख क्वदरती अमल। 'शिवस्तोत्रवाली' छे शैव मतच गीता तु अथ मुतलक यि परिचयात्मक लेख छु सान्यन परन वाल्यन पेश। अथ मुतलक या शैवमतस मुतलक तिहुंजि रायि या सवालन करव अँस्य स्वागत।)

फिलास्फर बतोरि शॉयिर

उत्पलदेव सुंजि 'शिवस्तोत्रवाली' प्यठ कॅह नोट

—डॉ अमरनाथ दर

काँशिर्यन शैवन ओस यि नज़रियि बराबर तु हमेशि ज़ि यि समसार यथ मंज अँस्य रोज़ान छि, छु पोज़। तिमव द्युत यथ कथि प्यठ ज़ोर ज़ि यि दुनिहुक अनुबव अँस्य पनुन्यव येंद्रियव सुत्य करान छि, सु छु पानु शिवस निश थनु प्योमुत। तिहुंदि मुताबिक छुनु तथ 'मुक्ती' सोन आद्यात्मिक लक्ष्य वनुन सँही, यथ वेदाँती दुनियाहकि बंदनु निशि आत्माहुक म्वकुजार वनान छि। शैवमतु मुताबिक गॉयि 'मुक्ती पान प्रज़नावुन या पनुन 'स्वरूप' ज़ानुन। यि खयाल छु 'प्रत्यभिज्ञा' हुंजि

दारनायि प्यठ आदारित, यूवसु कांह या बेयि किहीं। अँमिस जीवस वसुगुप्त सुंदय हमकाल सोमानंदन काँयिम कँर। वसुगुप्त ओस अठिमि या नँविमि सँदी ई० आसपास कशीरि रोज़ान। तँमी लीछ मशहूर शैव किताब 'शिवसूत्र' यूवसु कश्मीर शैविज्यम या त्रिक—दर्शनुच बुनियाँदी किताब मानान छिन। 'प्रत्यभिज्ञायि' हुंज़ि दारनायि व्वथु वाशर दिथ बनाँव सोमानंद सुंद्य शश उत्पलदेवन स्व दारना पनुनिस मशहूर ग्रंथ 'ईश्वर प्रत्यभिज्ञा कारिका' — यि मंज़ अख पूर सिदांत

छे पनुन्य सही प्रकथ मँशिथ गॉमुच तु यि छु पनुन पान ती मानान येमि सुत्य अँमिस मानसिक तु जिस्माँनी हरकथ चलवुन्य रोज़ान छे (तिम गँयि शरीर तु मन।) अगरय 'प्रत्यभिज्ञा' सिदांत सही तरीकस मंज़ समजनु यियि, कांह

मानान छिन। 'प्रत्यभिज्ञायि' हुंज़ि दारनायि व्वथु वाशर दिथ बनाँव सोमानंद सुंद्य शश उत्पलदेवन स्व दारना पनुनिस मशहूर ग्रंथ 'ईश्वर प्रत्यभिज्ञा कारिका' — यि मंज़ अख पूर सिदांत, यथ अंदर तँम्य तर्कु क ज़बर्दस्त इस्तिमाल कोर। पतु पहान गॉशरोव सु सिदांत मशहूर शैवदार्शनिक अभिनवगुप्तन बेयिहन।

'प्रत्यभिज्ञा' सिदांतु मुताबिक छु यि मनुश या 'जीव' बिजॉती दिव्य तु यि छुनु शिवस वराँय बेयि

ति खॉहिशमंद शखुस हेकि पनुन्य असली प्रकथ परजनाँविथ तु सादनायि सुत्य आत्मग्यान प्रॉविथ। शैवी छि मानान ज़ि परमशिव छु 'प्रकाश विमर्शमय' — 'प्रकाश' गव ग्यानुक गाश या 'विश्व चेतना' तु विमर्श गँयि 'आत्म चेतना' या श्वद 'बु'—हुच चितना। अमि द्रष्टिकोनु किन्य छु आँखरी सथ द्रशवुय 'शिवचेतना' ति तु 'विश्व मानसिक एनर्जी' ति। बेयि अंदाज़य वुछव तु सथ छु 'विश्वोत्तर' (संसारु अपोर)

ति तु 'विश्वमाया' (संसारस यॉपिथ) तिता।

‘ईश्वर प्रत्यभिज्ञा कारिका’
— यि मंजु ह्यु उत्पलदेव पनुन्य
जुबर्दस्त कॉबिलियथ तु मोलिकता
(आरिजिनैल्टी) हॉविथ दिवान।
आत्मग्यानकि सिदांतुच तसुंज
व्याख्या तु व्यछनुय छे पूरु पॉदय
हावान जि तस ओस मेटाफि जिशनु
सुंद द्यमाग तु सु ओस ‘परम सथ’
चि प्रुकुच सुत्य वॉबिस्त कुडर्यन
सवालन हल

छाँडिथ ह्यकान।
येलि अँस्य तसुंजि
बेयिस किताबि
‘शिव स्तोत्रावली’
हुंघ संस्कृत शलूक
परान छि असि छि
तसुंज बगवान शंकर
सुंज बरखी सँनिथ
गछान। यिमान
शलूकन मंजु छिनु
अँस्य सु बगवान
सुंद व्यवव ग्यवान
वुछान, येमिस सु

शिदतु सान लोल बरान छु तु पानस

बडु फखरु सान तसुंद दास वनान
छु। सु ह्यु शिव सुंदान दैवी ग्वनन
हुंज वर्नना करान तु तसुंद ‘दैवीमनुश’
सुंद स्वरूप बखनान। तसुंजि त्वतायि
हुंद यि तरीकु ह्यु ‘परमसथ’ कि
उत्पलदेवनि वर्ननायि निशि व्योन
यवसु तसुंजि ‘प्रत्यभिज्ञा
कारिका’—यि मंजु मेलान छे। व्वंगव
त्रिकदर्शाचि केंह अहम दारनायि,
मसलन ‘शक्तिपात’ (शक्ती हेरी
वसुन्य) तु ‘स्वरूप— समावेश’

उत्पलदेव सुंजि जिंदुंगी मुतलक
छिनु व्यद्वानन कॉफी तफसील
मील्यमुत्य। केंह कथु छे
‘स्तोत्रावली’ मंजु ननान, येलि
जुन शॉयिर पनुन्यन व्यक्तितगत
दाद्यन तु परेशॉनियन हुंद या
जिंदुंगियि निशि बेजार गछनुक
जिकिर करान छु। वारियाहन
शलूकन मंजु ह्यु यि संदेश जि
लेखन वोल् ह्यु पलायनवाद
(एस्केपिज्म) या जिंदुंगी निशि
लोब ह्यनु किस हकस मंजु।

(मनश सुंदिस
आत्माहस
दिव्यात्माहस सुत्य
म्युल गछुन) छे
‘शिवस्तोत्रावली’
मंजु कवदरती
व्वतुलान। अमि
सुत्य ह्यु न सिरिफ
सॉबित गछान जि
अमि ग्रंथुक
रचनाकार कमि
पायुक व्यदवान ह्यु
बल्कि यिति जि
सादकु रँग्य क्याह

छु तँम्य हॉसिल कोरमुत। अति ह्यु

अँकिस शॉयिरु सुंद दिल पराबँकती
(थदि पायुक लोल) मंज गीत
गुंगरावान, सुती छि मँज्य तसुंदन
यिमेन शलूकन मंज प्रछनहार सुंदिस।
मनस मंज (फिलास्फर आसनु किन्य)
वँध्यमुत्य सवाल तु शक ति कल
कडान। बेयि वारियाहन जायन छु
शॉयिर स्वीकार करान जि सु छु
ख्वशकुस्मत जि शिव सुंद अनुग्रेह
बन्योस जिंदुगी हुंदन शरूआँती द्वहन
अंदरुय युथ जि सु छु व्वन्य ति
अँकिस स्वमन बखुतु सुंद पाँट्य
द्वहय कामना करान जि पनुनिस
दयस सुत्य गौछुम मुकमल म्युल
गछुन।

‘शिस्तोत्रावली’ छु ब्योन
ब्योन शलूकन हुंद संग्रेह यथ मुतलक
वननु यिवान छु उत्पलदेवन छि यिम
जिंदुगी हुंदन मुखललिफ मूडन तु
हालातन मंज, वक्तु वक्तु
लीख्यमुत्य। यिम शलूक कँर्य तँम्य
सुंद शश विश्वव्रतन 20 हन स्तोत्रन
मंज सोंबरॉविथ किताबी शकलि मंज
तयार। सिरिफ त्रेन स्तोत्रन छि
बाजाँबितु तरतीब य्वसु लेखनवॉल्य
पानु तिमेन दिचमुचु छे तु यिमेन

स्तोत्रन हुंद आकार प्रकार छु। बाकय
शलूख छि सॉरी छ्यन गॉमुत्य अलग
2 शलूख यिमेन मुखललिफ शीर्शक
(अध्याय हिव्य) दिनु आमुत्य छि।
यिमेन शलूकन हयकव नु स्तोत्र
वँनिथ सिरिफ अवुकिन्य जि यिम
छि परमब्रह्मस कुन वननु आमुत्य।
सिरिफ अमि किन्य वनव नु यिमेन
स्तोत्र तिकयाजि स्तोत्र गछन मवाद
रँग्य गँन्य तु सँन्य आसुन्य।

उत्पलदेव सुंजि जिंदुगी
मुतलक छिनु व्यद्वानन काँफी
तफसील मील्यमुत्य। कँह कथु छे
‘स्तोत्रावली’ मंजु ननान, येलि ज़न
शॉयिर पनुन्यन व्यक्तिगत दाघन तु
परेशॉनियन हुंद या जिंदुगियि निशि
बेजार गछनुक जिंकिर करान छु।
वारियाहन शलूकन मंज छु यि संदेश
जि लेखन वोले छुनु पलायनवाद
(एस्केपिज़्म) या जिंदुगी निशि लोब
हयनु किस हकस मंज। तँम्य सुंजि
नज़रि मंज छुनु पँजिस त्यागस तु
सम्सार्य कारस दरमियान कांह ति
नाचाँकी। सु छु मानान जि द्यान तु
कामि कार हयकन सुत्य सुत्य
पँकिथ, सिरिफ छि यिमद्वशवय दयस

अर्पन करिथ करुन्य। तस छे पक्क
 राय जि पज्यन बेखत्यन छे खोसियथ
 जि तिम छि 'स्वरूप समावेश' (या
 समोज) तु बगवानस निशि दूरयरुच
 स्थिती येलि इनसान सम्सार्य कारस
 लीन आसान छु दरमियान बराबर
 समिसोम रुजिथ हयकान।

आखरस प्यठ छु यि वनुन
 जरूरी जि मोशूर शैव व्यद्वान
 क्षेमराजन छि संस्कृतस मंज
 'शिवस्तोत्रावली' बडु म्वलवुन्य टीका
 लीछमुच।

संदर्भ:

1. श्रीमदुत्पलदेवाचार्य रचिता श्री शिव
 स्तोत्रावली, ईश्वर आश्रम ट्रस्ट,
 जम्मू श्रीनगर, नई दिल्ली।
 Edited with Hindi commentary
 by Swami Lakshman Maharaj.
2. Pratyabhijna Hridayam : The
 Secret of Self recognition by
 Jaya Deva Singh : Motilal
 Banarsidas 1912.
3. N.K. Kitru: Stotravali (Skt. Text
 with Introductory Translation
 and Glossary.
4. Sivasutras : The Yoga of
 Supreme Identity by Jaideva
 Singh. Motilal Banarsidas
 1979.



शारदा लिपि मुतलक रुदय पॅतिम्यन शेठन वॅरियन वक्तु वक्तु सवाल ब्थान, यनु अब्दुल अहद आजादन पनुनिस तवारीखस (कश्मीरी ज़बान और अदब) मंज वोन जि यि लिपी ऑस कॉशिरिस बराह। अड्यव वोन यि छुनु मुमकिन तु अड्यव दोप यि वथ ऑस तु सॅहल, मगर नीयतु तु ईमानदोरी सान गोछ ज़बॉन्य तु लिपी प्यठ सॉचनु सरनु युन। बहरहाल यि शारदा लिपी छे क्याह यि जॉनिथुय ह्यकव अॅस्य अमिचि लगुहॉरी प्यठ कांह राय कॉयिम कॅरिथ। यि ज्ञानकॉरी करुनावनु खॉतरु कुस हेकि असि डॉ. कल्ला सॉबनि ख्वतु मददगार ऑसिथ। कल्ला सॉब छि संस्कृत कॉशुर, हिंदी, उर्दू तु अंगरीज्य सारिनुय ज़बानन प्यठ बराबरुक्य अदिकॉरी व्यदवान। यिमव छे कृचु किताबु लेछिमुच तु कृत्य यनामु (राष्ट्रपति सुंद सम्मान ति) प्रॉव्यमुत्य।

शारदा लिपी : अख म्वखसर ज्ञान

—डॉ. बद्रीनाथ कल्ला

लिपियन मंज छि प्रॉन्य भारती लिपी 'ब्राह्मी' सारिनुय खॅसिथ माननु यिवान। अमी लिपी हुंघ प्रॉन्य नमूनु छि बस्ती ज़िलकिस 'पिपरावा' गामुकिस स्तूपस मंज, अजमेर ज़िलकिस 'बडली' गामुक्यन शिलेखन मंज तु सम्राट अशोक (276 ई.ब्र.—236 ई.ब्र.) सुंघन शिलालेखन अंदर मेलान। अमि लिपी हुंद इस्तेमाल ओस ईसाहस ब्रॉठ (ई. ब.) पुंचमि शॅतिलि प्यठ ईसाहस पत. (ई. प.) जूरिमि सॅदियि ताम (याने कुलबिल 900 वॅरियन) सपदान। सॅदीवादन चलनु किन्य आयि ब्राह्मी लिपी लेखन यिनु क्यन तोर तरीकन मंज वारु वारु फरुख। अमी फरकि किन्य गव अथ लिपी वारियाह अलग शकलन मंज विकास। नतीजि द्राव यि जि जूरिमि सॅदियि पतु यिम लिपियि ब्राह्मी मंज द्रायि तिमान आयि अलाकव मुताबिक अलग अलग नाव दिनु। मसलन उत्तरी ब्राह्मी, पूर्वी ब्राह्मी तु

दक्षिणी ब्राह्मी वग़ौर।

ब्राह्मी लिपी आँस नु भारतस

तामय महदूद बल्कि अमि आँस्य
जगराँफी हदु सर कँर्यमुत्य तु
लोकप्रिय आसनु किन्य आँस
विदेशन ताम ति

वाँचमुच। तति
आयि अमिचि
शक्लि तब्दीली।
मंज—एशियाहस
मंज छि प्राँन्य
खोताँली तु तोख़ारी
ज़बानन हुँद्य लिख
ब्राह्मी लिपी मंजुय

मुसलमानन हुंज़न केंचन कबरन
हुँद्यन कतबन प्यठ छे द्रशवुय
(शारदा तु फारसी) लिपी खनिथ।
मशहूर संत मखदूम साँब सुंद
वँसियत नामु छु द्रशवँनी लिपियन
मंज लीखिथ। यि छु प्रताप
म्यूज़ियमस मंज मूजूद।

मेलान। भारतस मंज आयि न्वमु
लिपियि बारसस तिमव तब्दीलियव
किन्य यिमु वक्तु वक्तु ब्राह्मी लिपी
आयि:

1. उत्तर पछिमी ब्राह्मी द्रायि शारदा,
गुरुमुखी टाकरी तु डोगरी लिपियि
2. उत्तरी द्रायि नागरी
3. पूर्बी द्रायि बंगला मैथिली तु
उडिया
4. पछिमी द्रायि गुजराँत्य तु मराँठ्य
5. दक्षिणी द्रायि तेलुगु, कन्नड,
मलयालम तु तमिल

शारदा लिपी:

अुठिमी सदी मंज द्रायि ब्राह्मी हुँदि
उत्तर पछिमी रूपु मंज अख नँव
लिपी यथ अमि ब्रूँठिमि ब्राह्मी सुत्य

वारियाह हिशर ति
छु तु केंचन अछरन
हुँद बेन्यर ति छु।
अथ प्यव शारदा
नाव। प्राच्य
व्यद्वानव द्युत
प्राँन्यन लिपियन
मंज शारदायि थोद
मकाम। यि लिपी

रूज कश्मीर मंडुलुच प्रदान लिपी
तु प्रोन सोरुय ल्यखुत छु अँथ्य
मंज दरज। कँशीरि अलावु रूद अमि
लिपी हुँद चल—चलाव अखंड
भारतकिस दुस उत्तर पछिमी क्षेत्रस
याने गांधारस (अज़्युक
अफगाँनिस्तान), अँज़िकिस उत्तर
पछिमी पाँकिस्तान, लदाख, ज़ोम,
हिमाचल, पंजाबु तु हरियाणा
अलाकन मंज। दिलि अंदर आयि
यि सदी वादन इस्तिमाल करनु।
अज़ ति छि पंजाब वराँय यिमन

सारिनुय अलाकन अंदर शारदाहुक्य
शिलालेख मेलान। पंजाबुच गुरुमुखी
लिपी छे शारदा हुकुय ब्याख रूप।
अज छे गुरुमुखी मूल शारदाहकी
स्वरूपक विकास करान ब्रोंह कुन
पकान।

गुरुमुखी लिपी हुंघ पाँठी
ओस अकि वक्तु शारदा अछर
च्यतस थवनुक अख खास तरीक
चलान। मसलन, परान आँस्यः

आदव अ

(यि) इवॉ — यि (इ)

गगर — ग तोव—त वश—व

(यि) ईश्वर — यी (ई)

(गा) घास — घ (टू) धून्य — ध
शक्कर — श

(व्व) उपल — वो (उ)

(चा)चाटू — च यव — य
सस्य — स

(र्य) ऋनव — रे (ऋ)

(बो) भोय — भ रकार — र
हल — ह

यिम अछर आँस्य तिमन संस्कृत तु
कौशिर्यन शब्दुन हुंघ्य ग्वडु अछर
यिम लँडकस वैद्य आसुहन।
गुरुमुखीयस मंज छे यि शैली बुनि

तिथय पाँद्य चलान।

बुनिस तामुक शारदाहुक
ग्वडुन्युक शिलालेख छु 'हुंड' (प्रोन
उद्भांडपुर अटक जिल्ल, पाँकिस्तान)
गामु म्यूलमुत तु अम्युक लेखन
ताँरीख छु 774-75 ईस्वी। अमि
हिसाबु ह्यकव वॅनिथ जि अुठिमि
सँदियि मंज ओस अमि लिपियि
जहार त्रोवमुत। कॅशीरी अंदर छुनु
अमि ब्रूट्युम कांह ति शिलालेख
म्यूलमुत। अँस्य ह्यकव वॅनिथ जि
अुठिमि सँदियि हुंदिस ग्वडु अडस
ताम ओस नु शारदा लिपी त्युथ
विकास गोमुत युथ असि वुन्यकिस
मेलान छु ति क्याजि कारकोट राज़
ललितादित्य (699-736 ई०) सुंघन
सिकन अंदर ओस प्रानि शारदाहुक
रूप, यथ अँस्य सिद्धमातृका रूप
वनान छि, इस्तिमाल सपदान।
सिद्धमातृका छे शारदाहुच प्राँन्य
शकुल तु वख गुजरनस सुत्य आयि
अथ अंदर वारियाह तब्दीलियि तु
अँम्य रोट शारदाहुक विकसित रूप
यथ अंदर अटक तु बैजनाथुक्य
शिलालेख खननु आयि। (अज ति
छु मेखलि महाराजस गुरूजी 'ओम

स्वस्ति सिद्ध धर्म' मंत्रुच दीक्षा दिवान
तु अमि लिपी हुंदिस महत्त्वस कुन
इशारु करान।)

कश्मीर मंडलस मंजः

शारदाकि विकसित रूपुक सारिवुय
ब्रूद्युम दर्शुन छि अँस्य मार्तंड (मटन)
किस मंदरस अंदर अँकिस शिलालेख
प्यठ करान। तेमि पतु छे अमिच
बदले मुच शकल उतपल
खानदानुक्यन राजदान हुंद्यन सिकन
अंदर लबनु यिवान। त्वुपतु छि असि
दयदरानि हुंदि

राजकालुक्य जु
शिलालेख मेलान
यिहुंद वख 989 तु
994 ई. छु। यिमव
मंजु छु अख
सि री न गर
अजॉब्यगरस मंजु
तु ब्योख लोहूर
किस अजॉब्यगरस
अंदर थवनु आमुत।

कँशीरि अंदर छि बेयि बेयि
शिलालेख भुवनेश्वर (ख्वनुमुह)
अनंतनाग तु पर्वतु मील्यमुत्य।

सुलतानन हुंदिस दोरि
हकूमतस मंज ओस शारदा तु फारसी
द्वशवुन्य लिपियन हुंद इसतिमाल
सपदान। मुसलमान ति जानुहॉन यि
लिपी तु तिम अँस्य यि वर्तावान
ति। मुसलमानन हुंजन केंचन कबरन
हुंद्यन कतबन प्यठ छे द्वशवुय
(शारदा तु फारसी) लिपी खेंनिथ।
मशहूर संत मखदूम साँब सुंद वेंसियत
नामु छु द्वशवेंनी लिपियन मंजु
लीखिथ। यि छु प्रताप म्यूजियमस
मंजु मूजूद। पर्वतुकिस दामनस तल
बहाउद्दीन साँबनिस अस्तानस नखु

यथ कथि छुनु कांह शख जि
कँशीरि छु सोरुय संस्कृत साहित्य
शारदा लिपी मंजुय ब्यटान।
अफसूस छु जि हालांकि कँशीर
आँस शारदा लिपी हुंद बोड
मरकज, व्वन्य छु अति अम्युक
इस्तिमाल श्रक्क्योमुत अतिक्यन
केंचन (प्रान्यन) ब्रह्मनन ताँन्यी
छे यि लिपी व्वन्य महदूद।

छि कुचन कबरन
प्यठ शारदा अछरन
अंदर मरन वाल्यन
हुंद्य तफसील
लीखिथ। अम्युक
जिकिर छु आरल
स ट री न न
'राजतरंगिणी'
हुंदिस एडिशनस
अंदर ति कौरमुत।

पं. आनंद कौल बामजॉयि सुंदि
मुताँबिक् ओस शारदा लिपी हुंद
इस्तिमाल अरदॉहिमि सँदियि ताम

कयन शिलालेखन अंदर जाँरी।

डूगरु दोरि हकूमतस मंज
ऑस्य वाशियाह मुसलमान इशटामन
प्यठ शारदा लिपी अंदरुय दसखत
करान। याने जि यि लिपी ऑस
डूगरु राज कालस अंदर ति प्रचरस।

रत्नकंठ सुंदि जमानुच तु
तमि पतुचि शारदायि मंज यि फरुख
आयि स्व छे अक्सर लिपियन अंदर
यिवुनी। तमि वक्तुच शारदा बुछिथ
छे नु स्व छे स्वंदर बासान यीच यि
पॅत्यम्यन द्रन वन हतन वॅरियन मंज
बासान छे।

वुन्युकतामुक सारिवुय प्रोन
शारदा ग्रंथ छु कॅशीरि अंदर वामदेवुन
ल्यूखमुत 'मुनियत मणिमाला' युस
बुर्जुक छु। यि छु स्यठहुय खस्तु
हालस मंज जम्मू कश्मीर रिसर्च
डिपाटमेंटस मंज। यि छु Bakshal
Manuscript लेखन काल पतुक तु
अवुकिन्य ह्यकव यि 13 या 14
हिमि सॅदियि हुंद मॉनिथ।

यथ कथि छुनु कांह शख
जि कॅशीरि छु सोरुय संस्कृत साहित्य
शारदा लिपी मंजुय ब्यटान। अफसूस
छु जि हालांकि कॅशीर ऑस शारदा

लिपी हुंद बोड मरकज, व्वन्य छु
अति अम्युक इस्तिमाल शत्रक्योमुत
अतिकयन कॅचन (प्रान्यन) ब्रह्मनन
ताँन्यी छे यि लिपी व्वन्य महदूद।
यि लिपी जिंदु करनु बापथ छपाँवयि
ब्रह्मन महा मंडल कश्मीरन श्री पचांग
तु वैजिब्रारि प्यठु विजयेश्वर पंचांग,
मगर तिमन हुंद इस्तिमाल कोर
सिरिफ ज्ञाननवालयव ब्रह्मनव। नविसरु
हैछ नु काँसि। वुन्यकिस छु यि
लिपी ज्ञानन वाल्यन तु अथ अंदर
लेखनु आमचु किताबु परन वाल्यन
हुंद तेदाद न आसनस बराबर। अवय
बास्यव कॅचन व्यदवानन जि अख
'शारदा शिक्षक' किताब यियि
छपावनु युथ यि लिपी बचि तु जिंदु
रोजि। अमि सृत्य हैकिहे सॉन्य यि
वरासथ जिंदु रूजिथ तु भारतीय
संस्कृती हुंद खजानु संस्कृत याने
साहित्य परन तु रिसर्च करन बनिहे
सँहल। अमि खॉतरु पजि अमि लिपी
हुंद आदुनिक शाजरोवमुत रूप ज्ञानुन
तु अमिकिस रत्नकंठ कालीन रूपस
प्रचार करनु युन युथ रिसर्च करन
वालयन सहूलियथ गछि।

यि वनुन गछि न मोयूब जि



जम्मू कश्मीर
रिसर्च महकमस
मंज छि संस्कृतस
अंदर मुख्तलिफ
विशयन हुंद 5000
मसवदु। तकरीबन
सॉरी छि शारदा
लिपी मंजूय।
ब्राह्मन महामंडल
लायबरी मंज ति
ऑस्य केंह मसवदु
शारदाहकी। यिम
सॉरी महफूज
थवनुच तु पतु छाप

करनावनुक्य इतिजाम गॅछ्य कुनि
पॉट्य करनावनु यिन्य।

म्वखसर अँस्य ह्यकव नु
तिमन प्राच्य तु पाश्चात्य व्यद्वानन

वुन्यकिस छु यि लिपी ज्ञानन
वाल्हन तु अथ अंदर लेखनु
आमचु किताबु परन वाल्यन हुंद
तेदाद न आसनस बराबर। अवय
बास्यव केंचन व्यद्वानन जि अख
'शारदा शिक्षक' किताब यियि
छपावनु युथ यि लिपी बचि तु
जिंदु रोज़ि। अमि सुत्य हेकिहे
सॉन्य यि वरासथ जिंदु रूजिथ
तु भारतीय संस्कृती हुंद खज्ञानु
संस्कृत याने साहित्य परुन तु
रिसर्च करुन बनिहे सॅहल।

हुंद योगदान
मॅशरॉविथ यिमव
शारदा लिपी हुंदिस
व्वथबव तु
व्यकासस प्यठ
कॉम कॅरिथ रिसर्च
वाल्हन हुंदि बापथ
वथ कॅड। पछिमी
व्यद्वानन मंज छि
नाव हैन्य लायक
जार्ज बुहलर, जार्ज
ग्रियरसन, डॉ.
बोगल वगॉरु तु
पूरबी व्यद्वानन

मंज छु गोरीशंकर हीराचंद ओझा
नाव ह्योन लायख। ओझा सॉबुन्य
'भारतीय प्राचीन लिपिमाला' छे
बोगल सुंदिस ग्रंथस प्यठ आदारित।
(1994)

कॉशुर बूलिव तु बोलुनॉविव

डॉ० अमर मालमोहीयुनिस मजमून 'कॉशिरि ज़बॉन्य मंज तजर्मकॉरी' यस मंज यिम मसल तुलनु आयि तिमनुय ब्रोंह कुन छि यथ मजमूनस मंज बैयि ति केंह मसल तुलनु आमुत्य। मालमोही सॉवुन्य द्रशवुय मजमून छि दरअसल अकी बुनियादक्य तु अख अँकिस छि पोशनय करान। यिमन मुतलक अगरय सॉन्यन परन वाल्यन केंह सवाल या शुबह आसन, तिम लीखिन असि।

कॉशुर तु बेयन ज़बानन हुंद लफज़ राश

—डॉ० अमर मालमोही

कॉशिरिस मंज तर्जमु करनु विज़ि युस मसल सारिवुय ख्वतु अहम छु सु छु मुनॉसिब लफज़न हुंद न मेलुन। अथ छि त्रै वजह। अख — असि छे कॉशिरि ज़बान गालखातस त्रॉविथ मॅशरॉवमुच। जु — दौयम्यन ज़बॉन्यन हुंद लफज़ छिनु अँस्य पानुनावान। — त्रै — नँव्य लफ़ज़ थुरनुच कॉम छे महदूद सॅथरिस प्यठ सपदान।

बँ करु यिमन त्रैशवुन्य न्वक्तन हना वज़ाहत। यि छे सॉन्य कोमी बदकृसमती जि कॉशिर्य ऑसिथ ति छिनु अँस्य कॉशिरि ज़बान ज़ानान। कॉशिरि ज़बॉन्य हुंद रोज़मरु वरताव छु वाराह छ्वकृयोमुत तु अज़ कालुक्यन कॉशिर्यन नवजवानन छु कॉशुर रस्मी बावँचबल ताम कमुय पहन बागि आमुत — यि छुनु फकत कॉशिरि तरजमुक मसल बॅल्कि सानि कुलहुम सकाफॅच हुंद मसल तिक्याज़ि येलि ज़बान यिथय पॉट्य रॉस्य गछान रोज़ि सॉरी सकाफती अनहार छ्वकन पानय। ज़बान छे वरताव सुत्य प्रथान तु म्यानि खयाल छि व्वन्य तिम कॉशिरि लफज़ कमुय पहन कनन गछान यिम सॉन्य बुज़रग बोलान अँस्य। आम पॉट्य ओस सान्यन बुज़रगन गरस मंज अंगरीज़्य या उर्दू बोलुन अप्यर बासान, तिक्याज़ि

व्वपर ज़बॉन्य हुंद वरताव ओस नु गरिचन तहज़ीबी कदरन सुत्य मुनॉसिबत थवान।

सॉन्य बुज़रग ऑस्य श्रुक्यन तु वाखन, रेशनामन तु मसनॅव्ययन, दप्यन तु कहांवॅचन लीलायन तु नातन हुंज़ ज़बान समॉजी वरतावु सुत्य जिंदु थॉविथ तु यि ज़बान मॅशरावनु किन्य छिनु असि व्वन्य आम कॉशिर्य

आम पॉद्य ओस सान्यन बुज़रगन गरस मंज़ अंगरीज्य या उदूँ बोलुन अप्यर बासान, तिक्याज़ि व्वपर ज़बॉन्य हुंद वरताव ओस नु गरिचन तहज़ीबी कदरन सुत्य मुनॉसिबत थवान। सॉन्य बुज़रग ऑस्य श्रुक्यन तु वाखन, रेशनामन तु मसनॅव्ययन, दप्यन तु कहांवॅचन लीलायन तु नातन हुंज़ ज़बान समॉजी वरतावु सुत्य जिंदु थॉविथ

जायि आयि यिम जुमलु "The water we use for washing and cleaning

results in waste water. We should not waste this waste water."

मास्टर जियन वोन कॉशिर ज़बान न ज़ाननु किन्य येमि आयि तरजमु 'युस आब अॅस्य छलनस तु सफॉयी करनस मंज़ इसतिमाल करान छि, सु छु ज़ायि

लफुज़ ति याद रूद्यमुत्य। मिसालि रॅग्य वनु बु अख पोज़ वाकु।

1988 तॅच कथ छे जि अख मास्टर जी ओस चूर्यमि जमॉच हुंदिस इंगलिश मीडियम बचस तरजमु कॅरिथ सबक फिकरि तारान यथ नाव Uses of Water ओस यथ मास्टर जियन 'आबुक्य फॉयदु' तरजमु कोर येलि सबकुचि नॅवियॅच मुतॉबिक अथ 'आबुक वरताव' वनुन शूबिहे। कॉशिर्य पॉद्य तु दोलु दोलु तरजमु कॅर्य कॅर्य रूद मास्टर जी बचस फिकरि तारान तु अॅकिस

आब बनान। असि पज़ि न यि ज़ायि आब ति ज़ायि करुन।'

मास्टर जियिन्य किन्य गव waste फकत ज़ायि करुन। प्यठु कोशुर ऑसिथ कॉशिरि ज़बॉन्य निशि अनज़ान। न छलन छ्वकन महावरय तु न मलवान्युक कांह तसवुर। अगर तस पनुनि माशरतकि हवाल् पॅज्यपॉद्य कोशुर माजिज़्यव आसिहे तैलि वनिहे न सु असि पज़ि न यि ज़ायि आब ति ज़ायि करुन' बॅल्कि वनिहे सु छु मलुवोन्य बनान तु असि पज़ि न यि मलुवोन्य ति ज़ायि

करुन।

रेवायती काँशिर्य लफ़ज़ छि
सॉन्य स्व लफ़ज़ राश येमि रोस
सॉन्य ज़बान विरिन्य ति लवि नु।
अँस्य छि गरुवाजुन्य तु आशिन्य
लफ़ज़ वरतावान। मगर व्वन्य छे
यिहंज जाय ति लफ़ज़ि wife
आवरान। असि मंज़ छु व्वन्य कमनुय
याद जि रुन्य सुंद

असल मोनस छु
रँन्य। ऑस्य छि
मोटिस कटस
फलकठ वनान मगर
होंड न कँह। ज़ोरुरथ
छे जि रेवायती
काँशिर्य लफ़ज़
महावरु दँप्य यिन
रोज़मरु बोलचालि

असि मंज़ छु व्वन्य कमनुय
याद जि रुन्य सुंद असल मोनस
छु रँन्य। ऑस्य छि मोटिस कटस
फलकठ वनान मगर होंड न
कँह। ज़ोरुरथ छे जि रेवायती
काँशिर्य लफ़ज़ महावरु दँप्य
यिन रोज़मरु बोलचालि मंज़
वरतावनु

मंज़ वरतावनु तु अगर असि अँदीबन
काँशिरि ज़बॉन्य हुंद चुख आसि अँस्य
करव पनुन्यन गरन मंज़ पननिस
अयालस सुत्य काँशिरि अँस्य करव
पनुन्यन गरन मंज़ पनुनिस अयालस
सुत्य काँशिरि पौदय कथ बाथ तु
मुमुकिन छु जि अम्युक पेयि माशरस
प्यठ ति रुत असर तिक्याजि चूँठिस
बुछिथ छु चूँठ रंग रटान तु काँशिरि
ज़बॉन्य हंज अख बँड लफ़ज़ राश

यियि बेयि बारसस य्वसु काँशिरि
तरजमुकाँरी तु अदबस पवलरावि।

दोयमिस न्वक्तस वाश
कडान वनु बु यि जि योतताम अँस्य
दोयम्यन ज़बॉन्यन हुंद मुनॉसिब
लफ़ज़ पानुनावव नु तोताम न सपदन
तरजमुकाँरी हुंद मस्लु दूर तु नु
प्रावि ज़बान जहार।

तरजमुकार या

बेयि काँह
लिखाँर्य गछि
दोयम्यन ज़बॉन्यन
हुंद लफ़ज़
वरताविथ काँशिरि
ज़बान राटु तु होंज
दँरावनुक रवादार
आसुन। मगर
सवाल छु यिम

लफ़ज़ कमव ज़बानव प्यठु अनोख।
म्यानि खयालु छि अमि खाँतरु त्रै
आगर। संस्कृत, उर्दू तु अंगरीज़्य।
संस्कृत तु फारसी या वनव हिंदी तु
उर्दू लफ़ज़ छि काँशिरि ज़बॉन्य ज़्यादु
वयिवुन्य मगर अज़कालुक्य तकाज़
छि अँल्यमी तु अदबी किताबन
मंज़ पनुनि प्रकुरँच किन्य तीच
पीचीदगी थवान जि संस्कृत तु फारसी
लफ़ज़ुय यॉत्य छे वरावान नु

तरजुमकार सुंज त्रेश। अमि खॉतर छे कॉशरिस मंज हना तफावत ति।
छु अंगरीज्य ज़बॉन्य हुंद इसतिफादु हाल हाल्य आकसफोड डिकशनरी
बेहद ज़रूरी। अदबी तु बोलचालि हुंद अडिशन छप्योमुत छु तथ मंज
हुंदन लफज़न हुंज चॉर गछि कॉशरि छि हतुबंद्य हिन्दोस्तॉन्य लफ़ज़
ज़बॉन्य हुंदि मिज़ाज़ मुताबिक मफहूमचि कुनि तबदीली वरॉय दरुज
सपदन्य। यि कथ करनु आमुत्य।
वनव यिथु पॉदय अगर आलमी
ति जि दौयम्यन मयारचि ज़बॉन्य हुंद
ज़बान्यन हुंद्य यि वतीरु छु तेलि
लफज़ छि क्वसु हान लगि
कॉशारावनु च असि अगर अँस्य
ज़रूरत। येलि ति दौयम्यन ज़बॉन्यन
कांह लफ़ज़ ज़ेवि हुंद्य तिम लफ़ज़
प्यठ खँसिथ आम वरतावव यिहुंद
वरतावस यिवान छु मुतराँदिफ सानि
सु छु पॉन्य पानय ज़बॉन्य मंज आसि
ज़बॉन्य हुंद मिज़ाज़ नु। अँस्य छि
प्रावान। कॉशिर जु लफ़ज़ डडु तु कुतिहव वँर्ययव प्यठ हतुबंद्य तिम
लचर या लचुर नीतव। अँस्य छि अंगरीज्य लफ़ज़ वरतावान यिम
वनान — सु छु डडु या सु छु व्वन्य कॉशुरयुक हिंसु बनेमुत्य छि।
लचुर। तँम्य सुंज लचरगी छनु मे ज़रूरत छे पानय पनुन्य व्यछय पूर
पसुंद या चानि डडुगियि छु मे जॉरिस करान। हालात छि व्वपर लफ़ज़न
प्यठ ओनमुत। चकि छि यिम पॉन्य पानय ज़बॉन्य मंज जाय
द्वश्वुय अंगरीज्य ज़बॉन्य हुंद्य दिवान। पँत्यमिस दँहलिस मंज लोग
लफ़ज़ 'Dud' तु 'Lecher' द्वश्वुय अकि तरफ़ मिलीटनसी तु बेयि
छि असल ज़बॉन्य मंज कॉशरिकि तरफ़ इनफारमेशन टक्नालोजी
आये अहम। मफहूमस मंज ति छु चलेजाव तु द्वश्वुन्य हुंद्य लफ़ज़
हिशर व्वंगव सकाफती कदरव किन्य आयि पॉन्य पानय कॉशिरिस मंज।

हाल हाल्य आकसफोड
डिकशनरी हुंद अडिशन छप्योमुत
छु तथ मंज छि हतुबंद्य
हिन्दोस्तॉन्य लफ़ज़ मफहूमचि कुनि
तबदीली वरॉय दरुज करनु
आमुत्य। अगर आलमी मयारचि
ज़बॉन्य हुंद यि वतीरु छु तेलि
क्वसु हान लगि असि अगर अँस्य
दौयम्यन ज़बॉन्यन हुंद्य तिम
लफ़ज़ वरतावव यिहुंद मुतराँदिफ
सानि ज़बॉन्य मंज आसि नु।

अकि तरफु छि अँस्य कलाशंकोफ, क्रेकडावुन, मिलिटंट, ग्रनेड, अल अम जी, राक्यट बेतरि लफुज तु बेयि तरफु हाडवियर, साफ्टवियर, कमांड, कोड, सुकेन, लेबल, कम्प्यूटर, जावा, विंडोज़, व्यवसाइट, सायबर, सयबर स्पेस, डिजिटल, इ-कामॉर्स बेतरि बेशूंक्य पाँट्य वरतावान।

म य । नि खयालु छु हयती तरकीबि किन्य काँशरिस बोड बितुर शायद उर्दू ख्वतु ति ज़्यादु । दोयिमि

जबॉन्य हुंद कांह ति लफुज छु अमिकिस लिसॉनी तरतीबस मंज श्रपान, मिसाले :

1. बु छुस चे सुत्य अगरी करान जि एडवोकेट सुंद point of defence ओस बिलकुल कमज़ोर — so poor.
2. यि डिफकलटी गॅयि अमि किन्य rise जि basic प्राबलमि कुन

आँस्य नु अँस्य attentive.

यि छु जबॉन्य हुंद ग्वन मगर तरजुमुकारस छनु यि जबान वरतावन्य तु मे छु बासान जि आम काँशरिस पजि यि जबान वरतावनस हना हिरासु करुन।

अकि तरफु छि अँस्य कलाशंकोफ, क्रेकडावुन, मिलिटंट, ग्रनेड, अल अम जी, राक्यट बेतरि लफुज तु बेयि तरफु हाडवियर, साफ्टवियर, कमांड, कोड, सुकेन, लेबल, कम्प्यूटर, जावा, विंडोज़, व्यवसाइट, सायबर, सयबर स्पेस, डिजिटल, इ-कामॉर्स बेतरि बेशूंक्य पाँट्य वरतावान।

कूशिश गछि रोज़न्य जि यथ जायि असि काँशुर लफुज छु तथ जायि वरतावहॉव नु अंगरीज़्य लफुज महंज फाँशनु खाँतरु। लफुज मूजूद न आ । स नु कि स सूरतस मंज ति पेजि ग्वडु उर्दू या

हिन्दी लफुजस तरजीह दिनु यिन्य।

काँशिरि जबॉन्य अख नॅव थुरमुच लफुजराश दिनुच ति आयि कूशिश करनु। प्रोफसर राही, शोक, अमीन कामिल तु बेयि केंचन नफरन हुंज कूशिश छे काँबिलि कदर मगर यि छे स्व कॉम य्वसु अँकिस मुनज़म तैरीकस प्यठ सपदुन्य गछि।

नयनं नमः
नयनं नमः

सोन बुजर्ग तु नामवर शायिर 'मजबूर' छु यथ नज़्मि मंज सौतुचि फुलयि हुंदि बरजस्तु
इज़हारुक रूपक (मेटाफर) गॅरिथ पतु तथ प्यठ गोलि वरुनु सुतय दँडवन गछनुक
दिलदोज तस्वीर गरान। अथ अंदर छु नॉर्यमरगुक कत्लि आम जन तु दूरय दूरय यिवान।
मजबूर साँब छि विजौती इनसाँन्य जज़्बन हुंछ शायिर।

सौतस अँछदर बुछिने आय : अर्जुन देव मजबूर
(नॉर्यमरग हत्याकांडस प्यठ)

वुडरन वुनि ओस यावुन छारान
नीजर दवि ओस ब्रोंह ब्रोंह लारान
बेरन, जोयन व्वटु ओस तारान
विरि किम्य जामु वॅलिथ ऑस्य प्रारान
'टेकु बटन्य' ऑस अँन्दरी थारान

ब्रेड्य—कुल्य मन ओस फवलनुक कोरमुत
चूँदय कुल्यव ओस वरदन बोलमुत
नागु—दंघव ओस अवशद छोलमुत
आबु—छुलव ओस पशपुन ह्योतमुत
चुनुन्य—कुजव ओस पान रंगुवमुत

शीनु—ट्येचव ऑस्य वीग्य वॅहॅर्यमुत्य
कौतिजव प्राँनी ऑल्य मुचुर्यमुत्य
बुलबुल दमदरि बूल्य करान ऑस्य
'दिदर्यव' लोलुक्य हुय ऑस्य तुल्यमुत्य



सोपनस मंज गामाह ओस शोंगमुत
 कॉमाह काराह कॅर्य कॅर्य थोकमुत
 चॅन्द्रमु दार्यव मँज्य ओस जोतान
 कानुल्य—वार्यन अँछ ऑस फोरान
 शुर्य ऑस्य ख्वनि मंज फ्रिस्तान रोशान
 माजन ग्वमु चैय चैय ऑस्य तोशान

अँथ्य मंज ठुक ठुक गव दरवाज़न
 न्यँदरि हत्यन गॅयि वॉलिंज वॅस्य वॅस्य
 खोफन ओँद—पोक ऑसस मंज रोट
 दम गव हवहस चम गव दरती

जानुवरन तुल हुय चोपासे
 मंदुरच मूरथ मन्दुर सानुय
 हंगु—मंगु आयि वॅसिथ यक—पासे

रँछदरव कॅर चलनुच कॉमा
 मोतुक्य—मोकल जोशस आय
 साटु मनोशन वँछ थथुराय
 बन्दूकन गोल्यन ठसुराय
 मोसूमन फँट बरबुज्य—लाय

आंगन रतु—सॅर्य लाशन डेर
 अखताबस गव खसनस चेर
 सोंतुच माहरेन्य वटुस्य सपुन्य
 मातर—शखती दावस लँज
 माजि कँशीरि ज्यव गॅयि कँज

सोंथ यिवान ओस गुल छँकुरावान
मुशक्य लूकन ओस वुजुनावान
तस ति न सों अज पोशन—पाय
सोंतस अँछदर बुछिने आय



सैयद रोसुल पोंपुर छु विसियार पासल शख्सियतु बोल अमापोज चकि शॉयिर, करीब जु दर्जन किताबन हुंद लिखॉरय। यिमन मंज छि कविता—संग्रह, कहानी संकलन, खाक, सुमरन, सफरनाम, तर्जुम, ऐसे तु तनकीदी म्बलांकवनि हुंज किताब। कृत्यन वेंरियन रुद्य पोंपुर सॉब कल्चरल एकैडेमी मंज कौशिरि डिक्शनॅरी मंज कॉम करान। जवॉन्य तु विदा (सिनफ) द्वशवुन्य मुतलक छि यिम बडु म्वहतात तु द्वशवुन्य हुंद मॉहिरानु इस्तिमाल छि करान। खयाल तु नज़्मि मंज तम्युक बथु वाशर, अमिच जान मिसालु छे यिहुंज शॉयरी यिमन आव साहित्य अकादमी एवाड, कल्चरल एकैडेमी हुंद यनामु, सोवियत लैंड नेहरू पुरस्कार, अकादमी हुंद ट्रांस्लेशन एवाड दिनु। यिम छि मुल्कचन कुयन संस्थायन सुत्य ति वॉविस्तु तु कृत्यन कोमी मुशॉयरन (26 जनवरी हुंदिस ति) मंज छख शरकथ कॅरमुच।

बुन्युल*

—सैयद रसूल पोंपुर

छोंफ!

जिंदुगी हुंद अज़ल तु अबद
वोंत!

वोंतुय न अथ कुनि हद लाहद

टोठि तु सँदरन हुंद सँदरुय त्रेश चनस

वदलि तु परबथन हुंद परबथ सँर्य प्यठ प्यनस

शुन्य!

* (26 जनवरी 2001 कि गुजरातकि बुनिलि सुत्य मुतॉसिर सपदिथ)

शुन्यौय सॉरी सॉरी पॉरी आलम
 सीर!
 सिरसॉय सोरुय! सोरुय दम खम
 बोज़!
 बोज़व नु
 बोज़नहारा सॉनी आलव
 सोज़
 सोज़न न सोज़नहार
 लसनुक पवु पय
 सार
 सॉरिथ ति छे जिंदुगी
 संगदिल सर ता पा
 चेन तु रहमुक न कुनि हैरि ब्वन इफशा
 सेर!
 सेर सरहम
 सेरुय वुछिथ छि गछन रज़ील्य रँज़ीलु दुनिया
 छोंफ
 जिंदुगी हुंद अज़ुल तु अबद
 वोंत
 वोंतुय न अथ कुनि हद ला हद
 गाटु
 गाटुल्य दगान दग दग
 द्वह राथ त्वनन क्वह
 कुफुर इसलाम दरुम मज़हब दीन
 कयामँच नज़दीक हिब्य ज़न आमुत्य द्वह
 ग्वबेयि पाप बुतरॉच तु आदम ग्वव गुमराह

पॉन्य पानस यि जुलुमगार छु
 यहोय छुस बोड राह
 जमीनि चँकय फ्युर ति अगर गौव
 वाह! वाह! शूब्यस
 महल तहजीब कुय जमीन बोस कोरुन
 तु हाहा वॅन्यज्यस!
 ऑसु मंज माजि हुंज बब कंडुन द्रदु मोसूमस
 तस क्या परवा!
 तु माजि हुंद जिगर कतराविथ थोवुन तस गम क्या
 तु जिंदगियि रंगुय मुहिथ न्यून
 कम कोर छँकरुन्य कित्य
 छटान छे लावु बुसर अँदरिम
 शाहु फ्युर करनस
 दिवान छे ज्यनु चीख यिथय कॅन्य
 न्यथु नॅन्य शिहिज मँछिज बुतराथ
 यि गव ख्वदाय
 तु सॉरी मॉरिन यी ख्वश गोस
 बु गोस बंदु
 तु दम फँट्य गछुन मे इयकु लॉनिस लीखिथ
 व्वदुन्य बु नारु बुसर दिववुन्यन सँदरु मलरन प्यठ
 यि हलि गंडुन
 यि पुल तु पॉतव,
 बु चारु, कोत पेंजि प्यठ
 खबर मे नारु मलख छँकरावनम
 टिकु तारु कश कडनम तिम कति कोर
 छोफ!

जिंदगी हुंद अज़ुल तु अबद
वोंत!

वोतुय न अथ कुनि
यि छु हद लाहद!



सरूर छु सीनियर कॉशिर्यन शॉयिरन अंदर अख अहम शॉयिर। अँम्य सुजि कवितायि
मंज छु ब्दुवॉराग, सेदिस न सँहल मुहावरस मंज ज़ॉहिर गछान। जोमिचन साहित्यिक
दॉयिरन अंदर छु सरूर अख व्योद तु सरगरम कवि ति तु कारकुन ति।

गज़ल

—जवाहर लाल 'सरूर'

सँय पैद्य प्याँमुच राथ तु बेयि बस तापु तचर
हयबुंग आदुम्य जाथ तु बेयि बस तापु तचर

सँहरावस मंज क्यथु शोहजारुच आश रखव
लानि छु यी सोगाथ तु बेयि बस तापु तचर

दज़ुवुन प्रथ अंदु नार छु, सडकन वुठ होख्यमुत्य
दुह्य लद गयि बुतराथ तु बेयि बस तापु तचर

मसवलि गुमु फँट्य रुमु तनि बासान हनि हनि दग
फरि यिनु तस वँहराथ तु बेयि बस तापु तचर

बागी छुनु यथ बँस्ती आमुत सोँतु हवा
प्रेशमुन्य चँड सोगाथ तु बेयि बस तापु तचर

शार 'सरूरुन्य' माने मतलब क्या थावन
व्वलसन येलि जज़्बाथ तु बेयि बस तापु तचर

डॉ. मजरूह रशीद छु कॉशिरि शॉयरियि जदीद सॉचुक दयुत। अँम्य सुंदिस गजलस क्यो नज्मि अंदर छि अँजिकि त्रासुच दग नवीनु मगर मौजून शब्दुचि मानेछायि मंज व्वतुलान यवसु वातनपाय तु असर दवशवुन्य मंज पनुन बास दिवान छे। यिथय कँन्य छु अँम्य सुंदि तनकीदुक (आलोचनायि हुंद) व्वथुवाशर माने तु लफ्जकिस नँविस गरतस मंज नवि सॉचनत्रायि हुंज व्याख्या (तशरीह) करान। यथ गजलस मंज छु मौजू (विशय या वस्तु) हाँवी ऑसिथ ति शॉयरि शब्द प्रयोगस (लफ्जकिस इस्तिमालस) कुन हना ज्यादु पहान नोमिथ तिक्याजि तँम्य सुंज कूशिश छे मौजू रयवायती बयान तु डिक्शन कि शिंकजि मंज न्यबर कडुन युथ चैननुच शिदथ कम्यूनिकेट (संप्रेषित) गछि।

गजल

—मजरूह रशीद

इयकस छु बोनि शिहुल गोन कँशीरि म्यानि बँरिथ
वछस वुहान सबुज नार अँछन छि नाग बँरिथ

मे छम पता जि चु छख अज ति प्रानि तारु तरान
मगर खबर यि चे मा छय गरुक बु तारु तँरिथ

सु खाब प्रोन वुहान अज ति चीर्य शामन छुम
छूयवान दाग दिलुक्य छिम हवावु प्राय सँरिथ

मे लानि खुर छु क्याहताम नतय मे राजुत कौर
मे सासु वादु वँरी छिम सितारु मालु कँरिथ

यि म्योन जबरवन डलस मुदय छु गँडिथ
यि वाव वोथ तु थव्यन क्याजि लांकु चानि हँरिथ

अगर सु जांह ति चे समखी कथा कुनी पृछिज्यस
कँशीरि लोलु खजानन चे द्रोय क्या स फँरिथ?

ग्रकान बु शीनु शबन छस शिहिज बु प्रेशमस मंज
योहोय मिजाजु मँछ्युल हेकन नु यार जँरिथ

डॉ. प्रेमी रोमानी बतलेयि बतोरि कौशुर शॉयिर कहानीकार तु समीक्षक (नकाद) तिथय
पौँदय यिथु पौँदय यिम पँतिम्यन त्रेन दँहिल्यन उर्दूहस मंज कौयिम गौमुत्य छि। कौशिर
शारु सौबरनु कँडिथ कोर प्रेमी जियन पनुन बितुर माजि जेवि अंदर ति सौबित। यिम छि
दर्जन पेदय किताबन हुंघ लेखक, अनुवादक संपादक तु स्वर्गीय पिता जी डॉ. ब्रज प्रेमी
सुंद कृत्य ग्रंथ अँनिख गाशस। यिमन छि कृत्य रियासती तु कोमी यनामु दिनु आमुत्य।

गजल—1

—प्रेमी रोमानी

गँय नॉल्य देवानस मे यिम ज़ोलानु लगय पौँर्य
वनु कस मे कँर्यथम जिंदुगी अफसानु लगय पौँर्य

पम्पोशि चेशमन मंज चे मा छुय रछ ति तरावथ
चावुन्य चे छिय कम वनतु अमि मयखानु लगय

अम्मार ओसुम यारु करुहरख म्यौन्य वथ रोशन
आहम नु नखु, छुख दूरि बस रंजवानु लगय

प्रथ प्रँच छै बनान न्याय अमा लोल छु मा प्रँच
हावस छि गछान थामि बॅल्य पैमानु लगय

प्रेमी छु गरान बुत तु करान छुख न परस्तिश
आजर छु लगान जालु अमि अनमानु लगय

गजल—2

मोहबथ वुठन खोत तु गव आम वॅल्य वॅल्य
बेशूंकिस अंदर गव यि बदनाम वॅल्य वॅल्य

दिलस बेकराँरी अँछन तोबा तोबा
नजर तुज तु सुबहस ति गव शाम वॅल्य वॅल्य

लसुन अज छु दारस खसुन पोज अमा पोज
मे चव तोति जहरुक बॅरिथ जामु वॅल्य वॅल्य

नेबुर्य क्याह वुछख अछ अंदर गाश बासी
खबर छय नु न्यंगलिथ चै इलजाम वॅल्य वॅल्य

चै चोथ पानु बेवायि 'प्रेमी' मोदुर मस
मे क्युत अँत्य थोवुथ अख छोरुय दाम वॅल्य वॅल्य



आगऱु वुडुडुय
आगऱु वुडुडुय

(प्रो. कंवरलाल तिवकू छि अंगरीज्य ज़बॉन्च मंज वारियाह कालु प्यटु लेखान यवद
जुन ग्वडुनिच सोंबरन परुस (2006) छाप करनॉवुख यथ 'द ट्रैक' (पटुरि) नाव छु। अथ
मंज छे मनशि सुदि लोल, म्युल तु जुदॉयी हुंज ख्वश्वुन्य तु बेनियाज वर्नना करनु आगुच।
शॉयिर सुंज बावना तु जज्जु छु यिमन जदन हुंद मीरास। माजि हुंद जद ओसुख मुंशी
भवॉनी दास काचरु (अरिनिमालि हुंद सॉमी) तु मॉल्य जद पं. सुखजीवन लाल तिवकू।
1963 प्यटु वोतुख कॅशीरि न्यवर कालेजन अंदर परनावान तु बन्य छि जोमिस मंज परनस
लेखनस सुत्य द्यन गुजॉरी करान।)

पटरि

—प्रो. क.ल. तिवकू

चु तु बु

अँस्य छि रेलु पटरि

असि छिख इवकर्यव सुत्य किल्य ठाँस्यमुत्य

ब्योन ब्योन

असि छु कुस्मतस

अँस्य रलव नु ज़ांह

लतुमॉड कॅरुख असि

दफ

सानि हमवॉरियि मा वोत ज़ख

मुतवॉजी अँस्य द्रशवय दोरान

क्वहव तु बालव

सेकिस्तानव मँज्य

तापु क्रायि ततान

તુરાન તુ શિશુર લગાન
 યથ સાનિ જુદોયી મંજ
 યથ ગટિ મંજ છે વ્વન્ય અકોય ગાશુ લુય —
 છૂયનુ ગોમચિ માજિ ભૂમિકાયિ સુત્ય
 અસિ દ્વશવુન્ય છે લોલુ હાંકલ
 અકોય ગંઢિથ

2) પોશિ કુજ

પયરન શુખુર નોલ્ય ત્રોવિથ
 પોશિકુજ છે બેલ્ય દિવાન કદમ કદમ
 ત્રોવમુચ્ચ બેયિ રોવમુચ્ચ
 પોશિ કુજ છે રોગિ રોગિ ફેરાન
 રૂવરન પુલુહોર
 લંગાન, લિથુવાન
 રબિ કુચવમુત પયુર
 સ્વ ઑસ બોનિ તલ બિહિથ
 નીલી ડૂન્ય ફુટરાન
 અથુ ઑસિસ વ્વજલેમુત્ય
 જન યાવુન ફીરિથ આમુત
 બુથ ચેંચરોવુન ગેનિદાર
 અચ અચ ગેન્ય ઑસ
 તસંજ દોદ્ય કાંગુર વનાન
 યેલિ કાંહ અનિ હેસ સેથ
 રૂવરુરિ જૈવિ
 ઑસુચ બેવોરી કરાન

राम राम बँदरुन्य दून्य वुछिन
 वछि वाँलिंजि दिचुन क्रख
 योहोय कँदुल अस्मॉन्य
 मे निथि ना टाह्यन निश
 पतु ऑस रिवान तु
 हिक्क्यन अंदर गछान
 फुटिमुत्य कदम कडान
 पकान।

3) दगा

तँम्य फाटनोव बम
 तु थँवुन दग

तिम दोरेयस पतय
 ऑखुर म्वमुन्यव
 तु दिचहस थफ
 अँछन अंदर वुछहस
 शेतान ओसुस ब्राद्योमुत
 लिथुनावान पकनोवुख तोतनस
 येति लूकन हुंद्य अंग छँकरॉविथ ऑस्य पेमुत्य
 कूट्यन माज अवेज्ञान
 चुनिम्वंगर शरीरन गॉमुत्य
 रतछूल्य च्ववापॉर्य
 अख ज़ाशुर मुमुचि माजि बबुट्यॉड चुहान
 अँदरमु ल्वछुर यस न्यबर ओस द्रामुत
 जवान कूर न्यथुनँन्य ऑस पेमुच

तँम्य वोनस कनस तल
हया पागला, यि ज़न आसिहे चॉन्य बेनि या मॉज
हून्य युस माज़ ख्यवान छि
सु ज़न आसे चोन मोल या बोय
हया यिहॉय वथ नियिया च़े जनतस?

बूज़िथ गॅयस गलि ज़्यव
तु क्रख च़ज़ुस नीरिथ
“न छु यि जनथ
न दिनम हूरय
बु ख्योनस मज़हबन
अवय बन्योस लामज़हब”
ग्वनुहुक ह्यस प्योस
पछतोवुन आवाज़ ग्वबेयस
“मोजी
दगा च़े द्यूतमय
अफू करुम!”



हृदय कौल भारती छि कौशिरिक्य अहम तु बॅहलिपायि कहानीकार तु यिहुंदय अफसानु छि कौशिरि कहानी साहित्यिक्य म्वलुल्य लाल। वुहिमि सँदियि हुंदिस सतथ किस दॅहिलिस मंज आव यिहुंदयन अफसानन अंदर आदुनिकतावादी सोच तु शैली हुंद ज़बर्दस असर लबनु येमि किन्य वारियाह जवान लिखॉर्य ति मुतॉसिर गॅयि। मगर भारती सुंद मूल कथॉय (नैरेटिव) तत्व रूद हमेशि मूजूद। पेश छु यिहुंद अख प्रोन तु मशहूर अफसानु यथ अंदर यिहुंद फन (शिल्प) मूल कथायि हुंद स्वदरेंर बखूबी व्यतलावान छु।

तेह

—हृदय कौल भारती

सोरुय मॅहलु ओस खानु सुंदिस टांगु गराजस न्यॅबर कनि चॅसिथ आमुत तु बीरु बीरय ऑस यिछ ज़ि बासान ओस ज़न अँदरु कनि छि चंदि खतावान। खलख ऑस्य ख्वर टेंड्यन प्यठ वॅथ्य वॅथ्य गरनजस मंज वुछनुच कूशिश करान तु टांगु मॉलिक ओस यिमन पथ पथ कडान वनानः
“हे क्या छिवु वुछान? येत्तिक्या तमाशि छा? अँकिस दज़ान दॉर तु ब्याख वुशानावान अथु।”

तमि पतु ओस मॅहलुक्यन सरगनन सरगनन सॉरुय दॅलील बोज़नावान।
“हतु हज़ क्या वनोवु मे छा खबर यि खान करि मे खारि ज़लील। वुछ क्वसु ब्वटु बबुर हिश मॉदियान — यिमन पॅतिम्यन त्रेन वॅरियन हज़ ओस यि अँमिस ओलाद सुंघ पॉट्य रखान। अदु खबर ओतरय क्याह लठ हिश आयस।”

अज़ त्रे वॅरी ब्रॉठ ओस खान अँमिस निश मुलाज़मतस आमुत तु अज़ताम ओस सु बडु वफादॉरी तु ईमानदॉरी सान असुंद टांगु चलावान

रूदमुत। खान ओस अजब कस्मुक
टांगुवोलाह। द्रुस्तिस शहरस मंज
शायद पनुनि कसमुक कुनुय। गरा
मोमूली ज्ञानपहचानि प्यठ मुफतय
खारान तु दौयिमि द्रह तॅमिसुय
इनसानस डब्ल पाँसु कम आसनस

ओस। वखतुक्यव सनिरव तु
व्वगुन्यारव छु पनुनि मरजी तु तसुंदि
चेननु मुताबिक तस खंजि तुजिमनु,
दांद वॉयमुत्य, फॅहरेर द्यतमुत,
मुफतय खालुन तु जचि चट्टनि
हेछिनोवमुत।

प्यठ रथ वालान,
जचि चटान तु
सोरुय बाजर
सोंबरान। सु ओस
बुथि ति अँजीबुय
जॉव्युल होखमुत
मिसवाख ह्यू।
अड छच्
काचर्यारु सान

अड प्यठुक्य टांगु वॉल्य ऑस्य
तसुंदिस टांगस रंगु माहरेन्य
वनान। ल्योदुर गुलि अफताब
ह्यू चमकवुन टांगु फंब फोत्य
हिशि गदि लॉगिथ, दॅछिन्य किन्य
छांट, सफेद कदावर कजाख
तीर हिश मॉदियान तु तस प्यठ
सरतल्यू नपु नपु करुवुन सांज।

खान यूताह
मॉहिर टांगु
चलावनस मंज
ओस त्यूतुय मशहूर
ओस तसुंद टांगु ति।
सु यूताह मौकुर तु
फुहुर पान ओस
त्यूतुय साफ तु
पिशुल ओस तसुंद

मकायि छॉग्य हिशि गोंछु कॅरिथ,
फुहुर तु गनिदार बुथ ओसुस बासान
बिल्कुल ज़न ख्वशुक ज़मीनस दांद
वॉयमुत्य तु नास्ति दंदन कुन बुछिथ
ओस ब्रम गछान जि द्वदरेमुन्न मकाँय
छिहस बुजिथ थॉवमुन्न लॉगिथ।
कलस लॅट त्रॉविथ दस्तारु पॅजाह
य्वसु जांह ति साफ ऑस न आसान।

तस कुन बुछिथ ओस
अहसास गछान जि सु छुनु व्वन्य
ति रूदमुत यि सु ख्वदायन थुरमुत

टांगु। अड प्यठुक्य टांगु वॉल्य ऑस्य
तसुंदिस टांगस रंगु माहरेन्य वनान।
ल्योदुर गुलि अफताब ह्यू चमकवुन
टांगु फंब फोत्य हिशि गदि लॉगिथ,
दॅछिन्य किन्य छांट, सफेद कदावर
कजाख तीर हिश मॉदियान तु तस
प्यठ सरतल्यू नपु नपु करुवुन सांज।
खानस कोताह मोहबत ओस अँमिस
मॉदियानि स्यूत्य। पानु ज्ञानिहे नु जांह
बुथ ति छलुन मगर अँमिस ओस
द्रहय छलान छ्वकान; खरखर करान

तु मठि—मठि दिवान। ज़न ओसुस
यि टोठ अवलाद।

दरअसल ओस पानु कुनुय
तु मोहबतुक्य तु टाठिन्यारुक्य यिम
शर इनसानस आसान छि तिम ओस
खान अँमिसुय प्यठ कडान —
महोबथ, लोल तु स्नेह। इनसान सुंजि
जिंदुगी हुंघ अहम हिसु, यिमव बगौर
जिंदुगी ना मुकमल छे। मीठ्य सिर
यिमन बाबन खॉतरु टाठ्यन राजदानन
हुंज ज़रूरथ छि आसान, तु यिम
ज़न खान सुंजि व्वफुरेमचि तु त्रकरि
जिंदुगियि मंज ज़ांह ति ऑस्य न
आमुत्य तु व्वन्य ऑस तस यहाँय
मॉदियान सोरुय बासान। पनुन्य सीरु
बोज ति तु हम खयाल ति।

तँम्य युथुय यि ग्वडुनिकि
फिरि टांगस लॉज तु यिति पँचस
ह्वडि बगौरय तस ज़न ग्वव असुंद
स्नेह ह्यू तु वारु—वारु बड्यव तस
असुंद मोहबथ यूत जि टांगु खूलिथ
युथुय सु अँमिस ग्राजस मंज थवानु
ओस, ग्वडु ओसुस ऑरख व्वथुरान
पतु दानु दानु ख्याँविथ कशानुहना
करान। तु युथुय सु गिराजु न्यबर
नेरान ओस, सु ओस पोत फीर्य

फीर्य तस यिथु पॉठ्य वुछान ज़न
सु व्वन्य बेयि हैकिहे न तस दुबारु
ज़ांह ति वुछिथ तु मॉदियान ति
युथुय गरदन थोद तुलिथ कलु पथ
कुन फिरान ऑस, खान ओस हुक्

र्यतु कालि युथुय कांह विज़िटर
तसुंदिस टांगस बेहे, सु ओस
टांगु तेज़ ख्वतु तेज़ चलावान
तु काँसि—काँसि ख्वशबाश
विज़िटरस पनुनि टांगुफारसी
ज़बाँन्य मंज पृछान — 'कीसा
गोडी चलता है, साब?'

वापस फीरिथ तस बेयि मठि—मठि
दिवान तु माह करान। दरवाज़ु दिथ
ओस सु चुरुन्यव किन्य वुछान जि
स्व क्या छि करान तस बगौर। खानस
ओस पूर बिहिथ जि तस बगौर न
पकि यि काँसि हुंदि तु न यियस
वार।

चोरि बजि युथुय खान बतायि
वानस प्यठ चाय चेनि ओस गछान,
सु ओस न तोरु ज़ांह ति खॉली
नेरान। कँह नतु कँह ओस सु अँमिस
क्युत ति कडान। अकि द्वह युथुय
सु चाय चेथ मॉद्यानि पेस्ट्री दानु

ओस आपरान, पॅत्य किन्य वोनस
अँक्य टांगु वॉल्य —

‘हता खानु क्याह छुख
दरबुदर गोमुत। गुर्यन ति छा कांह
पेस्ट्री आपरान?’

खान वोथुस दरजवाब — चे
सोरु मा छय खबर? बोज़ बा लगय।
यि करान मेहनथ तु बु बचान अँम्य
सुंदी खॉरातु। तमि अलाव हसॉ गछि
चारवॉयस अवलाद सुंज़ि नज़रि
वुछुन।

अमी द्रह शामनस युथुय
तँम्य टांगु मुचरोव, तस बासेयि
मॉद्यानु खमान हिश तु बेयि तस
तुर हिशि। सु गाबर्यव तु वुठ फेशान
वोथ पानसुय कुन — ‘ओ यि हय
नज़र ज़द छे गॉमुच। अँम्य हय तस
खँज़ीरस थी पेस्ट्री खेयि।’

तँम्य अँन्य मर्चवांगन म्वठाह
तु जॉजनस ब्रोंठ कनि। पतु कोडुन
पनुन तॉवीज़ तु त्रोवनस नॉल्य (युस
ज़न तस वक्तु अकि पीरन खोचनु
बापथ द्युतमुत ओस)।

खान ओस खास तु बजव
सडकव पेद्य टांगु चलावान। सु
ओस वनान जि मंज़ शहरुचि गडकु

छे तंग तु खराब आसान। अमि
सुत्य छु गुरिस ति इज़ाह वातान तु
टांगस ति। प्रोफेसर, वकील तु
डाक्टरुय ऑस्य असुंदिस टांगस
खसान। सु ति ओस बड़ ख्वश
गछान, युथय कांह ग्रांख तसुंदिस
टांगस खसिहे। र्यतु कालि युथुय
कांह विज़िटर तसुंदिस टांगस बेहे,
सु ओस टांगु तेज़ ख्वतु तेज़
चलावान तु काँसि—काँसि ख्वशबाश
विज़िटरस पनुनि टंगुफारसी ज़बॉन्य
मंज़ पृछान — ‘कीसा गोडी चलता
है, साब?’ तु युथुय सु असान
असान जवाब ओसुस दिवान
‘अच्छा’ तस ओस खबर क्या शर
हयू ज़न चलान। सु ओस यछान
तसुंज़ि गुरि गॅछ्य सॉरी तॉरीफ करुन्य
तु तसुंज़ शान गॅछ थँज़ रोज़न्य।
खान ओस बड़ फखरु ज़ानान युथुय
कांह नेबर्युम तसुंदिस टांगस खसिहे।
तसुंद खयाल ओस जि काँशुर क्या
ज़ानि टांगस खसुन खालतन खरस
तु ती हँस्तिस् खालतन तु तोति ती।

यिथय पॉद्य अज़ शे द्रह
ब्रोंठ युथुय सु चोकस नखु टांगु
हयथ व्वदनी ओस, अख जवान तु

हसीन फरहंग्य जूर्याह खँच असुंदिस
टांगस तु वोनहस कमि ताम होटलुक
नाव। खान गव बडु ख्वश तिक्याजि
वंदु आसनु म्वखु आँस्य तस
मजबूरन दीसी प्यवान खालुन्य। अज
युथुय द्वयि त्रैयि रेत्य तसुंदिस टांगस
प्यठ परदीस्य जूर्याह बीठ, तसुंदिस
फँहरिस बुथिस फयूर रंग हयू तु
वुठन हँद्य नोक फहलेयस ही
तिक्याजि अज आँस्य तसुंदि बाशि
दिल दादु टांगस प्यठ, यिम तसुंजि
मॉद्यानि दाद दिहन।

सु खोत पायिदानस प्यठ तु
रँटन रास। गदि प्यठ बिहिथ हयौतुन
लाकमि दुर हयू तु ज्यव हिलॉवुन
द्वयि त्रैयि फिरि, मगर गुरि कँर न
हरकथ ति। खान नेम्यव ब्वनकुन
हयू तु द्युतनस रौखन निश मठि
मठि तु तमि पतु हिलॉवुन बेयि
लाकम मगर टांगस आयि न तोति
हरकथ। खान वोथ
ब्वन तु गव मॉद्यानि
बोंठ कुन। तस
दिलासा मदारा
कँरिथ कँरुन तस
थफ कँरिथ अरु

तस दिलासा मदारा कँरिथ कँरुन
तस थफ कँरिथ अरु करनुच
कूशिश। गुरि तुज कुनी दुलथ
तु लॉयिन टांगस। फरहंग्य जूर्य
वँछ असान असान ब्वन। खानस
गव यि बडु बरतबाह।

करनुच कूशिश। गुरि तुज कुनी दुलथ
तु लॉयिन टांगस। फरहंग्य जूर्य वँछ
असान असान ब्वन। खानस गव
यि बडु बरतबाह। तँम्य कँर बेयि
अख आँखरी कूशिश तु गव मॉद्यानि
नखु, द्युतनस मठि मठि तु पतु
कोरनस गरदनि माह। तोरु दुनुस
तमि कल यिथु पॉद्य ज़न खानन
तस चोप ओस हयोतमुत। दुलतु
जोराह तुजन यिछु जि टांगस आयि
अख खँड वँथिथ। फरहंग्य जोरि
चोल ठाह—ठाह करान असुन नीरिथ
तु खँत्य दौयिमिस टांगस। खानस
ज़न गँयि मेच। दोपुन चाह हय
आसिहे तँथ्य मंज़ वसुहा। तु तेमि
पतु खोतुस बुथिस व्वशलुन। अँछ
गँयस नार चॉग्य हिशि। गुरि कँरुन
बुथि लाकमि थफ तु वोलुन टांग
लमान लमान गिराजस ताम। टांग
खूलुन तु थोवुन अँकिथ कुन।

मॉदियानि दितुन
जंगन गंड। खान
ओस वहशी हयू
गोमुत। तँम्य द्युत
मॉदियानि युथ दकु
जि स्व आयि

पँथरस लायनु। गंड दिचमचु जंगु
थविनस वँबिस सुत्य गँडिथ तु लोरि
चोबव सुत्य कोरनस फरश। खानस
आसु अँछ फँटिथ
हिशि द्रामच। सु
ओस गुर्य सुंदी
पाँठ्य खामान।
आँखुर तुजिन
सीरिन्य कँन्याह तु
लगाँवनस बडु

तु अज सँतिमि द्वह आँस खान
सुंदिस गराजस न्यँबर कनि सख
बीरु बीरु। खलख आँस्य ख्वर
टेंडयन प्यठ वँथ्य वँथ्य गराजस
मंज वुछनुच कूशिश करान तु
अँदुर कनि आँस म्वरदु माँद्यान!

कनि आँस म्वरदु
माँद्यान! तसुंज
हसीन तु जीठ
गरदन आँस खान
सुंजन हवछिमुचन
मिसवाख नर्यन
मंज। खान ति

बेरहमी सान। माँदियानि आव नस्ति
किन्य खून तु वेछव वेछव अँछव
किन्य फँटिस आब फीर्य जोराह।
खानन वुछ तु दितुन अँछन थोप।
गिराजु थोवुन बंद तु वोत पनुनि
कूठरि मंज। तति आयस अँश बाकु
तु लोग दोजख छ्यतु करनि। तमि
पतु खोतुस सख तफ तु तुर बराबर
शोन द्वहन न ख्योन कँह तु न चोन।
माँद्यानि हुंद ति ओस योहोय हाल।

ओस तस सुत्य शिद्योमुत तु
शोहल्योमुत। तु फँहरिस गेनिदार
मँकरिस बुथिस प्यठ आँसिस अँश
फेर्य जोराह यिम जँमीनस प्यठ
प्यनु ब्रोंठुय शिठेमुत्य आँस्य,
बिल्कुल तसुंदी पाँठ्य। तु टांगु
माँलिख ओस महलुक्यन सरगनन
सरगनन वनान—

तु अज सँतिमि द्वह आँस
खान सुंदिस गराजस न्यँबर कनि

‘फेरान न हज छुम कुन्युक।
आँठन शतन आँसुम यि माँदियान
हयँचमुच।’

युवद जन अवतार ह्वगामी 1990 तु ब्रॉट ति लेखान ऑस्य मगर यिहुंदिस कलमस आव पॅतिम्यन देंहन वॅरियन अंदर खास व्यकास। यिमव लीख्य त्वकुट्य त्वकुट्य अफसानु यिमन मंज केंचन बुनियाँदी कथन कुन बामाने इशाएु करनु आयि। फनी ल्यहाजु छु यिमन द्वह ख्वतु द्वह निखार यिवान तु नव्यन कहानी कारन मंज छु यिहुंद खास शुमार करनु यिवान।

खाब

—अवतार पंडिता (ह्वगामी)

बु गोस मजबूर पारटी बदलावनस प्यठ। ग्वडुन्युक एलक्शन ज्यून मे 'नादान पाटी' हुंजि टिकटि प्यठ। तमि विजि प्यव मंडेट बापथ र्वपुयस पाँछ लछ बजुन्य।
 वॅरियन जोखुम खर कानरुचु वनसी रात कुनुय। लूख सुत्य। यिथुय नोव पार्टी लीडरव दोप अँज्यचि लटि मेलि यस रिकाड साफ पानस साम तु नॅतीजस प्यठ जि पाना चुय छुख ओँयीनु। यी अंदर ती न्यबर। मंडेट मेली जोरूर। मगर ओँनि वक्तस प्यठ कोर पार्टी लीडरन म्योन नाव खॉरिज तु वोननम 'मेरे अंगने में तुमहारा क्या काम है' बु प्योस ज़न तु असमानु।

यिमन पांचन वॅरियन रोट मे दम। येति कुनि पोंसु बन्यव, ग्वडु बन्यव कति। दफ सँ बनोव। तथ कॅर्म जुव हिश राँछ। शुर्य सूज्य ट्रेनिंगन, कोरयन कोरुम खांदर। मोटर, बँगलु बाकुय ओँश अशरथ कोरुम।

गफुकथा छा पांचन सुंघ पाँठ्य तु पनुनि खॉतरु कोरुम द्वह ति रूदिम सुत्य एलक्शन वोत, मीटिंगि दोरान मंडेट तँस्य मेम्बरस आसि। मे हेच वो तुस ओँथ्य

मु कॅर न तस निश सीनु सफॉयी। तिक्याजि प्रॉन्य पार्टी लीडरन ऑसिम
मे सूंच यीतिस कालस गळिहे फारम पपर जॉल्मुत्य।

बरनुक वख। म्योन

खवदा मा ओस

बे गारि। अखा

दरवाजु गव बंद

सास गॅयि यलु।

युथुय यि कथ

न्यबर गॅयि

वारियाहन पार्टियन

हुंघ लीडर आयि

मे नूनु गुर्य तीलु

तलाव हावनि मगर मे ति ओस

पांचन वॅरियन असम्बॅली मेम्बरी हुंद

आब चोमुत। सारिनुय पार्टीयन ज़ोल

दिथ छॅत्य तु क्रुहुन्य चॉरिथुय चास

बु पनुन्य सॅल्कु ह्येथ 'समुजदार पार्टी'

मंज। मे आव शायानि शान

यिस्तेक्बाल करनु। म्यान्यन पांचन

वॅरियन हुंजि कामि योसु मे 'नादान'

पार्टी मंज रुजिथ कॅरमुच ऑस आयि

तॉरीफ करनु।

दसतार बंदी ति सपुज। मे

खोत बोश तु रोटुम चम। मगर

नॅविस पार्टी लीडरस रूदुस पीरु सुंद

यजथ तु चूर सुंज रॉछ करान।

तोह्य कॅरिव असि कामयाब। अदु
बुछतव अॅस्य वथुरावव वतन
स्वन। बेकॉरी तु बेरोजगॉरी गळि
रातोरत शालु ह्यंगु हिश गॉब।
त्वहि रोजि चरि द्वाद तु मॅह्य
अॅडिज म्वयसर। तुहुंदयन
अरमानन तु आशन यियि
नोवबहार।

ए ल क श न

सपुद तु बु गोस

बेयि कामयाब।

नादान पार्टी त्रॉविथ

चोल ज़न तु मे

शिकस। मे सूंच मे

कॅर्य पॅतिम वॅरी

जायि। यिमन पांचन

वॅरियन रोट मे दम।

येति कुनि पोसु

बन्यव, ग्वडु बन्यव कति। दफ सॅ

बनोव। तथ कॅरुम जुव हिश रॉछ।

शुर्य सूज्य ट्रेनिंगन, कोरयन कोरुम

खांदर। मोटर, बॅंगलु बाक्युय ऑश

अशरथ कोरुम। ऑशनाव रेशनाव

लॉगिम नोकरियन। पनुन्यन सृत्यन

ति ओसुस आटि नूना हावान।

अवामस ओसुस दपान पार्टी छम

नॅवुय। लिहाज्जा छुम न कॅह अंदान

अलबतु ऑस खॅल्य जु चोर ऑसिम

पनुनि वति कथि। समुजदार पार्टी

हुंदिस लीडरस ओसुस अवालयव

मवालयव वरॉय पनुनी द्युय मॅज्य

डालि सोंजान तु पनुन द्वाह शोंठ

हयू कडान।

वहय शाहमँतनि कारु अकि
द्वह आव नादान पार्टी हुंद अख
मिनिस्टर सानि अलाकु किन्य। मे
द्रायि ज्यव प्यावल। मे कँर तस
बॅल्य चायि माज़रथ। सु चाव हलु
बिस्मिला कॅरिथ सोन गरु। मंज़ु गॅय
द्वह तारु समुजदार पार्टी दिच प्रस
कांनफ्रन्स। मे लौदुख पार्टी मुखॉलिफ
सरगरमियन हुंद राह तु कोडहस
पार्टी मंज़ ज़नतु द्वदु मंज़ु किह्य
वाल। ग्वडु सूच मे बु गलु पाटी
लीडरस निश सीनु सफॉयी करनि।
पतु दोपुम मे क्या लु पुल्हॉरिस
प्योमुत। नवि एलक्शनुक वक ति
ओस नॅज़दीक। यिमेन ताम छा
ख्वदावंदी। वुछव क्या करि ख्वदा।
गरुवाज्यन वनान त्राव यि सियासत।
स्यठाह कमाँविथ कर व्वन्य ख्वदायि
ख्वदायि। मे ख्वव तस बुथ तु
वोनमस, यि गव बतु बानस द्युन
दकु।

मंज़ गॅय र्यथ तारु मे हिव्य
वाराह नफर यिम मुखतलिफ पार्टीयव
मंज़ु अकि नतु बैयि वकानु किन्य
द्रामुत्य ऑस्य समेयि सानि गरि।

असि कॅर मीटिंग। यक राय सपदिथ
बनॉव अलग नॅव पार्टी। तिमव कोर
मे यिसरार पार्टी लीडर बननु खॉतर।
मे दिचु नारस नरि मगर पार्टी करुहा
क्या। गुरसस मॉल तु चोड ह्यथ
पथ कुन। बु बन्योस पार्टी लीडर।
अॅथ्य लु नाव 'बे खोफ' पार्टी।
सोन चुनाव निशान लु 'कलु ख्वपुर'
य्वसु तोह्य बिजली ट्रांसफारम
अक्सर वुछान छिवु। तथ लु आसान
अंगरीज्य पॉट्य Danger लीखिथ।
इन्सानस लु कलु ख्वपरि मंज़ ज़हर।
लिहाज़ा थोव असि अमि ज़हरकि
ताँसीरु निश लूख आगाह थावनु
बापथ यि पार्टी हुंद निशानु बैयि
लुनु अथ कांह मानि मतलब।

व्वन्य हरगाह त्वहि वुनि ति
म्याँनिस नाल बदलावनस प्यठ शक
आसि स्व गॅयि मे तु म्यानि पार्टी
सुत्य ना इन्सॉफी तु मुल्कस तु
कोमस सुत्य दगाँयी। तोह्य कॅरिव
असि कामयाब। अटु वुछतव अॅस्य
वथुरावव वतन स्वन। बेकाँरी तु
बेरोज़गॉरी गछि रातोरात शालु ह्यंगु
हिश गॉब। त्वहि रोज़ि चरि द्वद तु
मॅह्य अॅडिज म्वयसर। तुहुंद्यन

अरमानन तु आशन यियि नोवबहार।

लूकव लाजि सूरि गूरि करनि।

त्वहि रोज़ि न कुनि चीज़स व्यछय।

मे च़ोल अँश बुकु नीरिथ। च़लिमना।

पँत्यम्यन द्वन अल्यकशनन ओसुस

मे ओँस मरच़ुवांगन पयख अँछन

बेयन मातहत।

लिहाज़ा गँयम

कांह कांह वादु

खलॉफी। अज़

छुस नवि पार्टी

याने 'बे-खोफ'

पार्टी येम्युक बु

लूकन आव मे प्यठ आर तिमव
तुल्य नारु दी दी जलसुगाह
अलि कंगन। बु ओसुस सोरुय
च़रुच़ान। सोंचान छुस लगया
ख्वदाया सिकीम गँयि अज़ ति
फिट।

डॉजमुच़। यि ओस

मे 'समुजदार पाटी'

हुंदिस लीडरस निश

ह्योछमुत। लूकन

आव मे प्यठ आर

तिमव तुल्य नारु दी

दी जलसुगाह अलि

लीडर छुस, दामनु गदॉयी कँरिथ

कंगन। बु ओसुस सोरुय च़रुच़ान।

त्वहि वोट मंगान। तोह्य दियिव वोट

सोंचान छुस लगया ख्वदाया सिकीम

असि यियि अकसँरियत। अँस्य

गँयि अज़ ति फिट। नफरा अख

बनावव होकूमत, त्वहि च़ल्रावेव

ओस बडि हटि ज़िंदाबाद लीडर

सॉरी गोसु तु गम। त्वहि छु फकत

हमारा, नारु दिवान। अमि शोरु सुत्य

सॉनिस चुनाव निशानस आयि बटुन

गोस बु हुशार। देंछिन्य खोवर्य छुस

दबावुन। अलाह अलाह तु खॉर

अँछन मूरन दिथ वारु बुछान बिजली

सलाह।

ओँस गॉमुच़। बु ओसुस गुमु सँर्य

गोमुत।



शिखस सोरि नु अतुगथ

पनुन्यन तिमन वारियाहन परन वाल्यन हुंदि खोंततु यिमव ललदेदि मुतलक स्यटाह बूजमुत छु मगर ललि हुंद कलामु परनस मोकु महल आमुत छुखनु, छि अँस्य यथ काल्मस तहत विटु-विटु लल वाख पेश करान। वाख-1 अंकस मंज तसुंदय त्रुवाह वाख पेश कँरिथ कोर असि शुवारंव। यिथय कँन्य गछव अँस्य प्रथ अंकस मंज कमजकम ऑठ-दँह वाख दिवान। युथुय तसुंदय सोंरी वाख म्वकलन पतु तुलोन व्योख प्रोन क्लासिकल कवी तु तसुंद कलामु ति दिमव।

पनुन मीरास नागरीयस मंज रछुन तु लूकन ताम वातुनावुन छु “वाख” पत्रिकायि हुंद अख अहम मकसद। यिम वाख कँर्य अँस्य वुन्युकताम कौशिरि वर्नमालायि हुंदयन अछरन हुंदिस तरतीवस मंज पेश :-

- वाख-1 : अ, अँ, आ, ऑ अछरव सुत्य शोरु गछवुन्य वाख।
 वाख-2 : क, ख, अछरव सुत्य शोरु गछवुन्य वाख।
 वाख-3 : ग अछर सुत्य शोरु गछवुन्य वाख।
 वाख-4 : ट, त, द शोरु गछवुन्य वाख।

यथ अंकस मंज छि ‘न’ तु ‘प’ सुत्य शुरु गछवुन्य वाख शॉमिल। कँन्यन वाखन छि असि नोट या ब्यारव्या ति दितिमुत्य। अगर कौंसि परन वॉलिस कुनि व्याख्यायि सुत्य इतिफाक आसि नु तु सु सोजि असि म्वखसर लपज्जन मंज पनुन्य राय, अँस्य करव स्व स्वीकार।)

(वाखन हुंद नंबर छु वाख-4 ब्रोंह कुन)

41. नियम कर्योथ गरबा

च्यतस कर बा पेयी

मरनु ब्रोंठ मर बा

मँरिथ मरतबु हुरी

नियम— वाटु, गरबा—गरबु मंजुय, ज्यनु ब्रोंठुय, मरतबु—पदवी, लल छे सम्सॉर्य मनशस वनान। वैशवास छु ओसमुत जि ज्यनुस ताम छु मनशस प्रोन जन्म याद आसान, खासकर यिम द्रख तुलिन। तु अवय छु सु बेयि

जन्मस यिनु वक्तु येलि थनु प्यवान छु तेलि दपान जि बेयि क्याजि आस जन्मस। यि वाख छुनु बासान भारती परंपरायि हुंद छु, मगर काँशिरिस (खासकर शैवी सौंच, युस ललि हुंद ति छु) दर्शनस मंज छुनु जिंदय मरनस त्यूत महत्व यूत सूफी (इस्लामी) सौंचस छु। बेयि यि जि मरिथ छु मरतबु हरान — यि छु व्यंग्यस मंज वननु यिवान नु जि उपदेशु रँग्य, यि ज़न यथ वाखस मंज छु। यि छुनु ललि हुंद वाख बासान। ज़बॉन्य किन्य ति छु 17 हिमि 18 हिमि सँदियि हुंद बासान।

42. नाबुदय बारस अटु गंड इयोल गोम

देहु काड होल गोम हयकु कँहयू

ग्वरु सुंद वनुन रावन त्योल प्योम

पहलि रोस ख्योल गोम हयकु कँहयू

अटु गंड— रज़न हुंद सु व्योठ गंड येमि सुत्य बोर नखस प्यठ सिपु ब्यहान छु। देहु काड—शरीरुक थॅर कौंड, रावन त्योल—रावनुच हिश दग। दुनियाह छु म्यूठ तु लूबुवन अवय छुस ललि नाबुदय बोर वोनमुत। मगर सु कति छु कांह मंजिलस तॉन्य सँही सलामथ वातुनॉविथ हयकान। थॅर कौंड स्योद रोजुन छु सादनायि खॉतरु ति ज़रूरी। ग्वर छु सँही दौदिस प्यठ अथु थवान येमि सुत्य दग तु ततुर व्वथि युथ ब्यमार छूट छूठ करि मगर सुय तु छु दवाह। पहलि रोस खेलिच यिरुवन्य नाव छि ज़बर्दस कन्पयूजनुच हालथ हावान येमि किन्य मन व्रचान छु। समसारु किस कुडरिस तजरुबस यापुन छु स्यठाह मुशिकल य्वतान्य नु ग्वर वथ हावि।

43. नाबिस्तान छय प्रकथ ज़लवनी

हिडिस ताम येति प्रान वतुगथ

ब्रह्मांडस प्यठ सुत्य नाडि वहवनी

हुह तवु तुरुन, हाह तवु तोत

नाबिस्तान—नाफि हुंद स्थान, तून, प्रक्रथ—प्रकृती, जलुवनी—गरुम,
हिडिस—हिरिस, हिर्य ग्वगलस, वतुगथ—लल छे कुंडलिनी सादनायि हुंद
अमल व्यछनावान यथ मंज (सुषुम्ना) नॉडी ब्रह्मांडस तान्य खारन यिवान
छे। सादनायि हुंद ऑखरी पडाव छु ब्रह्मांडय येति सिरियि तु चंद्रम
द्वशवन्य हुंदि वजूदुक ह्यू अनबव गछान छु।

44. परान परान ज्यव ताल फॅजुम
चे युग्य क्रय तैजिम नु ज़ाह
सुमरन फिरान न्यूवठ तु ओंगुज गॅजम
मनुच दुयी मालि चॅजुम न ज़ाह

तकरीबन सारिनुय संत कवियन ऑस दुनियाँवी हावनगॅरियि सुत्य नफरथ।
लल छि अथ तजरुबस पनुन्य अलग ज़बान दिथ वनान जि दयि, यि
करुन छुनु तु लबनु खॉतरु कॉफी। यि क्रय छुनु चे युग्य।

45. परुन पोलुम अपोरुय पोरुम
केसरु वनु वोलुम रैथि शाल
परस प्रनुम तु पानस पोलुम
अदु गोम मोलुम तु जीनिम हाल

यथ वाखस मंज ति छे लल बैयिस तॉलीम दिनु ख्वतु पानु अमल
करनसं प्यठ ज़ोर दिवान, मगर सु ति पनुनि तजरुबु सुत्य। प्रनुम—वोनुम,
शेक्षा दिचुम। हाल ज़ेनुन्य—कामयाँबी गछुन्य। ति कॅरिथ ति छे ऑखरी
लॉन बासान बदलावनु आमुच।

46. परुन स्वलब पालुन दवरलब
सॅहॅज़ गारुन सुखिम तु क्रूठ
अब्बासुकि गनिरय शास्तुर मोठुम
चीतन आनंद नैश्चय गोम

सँहँज—पनुन आत्मा युस सानि खौतरु स्वाबाविक, क्वदरती तु सँहल छु,
 हालांकि मुशिकल छु बासान। स्वलब, द्वरलब—सँहँल तु सख।
 सुखिम—नोजुक, कंपलिकेटिड। गनिरय—गनिरु सुत्य स्यठाह अब्यासु पतु
 छनु शास्तरस अहमियथ रोजान। चीतन आनंद छु दय युस हमेशि जिंदु
 तु रोजवुन आनंद छु।

47. पोत जूनि वँथिथ मोत बोलु नोवुम
 दग ललुनौवुम दयि सुंजि प्रेये
 लँल्य लँल्य करान लालु कुजुनोवुम
 मीलिथ तस मन श्रोच्योम देहय

प्रेये—प्रेमु किन्य। लालु—टोठ

हालांकि लालु छु ललि हुंद पनुन पान युस सादनायि अंदर वुजनावान छे
 तु यि वाख सादनायि हुंदी क्रमुक अमल वखनान छु, ति कँरिथ ति छु यि
 अँकिस लोलु हँतिस मनश सुंजि टाँठिस सुत्य म्युल गछनुचि कूशिशि हुंद
 स्यठहुय स्वंदर वर्नन येमि किन्य लल छराह बँखती हुंज शौयिर छनु
 बँल्कि इनसौन्य बावनायन हुंज ति चित्रकार बोजन यिवान छे।

48. प्रथय तिरथन गछान सँनियास
 ग्वारान स्व-दरशनु म्युल
 चिता पँरिथ मो नेश्पथ आस
 डेंशख दूरे द्रमुन न्युल

प्रथम—प्रथ अँकिस, सारिनुय वारि वारि। सँनियास—सँनियॉस्य, ग्वारान—बुछान,
 स्वदरशनु—पननि पानुक दर्शुन छि करान, पनुन पान प्रजनावान छि। तवय
 छे लल पनुनिस ज्यतस ति वनान जि सँही पथ (वथ) रठ तु पानय बुछख
 सब्जार। नेश्पथ—वति रोस, दरअसुल ग्वरु रोस।



(जॉरी ब्रोंह कुन)

પનુન્યન પરન વાલ્યન કૌશિરિ શૌયિરિયિ હુંદિ મીરાસુચ જ્ઞાનકૌરી દિનુ ચૌતરુ છિ ઍસ્ય
યથ કાલ્મસ મંજ સૂફી શૌયિરિયિ હુંદય કેંહ નમૂનુ દિવાન। ઍકિસ ઍકિસ અંકસ મંજ
દિમોન અચ અચ શૌયિર। વાચ-1 હસ મંજ પોરવુ ત્વહિ હબીબ ઉલ્લા નવશહરી સુંદ
કલામુ। તસુંદિ પ્યટુ છુ સૂફી (યાને ઇસ્લૌમી રહસ્યવાદુચિ) કવિતાયિ દસ વ્થાન।
સૂફિયન હુંદિસ કલામસ તરતીવ દિનુ વોલ આલોચક સ્વ મોતીલાલ સાક્કી છુ
લેખાન- “સૂફી સુંજ વથ છે અશ્કુચ તુ પાન પુશરાવનુચ (અર્પન કરનુચ) વથ। આશકસ
છુ ઍશ્કુન જલાવ ઍંદરી વુહાન તુ અમે ઍશ્કુચિ બ્રેહુ છે કાડ કંડિથ બાજે શાર વૈનિથ થનુ
પ્યવાન। યોહય ઍશ્કુન જલાવ છુ આશકસ છેકરસ મલ ત્રાવાન જૌલિથ યેમિ સુત્ય તસ
રુમ રુમ શોદ તુ સાફ છુ ગછાન। ...સૂફી શૌયરી છે સોન મ્વલુલ તુ મૌર્યમૌંદ સરમાયિ।”

વુનિસ તામ પૈરિવ ત્વહિ વાચ-ક્યન અંકન મંજ યિમન સૂફી શૌયરન હુંદિ
કલામુક્ય નમૂન :

વાચ 1 : હબીબુલ્લાહ નવશહરી

વાચ 2 : મૂમિન સૌવ

વાચ 3 : સ્વછિ ક્રાલ

વાચ 4 : શાહ ગફૂર

યથ અંકસ મંજ છિ કરમ બુલંદનિ શાયરી મંજ કેંહ અશ દિનુ આમુત્ય। યિ શૌયિર છુ
19હમિ સંદિયિ મંજસ (કરીબ 1844 ई.) લેખાન ઓસમુત તુ ઍમ્ય સુંદ જ્યાદુ કલામુ છુનુ
દૈસ્યાવ સપુદમુત।

1) વૈન્ય દિમૌયો

—કરમ બુલંદ

બુ દ્રાયસ શોકુ ચાને
બટુ યેલિ દજિ નારય
આવુરેનિ બલુ પ્રારય
ગ્રટુ ફેરિ છલુ છલય
ગ્રટુ મ્યાનિ રેંજલય
મંજલૂન ઓસ મોતુય

ગુલન મંજ વૈન્ય દિમૌયો —
લગ્યસ નો કેંહ તિ ચારય
ગુલન મંજ વૈન્ય દિમૌયો —
ઓટ નેરિ માલિ તલય
ગુલન મંજ વૈન્ય દિમૌયો —
નૈજદસ પ્યઠ સુ ચોતુય

लॉल वॉच पानु तोतुय
शाह येलि ब्यूठ तखतस
सिफथ छुय तँथ्य वक्तस
दुन्यया वुछू तावन
कमू दरदिल छि रावन
करमु ओस पान गदा
साहिवस करान सदा

गुलन मंज वॅन्य दिमाँयो —
नैदुर पेयि बद बखतस
बेदारस वॅन्य दिमाँयो —
येति निथ कति सावन
मजारस वॅन्य दिमाँयो —
रोटुन हर सातु खुदा
फँकीरस वॅन्य दिमाँयो —

2) सोरुय चुय

सोरुय चुय तय बु नो कैह
चे दसगाह तु ह्यस नो मे
सु नार वुछिथ जोरावार
नँ छुस दुह तु न छस रेह
मूसा खोत कोहि तूर
ब्रोंह ब्रोंह पकनस ठँहरयव नु कैह
करमन ड्यूठ शहनशाह
अँल्यफस छुय मीमुक स्नेह

कवो खाँतरु रॉवुम नेह
कवो खाँतरु रॉवुम नेह —
येमे नारु दिल दोद मे
कवो खाँतरु रॉवुम नेह —
दोपनस हावतम पनुन नूर
कवो खाँतरु रॉवुम नेह —
करान ओस तमाशा
कवो खाँतरु रॉवुम नेह —



कौशुर वनवुन छु सामवीद।
पनुनि वनवन-परंपरायि म कँरिव नफरथा।

कथा यि हॉवम सतुच वथ

कॉशिरिस मंज ति छे वाकय जवानन हुंदय पॉटय जेछन नज्मन या महाकाव्यन हुंज परंपरा रुजमुच। 15 हुमि सँदियि मंज लीछ ग्वडनिच जीठ कविता अवतार भट्टन- 'वाणासुरवध कथा'। तमि पतु लेछि फारसी असरस तल शॉयिरव मसनँवियि। मसनवियि आयि 70-80 वॅरिय ब्रॉट ताम बराबर लेखनु। 17 हिमि सँदियि मंज चलेयि पुरानु कथायन प्यठ मन्नी जेछन कवितायन या महाकाव्यन हुंज ब्याख परंपरा येम्युक दस साहिब कौल सुंदय "जन्मु चर्यथ" सुत्य वोथ। मगर यिछन सारिनुय कवितायन मंज छु प्रकाश राम कुर्यगॉम्य सुंद "रामावतार चर्यथ" सरस। कुल आयि 9 'रामायन' कॉशिरिस मंज लेखनु, मगर "प्रकाश रामायन" - नस वोत नु लुकटाछरु किन्य या सँहल कथात्मकतायि किन्य कांह। "वाख" करि यिमन सारिनुय महा काव्यन हुंदय मुख्य अंश सिलसिलुवार पेश। - (मूल जबॉन्य तु स्टाइलस मंज)

वाख -1,2,3,4 हस मंज रामायनुक्य यिम अंश त्वहि पॅरिवु तिमन मंज ओस रामचँदरुन तु तसुंधन बायन हुंदि ज्यनुक व्रतांत, अयोध्या वॉसियन हुंज लीला कॅरिथ राम जियि सुंज त्वता करुन्य, मारीच राख्युस मारनु खॉतरु राम तु लक्ष्मण सुंद विश्वामित्र रेशिस सुत्य गछुन, अहिल्यायि हुंद उदार, सीतायि हुंद पॉडु गछुन तु राम लक्ष्मण सुंद जनकपुरी गछुनु, खांदरुक ग्यवुन, जनकपुरी बराथ यिन्य, खांदर सपदुन तु रामचँदरुनि वनवास सपदुनुक अहवाल दिनु आमुत। वन्य छे कथा ब्रॉट कुन पकान। कथायि हुंद सिलसिलु छु असि बरकरार थोवमुत, योद ज़न मंज कुनि कुनि जायि जेछरु (युस बचॉविथ ह्यकव) निशि बचनु खॉतर कांह कांह शार त्रोवमुत छु। कथायि अलावु छे अथ ग्रंथस मंज वारियाह लीलायि यिम लयि तु संगीतु वॅरिथ छे।

राजु रामचँदरनिस फिराकस मंज कोसल्यायि हुंद व्यलाप करुन

कोसल्यायि हुंदि गाबरो
परयो रामु रामो
कोतू गोहम चु त्रॉविथ
अनी कुस मनु नॉविथ

करयो गूरु गूरु
करयो गूरु गूरु —
कसू हैकु हाल बॉविथ
करयो गूरु गूरु —

लगयो पोत छाये
 नारस व्वठ बु लाये
 कनन छय कनु वाजे
 जगतुक छुख चु राजे
 फेरुहय अँद्य अँद्यी
 जामु चॉन्य स्वनु सुंदी
 लोल चोन व्वन्य मे आमो
 बेयि गोछहम चु रामो
 नेरु हा बाजॉरी
 पादन लगय बु पॉरी
 नेरुयो दारि पँती
 तारि दिल गोम येती
 मे दप्योम रामु राजय
 आदनुकि सीरु बाजय
 मे कमू शाफ ऑसी
 चु गोहम वनवाँसी
 चे पुरयथम बुरजु जामय
 परयो रामु रामय
 ल्वलि मंजु ललनावथ
 वुनि ति नो काँसि हावथ
 नेरुयो शामु लटे
 गाशँरु लालु त्रेटे
 दूरयर नो बु चालय
 लाँजथस मायि जालय
 अँछन हुंद गाश कोत गोम
 केँहति छमनु आश कोत गोम

ही कँरथस बु हाये
 करयो गूरु गूरो —
 श्री कृष्णु महराजे
 करयो गूरु गूरो —
 लागय पोशि गँदी
 करयो गूरु गूरो —
 छारथो शहरु गामो
 करयो गूरु गूरो —
 ह्यडुनम लूख सॉरी
 करयो गूरु गूरो —
 लागयो कारि पती
 करयो गूरु गूरो —
 ख्वश ओय नु वोरु माँजय
 करयो गूरु गूरो —
 तिमति कोनु काँसि काँसी
 करयो गूरु गूरो —
 बु छारथ गामु गामय
 करयो गूरु गूरो —
 जिगरस मंजु बु सावथ
 करयो गूरु गूरो —
 बार म्यॉन्य छी चे मटे
 करयो गूरु गूरो —
 कसू कँरथस हवालय
 करयो गूरु गूरो —
 सिर्ययि प्रकाश कोत गोम
 करयो गूरु गूरो —

वदुनि लोग राजु येलि अहवाल बूजुन
 वनुनि लोग राजु पनुनिस यीशोरस कुन
 वोवुन वाराह तु जामन करिन पारय
 वनुनि लोग क्या सना कोत गेय अवारय
 वशिष्टन तस दोपुन क्या छुख चु सादय
 यि वुछ दय कार यथ क्या ओस वादय
 शोवु यन भरत गौमुत्य शंख चँकरस
 छि सीता पानु आमुच बूम जन्मस
 कष छुस पानु अदित छय कौसल्या
 बरुन छुय वन करुन छुय जन्म त्याग
 करव तप जारबाह अँगनस हुमव पान
 वदान ओस अदितय टोठयोस नारान
 दापुस तँम्य मंग गछी क्या क्वस छय हान
 युन ओसुस पानु तस अवतार दारुन
 करिथ हत्या चलुन रावुन छु गालुन
 तवय बापथ सपुन सु पानु वननास
 हिथा सीतायि हुँदि लंकारि करि डास
 तिथुय राजस सपुन दरहम तु बरहम
 वोदुन वाराह तु साँपुन गाश तस कम
 ति बूजिथ राजु यँच सपुन वुदोसी
 तमिस बूनु प्राख जन्मुक पाप आसी
 दपन पथकुन द्वह अकि वन गोमुत ओस
 तँती बूनु पापु वशि सुत्य अथुशर गोस
 पकन अजदूर तिम बूनु डेठ चाया
 गुमान तस यी सपन क्वहनु क्या बलाया
 कोडुन तरकश दितुन तस तीर दोरिथ

छुनिन तिम बे खबर रेश जादु मॉरिथ

बुछुन रेश बालुका अख पोन्थ सारन

तॅमिस तमि तीरु सुत्य ज़खमी गमुच तन

वदन वौन्नस वनुम व्वन्य क्या करन तिम

पनुन बब मॉज नाबीना गॅमुत्य छिम

चु गळ वुन्य पानु ज़न बय गोस दिख त्रेश

तिमन अदु बाव तस क्याह आव दरपेश

तिथुय गव राज़ पानस निशि न्यरआश

तिमन निशि त्रेश ह्यथ गव ज़न पनुन गाश

लॅगिस तिम शानु छारुनि चीर्य कथ आख

बदल जोनुख तु जिगरस साँपनुक चाख

प्रछुख तस छुख चु कुस अँस्य क्याह छि डेशन

अँछन हुंद गाश असि कौत गव पोजुय वन

वनुन यामत तिमन ह्योत तँम्य पनुन पाप

वँसिथ पेय दूवनवय तस यी दितुख शाप

गोबर गोबरा करान योततान्य गली प्राण

तसुंद दरशुन करुन रोजी चै अरमान

तिथिस राज़स बदल सापुन रेश शाप

चु कर यिनसाफ वन वात्याह करुन पाप

वदुनि लोग नालू त्रावन बाख लायिन

जिगरस दँदयमितिस तँम्य शाख लॉयिन

जान बँलब सपदुन राज़ दशरँतुन रामचँद्रनिस फिराकस अंदर

वंदयो मन बु पादन

छाँडथो रामु रादन

वैचारनाग वति लारय

नुनरुकि तारु प्रारय

भ्रहमु सर किन्य दिमय कन

छाँडथो रामु रादन

अँछन हुंदि गाशि म्याने
 काँल्य राव्यम हिये तन
 कशि तीर लाँयथम मे
 अशि फेर्यन हँरम तन
 महा लशि किन्य यिमुयो
 हमसुदारु गँछिथ रटय वन
 चु रूदहम कथ शाये
 गंगुबल युन छु आदन
 गोसु नो कँह मे चोनुय
 चारु नो लाँन्य वादन
 चु जि गोख मे निशि दूर
 बुजि पोन्थ नागुरादन
 नावतन त्राव कीनय
 हाव म्वख थाव लादन
 बरनिबल युथ नु रावय
 आलव दिजि मे नादन
 नेतरन मंज रटय पाद
 मरुयो वुनि छु आदन
 नारान नागु प्रारय
 प्रारय सुत्य सादन
 सिरियस छु गाश चोनुय
 सुय छुय यूग सादन

ख्वश यिवनि नुंदुवाने
 छाँडथो रामु रादन
 लशि छम नारुन्य रेह
 छाँडथो रामु रादन
 हरम्बखु वँन्य दिमयो
 छाँडथो रामु रादन
 क्राँकु नँदी व्वठ बु लाये
 छाँडथो रामु रादन
 दयन येलि बानु जोनुय
 छाँडथो रामु रादन
 यिजि तेलि येलि गछूयम सूर
 छाँडथो रामु रादन
 बाव सिर दौद मे सीनय
 छाँडथो रामु रादन
 रामु रामु क्रख ब त्रावय
 छाँडथो रामु रादन
 बुति शेरु किन्य दिमय नाद
 छाँडथो रामु रादन
 वांगँतु जाय छारय
 छाँडथो रामु रादन
 सुय छु प्रकाश चोनुय
 छाँडथो रामु रादन

देवनागरी काँशुर परुन तु लेखुन छु सँहँला।
 पनुनिस द्वहदिशकिस वर्तावस मंज अँनिहून।

असि कौशिर्यन क्याजि छनु कौशुर आसनस प्यठ फखुर? अख वजह छु अथ यिजि असि छनु खबर जि अँस्य क्याह अँस्य, सोन अतीत कोताह शानदार ओस, सौन्य बुजुर्ग कौत्या महान अँस्य, तिमव क्याह छु प्रोवमुत, दुनियाहस क्या छु तिमव द्युतमुत। पनुन्यन नवजवानन पननि अमि मीरासुच ज्ञान करनावनु खौतरु छि सौन्य बुजुर्ग तु आदरनीय लेखक 'मजबूर' सौब यि लेखु हौकल लेखान। अज छु अम्युक त्रेयुम कोर पेश। वमदे छे जि सौन्य परनवौल्य सोजन असि यि पँरिथ पनुन्य प्रतिक्रिया जरुर।

अँसी अँस्य तु अँसी आसव

—अर्जुन देव मजबूर

पँतिमिस अंकस मंज कँर अँसि कशीरि हुँदि तमिकालुच कथ यथ (Prehistoric Period of Kashmir) कँशीरि हुँद सु दोर छि वनान युस इतिहासन मंज आमुत छुनु। सुती कँर तिमन केंचन जायन हुँज मोखसर पौट्य वखनय येति 'आसारि कदीमा' हन खुदौय कँरिथ कँह अहम सिक्कु, मूर्ती, टायलु बेतरि कजिमचु छे। यि मोजू छु वारया ज्यूठ म्य अँस कँशीरि प्यठु नेरनु ब्रौह अथ विशयस प्यठ कँह तहकीकी कॉम कँरमुच तु पानु ति कँह नमूनु जमाह कँर्यमुत्य। मगर सु सोरुय गव नारु बुज्य येलि पंदहव सासव न्यशबोद लुकव सोन—गरु बमय किताबु तु मुसवदु जालिथ छुन। अथ क्या वनव। वुनि ति वोत नु कांह अखाह अथ दादस।

बहर हाल अज तुलव अँस्य कँशीरि हुँदि बजरुच कथ अकि बेयि मोजू सुत्य, सु गव दर्शन या फलसफु। कँशीरि छु शैवमतुक महान

फलसफु कुल दुनियाहस दिनुक
फखुर हॉसिल। यि छु सु दर्शन युस
वुनि पूरि पूर ज्ञाननुच ज़रूरत छि।
अथ गछन वखनय करनस स्कालर
(व्यदवान) आसुन्य। बु छुस नु अमि
फलसफुक कांह बोड जॉन्यकार अमा
पोज कम कासु पॅरिथ यि म्य
समुजमुत छु ति थवु ब्रोंह कॅनि। म्य
छि व्वमेद जि अथ दर्शनस प्यठ
अबूर थवन वॉल्य करन अमिच
अहमियत, महानता, गोपनीयता तु
अमिच अज कालुच लगुहॉरी

यात्रायि पूजायि, राजनीती बेतरि
तफसीलु सान असि ब्रोंह कुन अनान।
शैवमत छु जुदा तु अम्युक
दार्शनिक पहलू छु ब्योन। कृष्ण जू
राजदान छु प्रखटिस शिवस लीलायव
दॅस्य पूजान। शिवरात्री छि अमि
दर्शनुक अख अमली सबूत युस
सगुन भक्ती हुंद पोख साकार करान
छु। शैव पुराण ति छु प्रखटिस शिव
सुंज कथा पेश करान।

शिव सूत्र

(Relivence) प्यठ
पूरि पूर बहस। यि
लेख छु फकत
तिमन गुजॉरिश
करनुक ग्वडुत
(इब्तिदा)।

वै षण्ण व
मतुच म्वखसर कथ
करेयि असि
पॅतिमिस अंकस
मंज। नीलमत पुरान
छु कॅशीरि मंज
नीलमतुक प्रभाव,
तीर्थ, पर्व, मंदर,

वननु छु यिवान जि वसुगुप्तस
आव स्वपनस मंज शिव तु
वोननस महादीव बालुकिस
दामनस नखु छु अख पल यथ
प्यठ शिव—सूत्र लीखित छि।
वसुगुप्त गव तोर तु तॅति कॅर्य
तॅम्य शिव सूत्र हॉसिल। श्री पी.
के. खुडबली सुंद वनुन छु जि
हॉरवन तु दॉछगामस नखु छु
अख गाम यथ 'वसुपूर' वनान
ऑस्य। तिम छि वनान जि तिमव
छु वसपूर तु नॉग्य पूर (नागार्जुन
सुंज बसन जाय) पानु वुछमुत।

शिव सूत्रन
प्यठ छि म्य ब्रोंह
कनि प्रख्यात
संस्कृत व्यदवान
डा° बलजी नाथ
पंडितुन कलमी द्युत।
वननु छु यिवान जि
वसुगुप्तस आव
स्वपनस मंज शिव
तु वोननस महादीव
बालुकिस दामनस
नखु छु अख पल
यथ प्यठ
शिव—सूत्र लीखित

छि। वसुगुप्त गव
तोर तु तँति कँर्य
तँम्य शिव सूत्र
हॉसिल। श्री पी.के.
खुडबली सुंद वनुन
छु जि हॉरवन तु
दॉछगामस नखु छु
अख गाम यथ
'वसुपूर' वनान
ऑस्य। तिम छि

शैव दर्शन छु मानव—मात्र खाँतुर।
अथ मंजं छुनु ज्ञात, रंग या ६
।मुक बीद—बाव। यि दर्शन छु
यूत महान जि अभिनवगुप्त
आचार्य युस शेव दर्शनिक अख
महान थोंग ओस छु सदी हा
गुजरनु पतु ति हिन्दस्तानुक
अँजीम (great) दार्शनिक माननु
यिवान।

दर्ज कोरमुत। मगर
येलि म्य तिमन
खात लीखात
अम्युक सबूत मोंग
तिमव हुत नु काँह
जवाब। दिलि
हँदिस अँकिस
संस्कृत विदवानस
पुछ म्य योहय
सवाल तिमव वोन

वनान जि तिमव छु वसपूर तु नॉग्य
पूर (नागार्जुन संज बसन जाय) पानु
वुछमुत। म्य निश छुनु शेंकरपलुक
काँह फोटू। मुमकिन छु काँसि माह
आसि। अगर आसि सु गोछ छापस
खसुन। असि छे पनुनिस दार्शनि
दितिस वुनि कम्य साम हैयचमुच।
ति ज़न गव वननु छु यिवान जि
पतमजली येम्य योग दर्शन ल्यूख
तु युस आयुर्वेद आचार्य ति ओस,
ओस गुदर (क्वलगाँमिस नखु) गामुक
रोज़न वोल्। बु छुस अथ मुतलक
तहकीक करान। कोशुर समाचारस
मंजं ति छु 1989 किस अँकिस
अंकस मंजं शम्भू नाथ भट्ट 'हलीम'
सॉबन पतंजली गुदर गामुक आसुन

जि पतंजली ओस पूर्वस (East)
मंजं गोनार्द जायि रोज़ान। येलि म्य
तिमन वोन जि कँशीरि मंजं छे
अख जाय यथ गुदर (गोदार्द) नाव
छु तिम गयि हॉरतस। बहर हाल यि
तहकीक छु जॉरी श्री राम देव जी
यिहुंद अज जायि जायि चर्चि छु,
ह्योक नु म्यानिस अथ सवालस
जवाब दिथ। यि आयि मँज्य कथ।
कथ ऑस शैव सूत्रन हुंज। वॉलिव
पँकव ब्येयि तँथ्य विशायस कुन।

शिव सूत्रविवृति:

(प्रथम प्रकाश):

चितप्रकाशस्वरूप निरूपणमा ग्वडुनिकिस
प्रकाशस मंजं छि 22 सूत्र। द्वितीय

(લોયુમ) પ્રકાશય મંજ હિ 9 સૂત્ર ।
ત્રીય પ્રકાશસ (ત્રેયુમ પ્રકાશ) મંજ
હિ 46 સૂત્ર તિક્યાજિ 14 સૂત્રસ
સૂત્ય હુ 14 —અ વ્યાખ સૂત્ર યિવાન ।
યિમ હિ કુલબિલ 77 (સતસતથ)
સૂત્ર બનાન ।

અમાપોજ ઍકિસ ઍકિસ
સૂત્રસ પ્યઠ હ્યકિ અખ અખ લોકટ
કિતાબ લેખનુ યિથ । સૂત્ર ગવ
(Farmulae) યાની અખ સંદર નૅટિસ
મંજ વ્યપુરાવુન । સંસ્કૃત અદબસ મંજ
હુ ગ્રામર (વ્યાકરન) સૂત્રન પ્યઠ
આધારિત । અષ્ટાધ્યાયી હુંદ ગ્વડન્યુક
સૂત્ર હુ :

અઙુણ ઋલૂક ઍઓગ ઍઐચ હ્યવરટ
યમઙગનણામ ।

ઙ્ઙભણ જબગઢદશ ખફદરત ચરતવ કપય
શષસર હલ ॥

ઍથ્ય સૂત્રસ પ્યઠ હે ઍઠ અધ્યાયિ
(અષ્ટાધ્યાયી) ખડા । મકાનુક પશ,
દારિ, કમરુ, દાલાન, નકશિનિગૅરી
હે કનુ મંજય સોચનુ આમુચ । અવુય
હિ યૂરપી સ્કાલર (Scholar) વ્યાકરન
વુહિથ પાણિની સુંદિ ઘમાગુક બજર
માનાન તુ અથ ગ્રામરસ વચ્ચનય

કરનસ હે કિતાબુ હા લેખનુ આમુચ ।

શિવ સૂત્ર હિ સ્યઠાહ ગૂઢ ।

યિમન મંજ હુ ઘનત્વ (શબ્દ કમ
ઍસિથ માનિ વારાહ) તુ યિમન હુંજ
વ્યાખ્યા કરન વૅલિસ ગૅહિ શૅવ
ભક્તી હુંજ અમલી જ્ઞાન આસુન્ય ।

77 સૂત્રન મંજ શિવ—શક્તિ, શૂન્ય,
જીવ તુ પ્રથવી હુંજ વ્યાખ્યા કરુન્ય
હેનુ સહલ કથ ।

મોટ્ય પૅટ્ય હુ યિ દર્શન
ત્રેન બાગન મંજ બૅગરુન આમુત :—

1. આગમ શાસ્ત્ર

2. સ્વંદ શાસ્ત્ર

3. પ્રતિભિજ્ઞા શાસ્ત્ર

યિમન ત્રેશવુન્ય હુંજ વચ્ચનય કરવ
દોયમિસ અંકસ મંજ ।

શૅવ દર્શન હુ માનવ—માત્ર
ખૅતરુ । અથ મંજ હુનુ જ્ઞાત, રંગ યા
ધર્મુક બીદ—બાવ । યિ દર્શન હુ યૂત
મહાન જિ અભિનવગુપ્ત આચાર્ય યુસ
શેવ દર્શનુક અખ મહાન થૅંગ ઍસ
હુ સદી હા ગુજરનુ પતુ તિ
હિન્દસ્તાનુક ઍજીમ (great) દાર્શનિક
માનનુ યિવાન ।

શ્રી મ.ક. રૈના છિ પૅત્યમ્યવ કેંચવ વૅરિયવ પ્યટુ કૉશિર્ય અફસાનુ લેખાન। યિહંજ જુ કિતાવુ છે વારસસ આમચુ। હાલુય છપેમચિ દોયિમિ કિતાવિ મુતલક છે યિ સમીક્ષા પેશ।

બ્યાખ બંસી નિર્દોષ જન્મસ આમુત

—ડૉ. શિબનકૃષ્ણ રૈના

શ્રી મ.ક.રૈના સુંદિસ નૅવિસ કહાની મજમૂઅસ મંજ છે 5 કહાનિયિ: ‘નવિ જમાનુક ટુક્ શુકુર’, ‘વઠ’, ‘તબદીલી’, ‘શમીમુ’ તુ ‘જાન દ્યદ’। અમિ બ્રૉંઠ ઓસ યુહંદ કહાની સંગ્રહ ‘ચોક મોદુર’ પ્રકાશિત ગોમુત, યેમિ સુત્ય મ.ક.રૈના પનુનિ જબૉન્ય પ્યઠ ઓબૂર કિન્ય પરન વાલ્યન અંદર ચર્ચુક મૌજૂ બન્યોમુત ઓસ તુ યિ સૉંબિત ગોમુત ઓસ જિ વિસ્થાપનુક દ્યછર ત્વિથ તિ છુનુ કૉશિરિસ લેખક સુંદ કલમ બિથિથ ગોમુત। અમિ સંગ્રહેચિ કહાનિયિ પૅરિથ ઓસ મે તમી વિજિ નૅતીજિ કોડમુત જિ કૉશિરિસ છુ બ્યાખ બંસી ‘નિર્દોષ’ જન્મસ આમુત।

રૈના જી સુંદિ નવિ સંગ્રહચિ પાંચુવય કહાનિયિ છે સનિ ઇનસૉની સંવેદના, મૌજૂચિ (વિશય) રંગાબરંગી તુ જબૉન્ય હંજિ તીજી સબબુ પરનસ લાયખુય યાતુ નુ બલ્કિ સૉંચનસ સરનસ લાયખ તિ। પ્રથ કહાની મંજ છે અખ સ્વંદર શૅછ, અખ વ્યચાર ગુપિથ। ‘નવિ જમાનુક ટુક્ શુકુર’—સ મંજ છુ કથા સૂત્ર આમ લુકવ મંજુ નિથ બડુ ફનકૉરી સાન નૅવિસ માહોલસ મંજ ત્રાવનુ આમુત તુ યિ કૃશિશ છે મોલિક (ઑરિજિનલ)। અસન ત્રાયવ તુ ટીફ ચટ્ટવુન્યવ કથવ સુત્ય છે યિ શૂબિદાર બનેમુચ। અમિ કહાની સુત્ય છુ પ્રેમચંદ સુંજન કહનિયન મંજ સૂટુરય સુંદ ગરીબ ગ્રેસ્ત્યન પ્યઠ જુલુમ યાદ પ્યવાન। યિમવ પ્રેમચંદ સુંજ કહાની ‘સદગતિ’ પૅરમુચ આસિ તિમ આસન મે સુત્ય સહમત।

‘वठ’ कहानी छे कॅशीरि प्यठ बेवतन गॉमत्यन तिमन बटन हुंज त्रासदी हावान, यिहुंघ परिवॉर्य रिशतु विसथापनुचि आर्थिक बदहॉली हुंदिस जदस मंज आयि तु तिमन रिशतन ज़न कॅडुख पॅट।

संकट वख्तु छु बोड बोय अथुरोट करनु बदलु ल्वकृटिस बॉयिस मुसीबथा जानान तु बडु तरकीबु सान तस निशा पान म्वकुलावुन यछान, यी छु अथ कहानियि

कॅशीरि मंज आतंकवाद सुत्य पॉडु गॉमति बटु विस्थापनुक हाल छु अथ कहानी मंज समाज शास्त्री (सोशोलाजिकल) तॅरीकु सान वुछनु चर्चन आमुत कहानीकार छु असि ति यि वुछनस साल करान तु सॉबित करान जि सॉरी रिशतु छि पाँसु टूँकि सुती दॅरिथ।

मंज हावनु आमुत। कॅशीरि मंज आतंकवाद सुत्य पॉडु गॉमति बटु विस्थापनुक हाल छु अथ कहानी मंज समाज शास्त्री (सोशोलाजिकल) तॅरीकु सान वुछनु चर्चन आमुत कहानीकार छु असि ति यि वुछनस साल करान तु सॉबित करान जि सॉरी रिशतु छि पाँसु टूँकि सुती दॅरिथ। विस्थापनन तुल रिशतन वुरुन थोद — यि छे यि कहानी एलान कॅरिथ वनान।

‘तबदीली’ कहानी मंज छु

असि बंसी निर्दोषनि कहानी कलायि हुंद ह्यू कथा व्यस्तार, कथा उतकर्श, कथा कोतूहल तु कथा अंत बाजॉबितु पॉट्य मेलान। तबदीली हुंद आडर कंसल गछनु सुत्य छु महिकाकस

सुती परन वोल् ति ववशव करान। तबदीली सुत्य सपदन वालि तकलीफुक अंदाजु छु अमि कहानी सुती तस सपदान, येम्य सरकॉर्य नोकरी कॅरमुच आसि।

‘शमीम’ कहानी छे ज़नानि हुंज बेबसी हावन वाजन्य कहानी य्वसु कहानीकार सुंज इनसान परस्ती सुत्य सुत्य तसुंज सक्यूलर विचारदारा ति हावान।

‘ज़ान घद’ छे संग्रहच सारिवुय ख्वतु ज़ोरदार तु असरदार कहानी यि छे प्रतीकात्मक (अलामती) कहानी यथ मंज कॅशीरि हुंज तमदुनी वरासथ तति सपदन वाजिनि व्वलहॅरिशि हुंदिस पसमंजरस (पृष्टबूमी) मंज बडु जान पॉट्य

दुबारु वुछुनावनु आमुच छे। रैना जियन छे यि कहानी बडु सिलसिलवार तरीकु सान अलामुतव, बिंबव (इमेजन) तु बयानु सान पथ अज तु ब्रोंह कालुक दस्तावेज बनौवमुच।

कुलस प्यठ छे संग्रहेचि सारेय कहानियि रैना जी सुंज संवेदन शीलता (हसियथ) तु ज़बॉन्य प्यठ तिहुंदि वशुक (अबूरुक) सबूत दिवान। कौशिर्यव मुहावरव, प्रयोगव तु दैपित्यव हुंदि सही इस्तिमालु सुत्य छे रैनाजी सुंज ज़बान पजी खान तु दवान।

यिथु कॅन्य ब्रोंह वननु आव यिमव कहानियव सुत्य छनु रैना जी सुंज शखसियथ कुसुगो कहानीकार सुंज व्वतुलान बल्कि प्रथ कहानी छे तिहुंदि तजरुबुच शहादथ तारान तु शैछ ति बावान — ‘मगर यिमु आसु प्रानि कथु। अज ओस ज़मानु बदल्योमुत।

अँज्युक इनसान ओस त्यूत आवुर ज़ि तस छनु बेयि ख्वर हयनु वक्तुय युतुय योत नु कॅह। यूत यूत लुकन हुंद लसुन बसुन तयस प्यठ वोत, त्यूत त्यूत चाव तिमन

दिलस मंज ख्वचर। अँकिस आव नु बेयि सुंद ख्वश तु अख अँक्य सुंद अज़रवुन गव प्रथ काँसि प्यठ हॉवी। मोह तु माय म्वकुल्यव। तमि बदल जायि अदावथ तु बदखॉही, मगर जान देदि सुत्य रूद सारिनय व्यवहार ठीख। (पृ. 82)

बु छुस श्री एम.के.रैना जीयस

अँज्युक इनसान ओस त्यूत आवुर ज़ि तस छनु बेयि ख्वर हयनु वक्तुय युतुय योत नु कॅह। यूत यूत लुकन हुंद लसुन बसुन तयस प्यठ वोत, त्यूत त्यूत चाव तिमन दिलस मंज ख्वचर। अँकिस आव नु बेयि सुंद ख्वश तु अख अँक्य सुंद अज़रवुन गव प्रथ काँसि प्यठ हॉवी।

यि दौयुम कथा संकलन परन वाल्यन ताम वातु नावनस प्यठ मुबारक करान तु बगवानस मंगान ज़ि यिहुंदि कलमु नीरिन बेयि स्वंदर कहानियि। किताब मेलनुक पता :—

एक्स्प्रेसन्स, 001-A, पुष्प विहार शास्त्रीनगर, वसाइ रोड वेस्ट —

401202, ज़िला ठाणे

किताबि हुंद म्वल : 30 रु.

मसरूफ अख वखरु शॉयिर

—डॉ. अमर मालमोही

“यथ वावु हालि मंजु” छे मोती लाल मसरूफुन्य गज़ल सौबरन
तु यि सौबरन छे शॉयिर सुंद रुत फनी सलीकु हावान। यिमेन शॉयिरन
पैत्यम्यन पंदहन वरियन जलायि वतनी हुंजि हालच मंजु रूजिथ तु
पनुन्य व्वंदु बावथ करनुक मोकु आव तिमेन मंजु छु जेरि नज़र सौबरनि
हुंदि हवाल् मोती लाल मसरूफ अख वखरु जाय थवान। मसरूफ छु
गज़लुक शॉयिर तु अम्य सुंजु तखलीकी सलाहियेच (रचना क्षमता) छे
अथ गाचि मंजु जान पौट्य नज़रि गछान — वुछितव यिम केह शार —

चौक्य गॅयि नज़रन न्यसंगाह दॅदय खयाल
मानि पर अछरन परख क्या शार रोव

असि खोर कहवचन तु पानु अँस्य छि सज़ावार
कोर पानु असि अतुर तु पानय कुन पनुन अदल

होशि डलच गुथा वन डंजि रूजा
म्वछि मंजु सोचि सँदुर किथु थावव

छैन्य माल हरफन हुंजु तु तहुय रौव्य
गँजरखा च़ु व्वन्य किताबु वरखा कथ

व्वलसावुन प्यव वहशथजद यि बेस्वख ज़मीर
कचि रोट क्या क्या अदु नॅन्यरिथ स्व हकीकथ लेख

मसरूपनि गजलुच अख अहम खसूसियथ छे जि न ह्यु सु जबाँन्य रँग्य
गजलुचि र्यवायती लफज रॉश (शब्द बंडारस) लोर न ह्यु सु र्यवायती
आहंगस मंज शार लेखान। जेरि नजर सौबरनि मंज गॅय न मे तिम लफुज
नजरि यिम गजलुक्य लोब लोन बनेमुत्य छि। मसलन वसुल, जाम,
मीना, मय, शराब, शबाब, हिजर, दूरयर, शमा, परवानु, बुलबुल, गुल,
साकी, बेतरि। मसरूपन्य शब्दावली छे सरताजु तु बाजे ह्यु सु सरताजु
कॉफियि वरतावान मसलन :

ख्वशबोयि वॅलिथ पान न्यँबुर्य आयि सरापा
बेवायि खँटिथ आयि अँदुर्य गाशि जुचन प्रव

खोत बार कथन याम तु व्वशल्योव शहन पन
ऑव्युल ह्यु तखययुल तु दिलस मंज छिपिथ श्रव

सेकिल्यन ह्यु मंगान आब यि सँहराव तु वावुल
गॅटिलिस अंदर मसरूप किथु गाशिर्य पचव सारव

रँतिज रेह वॅछ तु वावुल्य नी इहिथ वन
गहे गर्दावलयन मंज शोखा त्रहर्यव

मसरूपनि गजुल छे अकि तरफ इजहारुचि खूबियि तु बेयि तरफ गुदरनुच
दग तमि आयि नजरि गछान जि गजुल परनुक लुतुफ ह्यु यिवान। सु ह्यु
इशारन मंज बावथ करान तु अमि सुत्य ह्यु शॉयिरु सुंद गुदरुन अँकिस
बॅडिस सोथरिस प्यठ इनसॉनी त्रासुक अवकास बनान। जिंदगी हुंदन रंगन
हुंज बावथ ह्यु सु पननि आयि करान —

रँतिज रेह सौंथ चेशमन मंज अवेजान
नोबुय आकार जजबन हुंद रखुन प्यव

कयामथ डोलवुन्य सँदरस नँवुय त्राय
फिज़ा डींशिथ यि वक्तुक कचिरटुन प्यव

मा बलनु यिवान तँहँदि मिज़ाज़ुच मे तबाशीर
लब तशन गुलन वछ छे च़टान राथ सहर लेख

मसरूफनि शॉयरी मंज़ छे व्वमेद तु नाव्वमीदी तमे आयि लॉज़िम तु मलज़ूम
लबनु यिवान येमि आयि यि ज़िंदुगी मंज़ छे। शॉयिर ह्यु आशावाँदी ति
बनान तु न्यराशा छस यि दँप्यज़ि ति कूरान ति। शरूक मूड ह्यु वक्ती जज़्बु
खरु करान तु यि जज़्बु य्वदवय आनँदवाँदी आसि शार ह्यु आनंदुक (रज़ौयी)
रंग प्रावान तु अगर यि हताश (मोयूसकुन) आसि शार ति ह्यु यिहय मोयूसी
ब्रोंठ कुन अनान —

त्रुनाव सैक्युल ताफ तु सँहराँव्य सफर लेख
पर म्यानि वजूदुक तचर तु वारु मचर लेख

डोल वाव लंजन याम रुमल शीशि फुटिथ आव
असि रोव फ़रिस तल पनुन इलहाम बहर लेख

मसरूफ़ गँट्युल शब ह्यु गॉशुरुन
यिनु सहरुमत्या कथि च़ु करखा शाखा

सिरियि ज़ुचु सौबरख म्वछन मंज़ क्या बरख
गाशि पँथर्यन शामु पँत्य फ़ोर गोट गहे

इनसान सुज़ि मजबूरियि हुंद ऐहसास ह्यु मसरूफनि शॉयरी मंज़ आम
पॉट्य व्वतलान। व्वमेद पसुंदी सूत्य ह्यु सु पनुन दिल रंजनावनुच कूशिश
ज़रूर करान मगर ज़िंदुगी हुँदि अमि टेठि पज़रूक ति ह्युस ऐहसास जि
इनसान ह्यु मजबूर तु हालातन ब्रोंह कनि छि अँम्य सुंद्य सौरी खाब

रावान। वृद्धितव यि शार—

यकीनुच तेह छे हानेमुच रुनेमुच
रूमल शीशस कोतामथ रॉछ करुहख

रूमल शीशु अलामथ (प्रतीक) छे अलग अलग सॅथर्यन प्यठ अलग माने
थावान। शायद छु जिंदुगी हुंद शीशि अज़लय रूमल तु अथ रॉछ करुन्य
छे अकि तरफ़ इनसानस खाँतरु फरहादुन्य द्वद क्वल खनुन्य तु बेयि तरफ़
अख मजबूरी। मसरूफ छु जिंदुगी हुंदन तज़ादन वॉक़फ़ तु अवय छुनु सु
सौचि आयि कांह स्यकु नॅहज थवान। सु छुनु पानस कांह शाँयिर ति
ज़ानान तु बाज़े छु तॅम्य सुंद कांह शार द्वंद्व्वात्मक (डायक्रिटिकल) आकार
प्रावान तु सिरी (रहस्यात्मक) रंग ति —

तत्यन छु रोतुल तत्यन छु ब्रम
येत्यन छु गाशुर थॅविथ कदम

अगर च़ु आँनुक अकुस परख
अँती च़ु पोशव हलम बरख

जलायि वतन सपद्यमुत्यन कॉशिर्यन तु कॅशीरि रोज़न वाल्यन कॉशिर्यन
हुंज़ि त्रासदियि हुंद चित्रन छु मसरूफ पनुन्यन गज़लन मंज़ यॅच़ पॉढ्य
करान मगर कुनि ति जायि न छे शारस मंज़ सतही बावुकता पॉटु सपदान
न छि शारुक्य फनी (कलात्मक) तकाज़ु रॉस्य सपदान —

श्वज़र रोव ज़ेहनस ज़हर फ़ोल वुहल
न कांह शिकवु रूदुम, पलन छाँव कथ

सुंज़ कोर तु सपुद रोटु यि शेहजर कुलयन तल
पेयि आवसिथ वनुच यि सबुज़ दार हॅरिथ लेख

सोंचिकय आगर रॉस्य वटुस्य गॅय
हवसुक्य दोथर्य दाल वार सुबहुय


कथताम वुजमलि रोटु छि गॉमुत्य अब्दी स्रह
लोचि गॅडिथ कॅच ताम अछर नायाब सपुद्य

मसरूफनि गज़लि मंज़ छु कुनि कुनि तनज़ पॉटु सपदान तु सु छु इशारन
इशारन मंज़ किरदारस मुतलक वारयाह कॅह वनान—

ग्वब्योमुत छु टार्यन तॅमिस बार ह्युव
मे मा उफ कौरुस ज़ांह मे मा बॉव कथ

म्वखसर वनु बु जि मसरूफुन शार तजरुबु छु रुत तु लचकदार। म्यानि
खयाल छे तस रियाज़ुच ज़रूरथ युथ यि शार तजरुबु वुसथ प्रावि। यि
कथ छे अहम जि मसरूफ छु गज़लुक्य बुनियॉदी तकाज़ु तु ज़बॉन्य हुंद
वरताव जान पॉट्य ज़ानान। तस पज़ि यि सोंचुन जि रेवायथ छे लिखॉरिस
खॉतरु अहम अरज़थ आसान तु र्यवायतुक शऊर (चेतना) छु तसुंदिस
फनस नेशिनावान। समीक्षायि हुंज यि किताब छे परुन्य लायख। लुतुफ,
गॉर्यवॉयती काफियन हुंद वरताव तु बावॅच हुंद वुशनेर छि अमि
सोंबरनि हुंद ग्वन। आखरस प्यठ करु बु ग्वडुनिचि गज़लि मंज़ कॅह शार
पेश युथ मोतीलाल मसरूफुन वखरु शॉयरानु असलूब नज़रि सपदि —

सफर गव रॉस्य पोट मँज़िलुक डहिथ वोथ
सराबस मंज़ फकथ आबस द्यवुन प्यव
रॅतिज रेह सोंथ चेशमन मंज़ अवेज़ान
नौवुय आकार जज़बन हुंद रखुन प्यव
किहीं छुनु त्युथ अगर बोर स्यहरु हरफन
गहे मसरूफ, वल शारुक परुन प्यव



पं. स्वखानंद सुंजु कथु बूझिथ यिथि मोहन्युव तंग, दपि गरि कोनु द्रास जंग
वुछिथ युथ यि समखेहम नु। मगर सु येमि द्रह नु समखि, क्याहताम कमी छे
मनुशस बासान। अकि द्रह रोदुन एडीटर 'वाख' वति प्यठ तु वैनिन नँतुय बहर
तवीलाह। याद कस छु क्याह क्याह वानुन। मगर यि वौनुन ति मा बनि नजर
अंदाज ति करुन। तस खबर गछि या न (ग्वडु सु कति परि यि कालम)
एडीटरन छुन जल कागजस तौरिथ। तोह्य ति पॅरिव।

हरीकृष्ण! करखा ना चुय सँबीला?

—पं. स्वखानंद

हे ब छुसा गरा डेंजि तॅल्य तु गरा पेट्य? बय कथ साफ वनान
छुस। मे कथ करनुक अकोय अंदाजु छु। यी ख्वश कर्यम ती छुस
वनान। यिनु ज्ञान बास्यम ति छुस नु जेवि प्यठ ति ह्यवान। यि छुमा
कसूर जि कॅह तल प्यठ थवनु छुस कथ करान?

मे कोर वंदुक ताफ ख्वश ते वौनुम।

बु छुस दपान लरि लरि दिमुहो ताफ तु गलथ छुसु वनान कॅह।
तोह्य छिवु दपान हे तुरु छे गॅनीमथ, ताफ छु जहर। त्वहि छिवु र्यतु
कालुक्य तापन चुकुट्य चाँन्यमुत्य तु अवय छुवु व्वन्य वंदुक ति ताफ
खरान। मगर मे छनु बुनि ति कॅशीरि हंजु तुरु चलान। व्वन्य जन ब्यूतुस
बु येति ति तापु द्रहा छावनि, मे क्याह गलती कॅर?

हे मे हसाँ छु तुहुंदि दाद्युक पूर एहसास। कुस अखा वनि जि
येत्युक र्यतुकोल छु तस बराह? अँस्य सरुद मुल्कुक्य बसकीन दर छि।
सान्यन अँडिजन तु सानि चमि हय छु शीनुक फाह फेकि फेकि दवाह।
अँस्य हय अँस्य फ्यरन तु कांगरि बँनियान तु कोठ, गुलोबंद तु

अथुपंजस मंजुय आराम लबान,
येति ग्वबि ना असि कुर्तन्य पॉजामु
तान्य येलि गरुम 40 डिगरी ति
ज़्यादु बडान छु। मे छु तुहुंद यि
सोरुय आग्यूमेंट मंजूर। हे बु न सॉ
छुस नु दिलु या दीदु दोर।

मगर बु क्याह करु। बु छुस
जल ततान ति तु जल तुरान ति।
मे ओसुख क्याह ना तति वोनमुत
— अकोय रूद तु मारा, अकोय
फाकु तु द्राग। करु क्याह ऑव्युल
छुस। नज़ाकथ छम नु कांह, कमज़ूरी
छम बिसियार। शरीर छुम कमज़ोर,
दिल छुम तमि ख्वतु ऑव्युल।
बरदाशत छुम नु कैह गछान।

युहुस कॅरुन ना तुर ज़्यादय
पहान? मेय पोरेयि ज़्यादु। अवय
तु छुस बु पननि तुरि कुठि मंजु
चॅल्य चॅल्य यिवान तु सडकि ओरु
योर करान।

हे व्वन्य क्याह वनु त्वहि
पनुन्य दाँदय कांगुर। खॉर तोह्य
छिवु पननी बरादरी हुंघ, तोह्य
ज़ॉनिव सोरुय, त्वहि ति आयि कुनि
नतु कुनि विज़ि यी बुथि प्योमुत।
तोही हैकिव मे समजिथ। त्वहि

वन बु पज़र।

कुठिस हसॉ छिम लबन
चकल वॅथ्यमुत्य। सफेदी हुंघ चकल
हसॉ। ज़न तु फ्यफर द्रामुत्य छिस।
श्रेह सुत्य छिस नकिश ही बनेमुत्य।
द्वयव तरफव छे बेयन मकानन
हुंजु लबु सान्यन लबन सुत्य। त्रैयिमि
तरफु छे अख दॉर यपॉर्य कोचि
छु तु ताफ छुनु कोचस जुंहय
प्यवान। चूर्युम तरफ छु पनुन
यपॉर्य दरवाज़ु छु। तरफ छुनु
कमरस मति र्यतुकालि ति अचान।

यि क्यासा छुख वनान?
ख्वश कुस्मथ छुसा र्यतुकालि ठँडी
आसनु किन्य? हे यि पृछ सॉ
म्यान्यन अँडिजन यिमन योत यिथुय
रिह गव तु वुनि छुनु पंदाहि वुह्य
ति चलान।

यि क्वसु गलती कॅरुम जि
कॅशीरि चॅलिथ तु येति यि किरायि
कमरु कॅरिथ अगरय अपरेल
मॅयीकिस गर्मस दर्योस नु तु द्वहस
ओसुस त्रै त्रै श्रान करान? बु ति
हसॉ ओसुस नु गर्मस दरान। व्वन्य
ति छुस न दरान। मगर वंदुच तुर
छम अँडिजन तॅरिथ गछान।

आ तोहयवुछिव मै ओक्तूबर
प्यठय प्यरन लॉगिथ सडकन फेरान।
फेरु नु तु अटु क्याह करु? आंगुन
कति छु सॉनिस मकानस। हे मॉलिकि
मकान छु कोठस खसान तु ताफ
दिवान। बु कोत सना गछु?

व्वन्य मा वोनुम गलथ केंह?

हे सेहत थेंविन सॉ हरीकृष्ण
कोलस। तसुंद अफसानु 'ताफ' हसॉ
प्योम प्योम याद। पोशिकुज युथुय
वंदस कॅशीरि प्यठु दिलि गछान छे

त्वकटिस नेचिविस लिश, तति ताफ
छॉविथछिस ना बॅडिस लॅडक् सुंद
शुर्य बॉच याद प्यवान यिम कॅशीरी
आसान छि। दपान छना वंदुक ताफ
तारुहॉ दिलि प्यठु फ्वत्यव कॅशीरि।
वह्य बु ति निमुहॉ वंदुक यि ताफ
सडकव प्यठु डुविथ तु पनुनिस
श्रेहलद कुठिस मथुहॉ लबन।
हरीकृष्णा करखना चुय सॅबीला?
लेखखना युथुय ब्याख अफसाना?

काँशुर वाख — सारिनय सोन आलव

- 1) 'वाख' खॉतरु छि अँस्य ऐहतारामु सान लेखकन, शॉयिरन, नाटककारन नाद लायान।
- 2) 'वाख' मु वुछून तोह्य सिरिफ तिमन हदबँदियन अंदर यिमु अथ त्वहि बासनवु बँल्लिक तिमन हदन तान्य यिमन तान्य तोह्य यि वातुनावुन येछिव।
- 3) 'वाख' छु खॉल्लिस अदबी मैग्जीन। लिहाजा ह्यकन अथ मंजु तमाम साहित्यिक मसलु तुलनु तु व्यछनावुन यिथ। तिम मसलु आँस्यतन काँशिरिस साहित्यस, कल्चरस सुत्य तु ग्वडु अनवॉर्य दिमोख। आसन नु तोति दिमोख जाय।
- 4) 'वाख' छुनु अलाकन तु बँस्तियन, वादियन तु माँदानन, वालन तु दँरियावन या मुल्कन हंजन सरहदन अंदर काँद, तिक्काजि साहित्य छुनु काँह सरहद मानान।
- 5) 'वाख' खॉतरु गछन लेख कवितायि वगॉरु नागरी लिपी मंजु साफ अछरन मंजु लीखिथ या टाइप कँरिथ सोजनु यिन्य। तरजमस सुत्य गछि मूल ज़बॉन्य हँदिस लेखकु सुंद इजाज़थ ति आसुन।
- 6) 'वाख' खॉतरु हेकि सामग्री ईमेलु जँरियि ति यथ पतहस प्यठ सोजनु यिथ :
aiksnd@rediffmail.com.
- 7) 'वाख' छु सिरिफ भारत सरकारुक्य मंजूर शुदु निशानु वरतावान। यिम 'बँल्लिव काशुर हेछव' 'प्राइमर' तु 'रीडर' किताबन अंदर इस्तिमाल करनु आमुत्य छि। यिमु ज़ु किताबु छे 'संप्रति', केपीसभा, अंवफला, जम्मूहन छापिमनु।
- 8) अथु सुत्य लेखनु खॉतरु छि काँशिर्यन निशानन हुंदा नमूनु पेशा :
 अँ = अँछ, अँड, गँज, कँर, अँस्य, कँरिथ, दँरियाव, सँहँल, हदबँदी
 आँ = काँर, लाँज, माँर, काँल्य, काँद, आँद्य, माँदान, शॉयिर, काँशिर्य
 अु = बु, चु, तु, बतु, नतु, बडु, छुनु, खॉतरु
 अु = सुत्य, कृत्य, तुर, डुस
 ऐ = मे, चे, छे, रेह, नेनि, बेनि, हेह, येछिव, ऐहतिराम
 ओ = ओदुर, मोट, कोर, शोद, बोड

वाक्य काँशिर्य स्वर छि तिमथ यिम हिंदियिक्य छि।

- 9) काँशरिस मंजु छिनु अँस्य औ, अः, ऋ, ए, इ, झ, ज, ङ, ध, भ, प, क्ष, ज इस्तिमाल करान। येलि अँस्य हिंदी या संस्कृत लफुज काँशिरावोख अँस्य लेखव तिम यिथु कँन्य :
गुरवार, जंडु, डोल, दनुवान, बूमी, शठकोन, ग्यान... मगर येलि नाव लेखुन्य आसन अँस्य वरतावव मूल लफुज तिथय पाँठ्य : घनश्याम, ओझा साँब, कृष्ण, गुभाप, लक्ष्मण, ज्ञानेश्वर

येमि अंकुक्कय लेखन वॉल्य

1. डॉ. अमर मालमोही : सी -5, चाणक्यपुरी (फेज II)
शाहनूर वाड़ी रोड, औरंगाबाद — 431001 -)
2. डॉ. बद्रीनाथ कल्ला -63/6 — त्रिकुटानगर, जम्मू।
3. श्री अर्जुनदेव मजबूर — गली नं. 1 — रामकृष्ण विहार, अकलपुरा,
वाया बोहड़ी, तालाब तिल्लू, जम्मू।
4. डॉ. र.ल.भट्ट — 425/4, लक्ष्मी विहार (तोमल) बोहड़ी,
तालाब तिल्लो जम्मू — 180002।
5. जवाहर लाल :सरूर', मकान नं. 249,
विनायक नगर, मुट्ठी, जम्मू — 181205।
6. सैयद रसूल पोंपुर, 55— साइकोप रोड, बिजबिहारा, कश्मीर — 190015।
7. श्री हृदय कौल भारती — 943/ए, (एच आई जी) सैक्टर 29, फरीदाबाद।
8. डॉ. मजरूह रशीद, कश्मीरी डिपार्टमेंट,
कश्मीर युनिवर्सिटी, श्रीनगर 190006।
9. प्रो. के.एल तिक्कू, जलाली निवास, 302, प्रेम नगर, न्यू प्लाटस, जम्मू।
10. अवतार पंडिता हृवगामी, 31/5, लोवर बरनाई, मुट्ठी जम्मू 181205।
11. डॉ. प्रेमी रोमानी : 1/3, नसीब नगर, पंपोश कालोनी,
जानीपुर, जम्मू — 180007।
12. मोती लाल मसरूफ, गुडा केरन, बरनाई रोड, बनतालाब जम्मू (मकान नं०
13. पं.स्वखानंद : द्वारा वाख, एआईकेएस,
सरोजिनी नगर, नई दिल्ली — 23।
14. डॉ. शिवन कृष्ण रैणा, 2/5373, अरावली विहार, अलवर 301001।
15. गोकल डेंबी, 196/2, पंपोश कालोनी, जानीपुर, जम्मू।

THE HISTORY OF THE

THE HISTORY OF THE	1
THE HISTORY OF THE	2
THE HISTORY OF THE	3
THE HISTORY OF THE	4
THE HISTORY OF THE	5
THE HISTORY OF THE	6
THE HISTORY OF THE	7
THE HISTORY OF THE	8
THE HISTORY OF THE	9
THE HISTORY OF THE	10
THE HISTORY OF THE	11
THE HISTORY OF THE	12
THE HISTORY OF THE	13
THE HISTORY OF THE	14
THE HISTORY OF THE	15
THE HISTORY OF THE	16
THE HISTORY OF THE	17
THE HISTORY OF THE	18
THE HISTORY OF THE	19
THE HISTORY OF THE	20
THE HISTORY OF THE	21
THE HISTORY OF THE	22
THE HISTORY OF THE	23
THE HISTORY OF THE	24
THE HISTORY OF THE	25
THE HISTORY OF THE	26
THE HISTORY OF THE	27
THE HISTORY OF THE	28
THE HISTORY OF THE	29
THE HISTORY OF THE	30
THE HISTORY OF THE	31
THE HISTORY OF THE	32
THE HISTORY OF THE	33
THE HISTORY OF THE	34
THE HISTORY OF THE	35
THE HISTORY OF THE	36
THE HISTORY OF THE	37
THE HISTORY OF THE	38
THE HISTORY OF THE	39
THE HISTORY OF THE	40
THE HISTORY OF THE	41
THE HISTORY OF THE	42
THE HISTORY OF THE	43
THE HISTORY OF THE	44
THE HISTORY OF THE	45
THE HISTORY OF THE	46
THE HISTORY OF THE	47
THE HISTORY OF THE	48
THE HISTORY OF THE	49
THE HISTORY OF THE	50
THE HISTORY OF THE	51
THE HISTORY OF THE	52
THE HISTORY OF THE	53
THE HISTORY OF THE	54
THE HISTORY OF THE	55
THE HISTORY OF THE	56
THE HISTORY OF THE	57
THE HISTORY OF THE	58
THE HISTORY OF THE	59
THE HISTORY OF THE	60
THE HISTORY OF THE	61
THE HISTORY OF THE	62
THE HISTORY OF THE	63
THE HISTORY OF THE	64
THE HISTORY OF THE	65
THE HISTORY OF THE	66
THE HISTORY OF THE	67
THE HISTORY OF THE	68
THE HISTORY OF THE	69
THE HISTORY OF THE	70
THE HISTORY OF THE	71
THE HISTORY OF THE	72
THE HISTORY OF THE	73
THE HISTORY OF THE	74
THE HISTORY OF THE	75
THE HISTORY OF THE	76
THE HISTORY OF THE	77
THE HISTORY OF THE	78
THE HISTORY OF THE	79
THE HISTORY OF THE	80
THE HISTORY OF THE	81
THE HISTORY OF THE	82
THE HISTORY OF THE	83
THE HISTORY OF THE	84
THE HISTORY OF THE	85
THE HISTORY OF THE	86
THE HISTORY OF THE	87
THE HISTORY OF THE	88
THE HISTORY OF THE	89
THE HISTORY OF THE	90
THE HISTORY OF THE	91
THE HISTORY OF THE	92
THE HISTORY OF THE	93
THE HISTORY OF THE	94
THE HISTORY OF THE	95
THE HISTORY OF THE	96
THE HISTORY OF THE	97
THE HISTORY OF THE	98
THE HISTORY OF THE	99
THE HISTORY OF THE	100

CENTRALLY LOCATED FOR LUXURY AND COMFORTS



- ☐ Delicious Food, Kashmiri Wazwan, Indian, Chinese & Continental
- ☐ Well Stocked bar with screen environment
- ☐ Spacious Rooms with all the modern facilities
- ☐ Conference Hall with open Terrace
- ☐ Air Conditioned Banquet Halls for Marriage Parties etc.
- ☐ Spacious Lush Green Lawns
- ☐ Ample space for car parking within Hotel Complex



HOTEL SAVOY
AIR CONDITIONED

(Owned by RAINA'S)

Residency Road Extn., Near Delhi Public School, Jammu
For Reservation : 0191-2576173/74/75, 2571947/48
Fax : 2576176

**With best compliments
from**



Vasu Dev 'Reh' Cultural Trust
(Batapora Sopore, Kashmir)

**B-28/34 Subash Chowk, Laxmi Nagar,
Delhi-110092**

Phone : 011-22413422 Fax : 011-22459443
E-mail : pandita1@vsnl.com